



იონა

პეპელი

რეპელი

სახელწიფო ბაზოცეულოჯა
«საბჭოთა საქართუელო»

19 თბილსი-58

იონა ვაკელის პოეზია

პოეტი და დრამატურგი იონა ვაკელი ეკუთვნის ქართველი პროლეტარული მწერლების ე. წ. პირველ თაობას. იგი ჯერ კიდევ მენშევიზმის ბატონობის წლებში თანამშრომლობდა გაზ. „კომუნისტში“ და უძღვროდა ქართველი მშრომელი ხალხის განათიადს. მართალია, ი. ვაკელის ყველა ლექსი არ არის რევოლუციური პათოსის შემცველი, მის ადრინდელ ლექსებში აქა-იქ გაისმის მელანქოლიური ჰანგი. ისიც უნდა ითქვას, რომ იგი იმთავითვე ქართველ მკითხველს მოეველინა როგორც ფაქიზი გემოვნების ლირიკული ხმის შემოქმედი, რომლის ლექსებშიც გადმოცემულია ახალი ადამიანის მებრძოლი განწყობილება: საბჭოთა პატრიოტიზმი, მშრომელის გმირული სული, ურყევი სწრაფვა კომუნისტური მერმისისაკენ, კლასობრივი მტრისადმი ზიზღი და შეურიგებლობა.

იონა ვაკელი (იონა ლუკას ძე მეგრელიძე) დაიბადა 1900 წელს, ნოემბერში, ოზურგეთის (მახარაძის) რაიონის სოფელ ვაკეში. მამა, ლუკა ანტონის ძე მეგრელიძე გურიის რევოლუციური მოძრაობის ერთ-ერთი აქტიური მონაწილე იყო, რის გამოც სასტიკად იქნა დასჯილი მეფის მთავრობის მიერ. 1906 წელს მას პლასტუნების დამსჯელმა რაზმმა სახლ-კარი გადაუწვა, ხოლო შემდეგ დააპატიმრეს და პატიმრობაშივე გარდაიცვალა 1910 წელს.

დედა, ნინო ექვთიმეს ასული მეგრელიძე, იმ დროისათვის კარგად განათლებული ქალი იყო. მან იკისრა ობლად დარჩენილი შვილების აღზრდა. თავისი უფროსი ვაჟი იონა მან 1908 წელს სოფლის ორკლასიან სასწავლებელში მიაბარა, ხოლო 1914

წელს — ფოთის სამოქალაქო სასწავლებელში. უსახსრობის გამო ფოთის სასწავლებელი იონას არ დაუმთავრებია და 1916 წელს უბრუნდება თავის სოფელს, ეხმარება დედას ოჯახის გაძლოლაში და თან ემზადება კერძო მასწავლებლებთან სწავლის შემდგომი გაგრძელებისთვის.

1917 წლის თებერვლის რევოლუციამ ი. ვაკელს სოფელში მოუსწრო. 1918 წელს იონა მიდის ქ. თბილისში. აქ იგი სხვადასხვა დაწესებულებაში მუშაობს, თანაც ემზადება სასწავლებელში შესასვლელად. 1920 წელს იგი შედის საერთო განათლების კურსებზე და ამავე წელს ამთავრებს მას წარჩინებით. საქართველოში საბჭოთა ხელისუფლების დამყარების შემდეგ ი. ვაკელი სხვადასხვა საპასუხისმგებლო თანამდებობაზე მუშაობს.

1933 წელს იგი აბარებს უნივერსიტეტში სავალდებულო მინიმუმს და ამავე წელს შედის ასპირანტურაში.

ლექსების წერა ი. ვაკელმა ადრე დაიწყო. მისი პირველი ლექსი დაიბეჭდა 1920 წელს გაზ. „კომუნისტში“. საქართველოში საბჭოთა ხელისუფლების დამყარების შემდეგ კი სისტემატურად იბეჭდება გაზ. „კომუნისტში“, ჟურნალ „პროლეტარული მწერლობა“-ში, „ქართული მწერლობა“-ში, „მნათობში“ და სხვა.

ი. ვაკელის პირველი ნაბიჯი დრამატურგიაში კომედია „აპრაკუნე“-თი დაიწყო. შემდეგ ამას მოჰყვა პიესები: „შამილი“, „შური“, „გიორგი სააკაძე“ და სხვები. ამჟამად ი. ვაკელი განაგრძობს ინტენსიურ მუშაობას როგორც დრამატურგიაში, აგრეთვე პოეზიაში.

ი. ვაკელი, ჯერ კიდევ საქართველოში საბჭოთა ხელისუფლების დამყარებამდე, გვევლინება როგორც საკმაოდ ჩამოყალიბებული და მხატვრულად დახვეწილი პროლეტარული პოეტი.

ი. ვაკელს სჯერა, რომ ახლოა მენშევიკური რეჟიმის აღსასრულის დღე, რომ „ბნელ ღამეს შეცვლის დღის ნათელი“. მენშევიკების ბატონობის დროს არა ერთი და ორი რევოლუციონერი იყო ციხეში გამომწყვდეული. ლექსში „ტუსადი“ პოეტი ამბობს:

„ღღეს კი სიბნელით გარემოცულს
და გულმწუხარეს

ქუბღულად აწეღის მკრთალ სინათლეს
ვიწრო სარკმელი,
მაგრამ მომავლის საიმედო
რწმენა ახარებს:
— ბნელ ლამეს შეცვლის
ნეტარების მზით დღე ნათელი“.

იმ დროს, როცა კომუნისტური პარტია ამზადებდა ქართველ მუშებს და გლეხებს მენშევიკური ტირანიის დასამხობად, ი. ვაკელი უმღეროდა მუშათა კლასს და ბრძოლისკენ მოუწოდებდა მას. აი, როგორ ალაპარაკებს ქართველ მუშას ი. ვაკელი:

„ჩამოეცალეთ, აწ დრო დადგა გამოუჩინოების,
რისთვის გგონიათ, კიდევ ვიყო უღონ-უგონო,
ბრძოლის შვილი ვარ, ზღვის ტალღებთან მარად შეზრდილი,
ამაოდ ფიქრობთ მომავალში ვინმეს ვემონო!“

პოეტი აღფრთოვანებით შეხვდა საქართველოში საბჭოთა ხელისუფლების დამყარებას. ერთ-ერთ ადრინდელ ლექსში იგი იგონებს ქართველი ხალხის ბნელ წარსულს და უმღერის ახალს, საბჭოთა რესპუბლიკას:

„დიოდნენ წლები და ამ არეზე
აღარ ჰყვაროდა შორი ველებიც,
იყო ტანჯვა და იყო სიკვდილი,
იყო ციხე და სახრჩობელები...
დღეს კი, როდესაც სიცოცხლით სავსე
არის ზეიმი, არის არული,
ისევე წკრიალებს პოეტის ხმაზე
ხალისი, ცეცხლი და სიყვარული“.

მაგრამ ი. ვაკელის პოეზიას ყოველთვის როდი ახასიათებს ოპტიმისტური განწყობილება ზოგჯერ პოეტს იპყრობს სევდა; (იხ. ლექსი „მეგობრობისადმი.“)

საბჭოთა პერიოდში დაწერილი ლექსებიდან აღსანიშნავია: „სამჭედლოში“, „პარიზის კომუნა“, „შუადღე ქარხანაში“, „მეზარე“, „ჩვენ მჭედლები ვართ“, „მადაროს პრელუდიები“, „ბოლნისის გზაზე“ და „ზაპესი“. ლექსში „სამჭედლოში“ ი. ვაკელი გადმოგვცემს ბორკილყურილ შრომის ზეიმს და თავისუფალი ქართველი მუშის სიხარულს:

„ჰა, სდულს შრომა, ელავს ქურა,
და გიზგიზებს ცეცხლის ალი,
იქედება პირმცინარე —
სხივმფინარე მომავალი“.

ლექსში „შუადღე ქარხანაში“ პოეტი გადმოგვცემს საბჭოთა ქარხნის მუშათა სასიხარულო შრომის სურათს და ოსტატურად გვაგრძნობინებს შრომის რიტმს:

„გრიალი ჩქარი და ფრთა მედგარი —
სიცოცხლის ქნარი ღვედებს ათრთოლებს,
მანქანის რგოლებს სდის ორთქლის ღვარი
და ზღაზღინით ქარი შორს მიაქროლებს.
ჩვენ რკინის ძმები სულ გვეყვარება,
მათი მსგავსება არ გვინდა სხვაზე,
შეწყობილ ცვლაზე დულს მღელვარება, —
შეკრული საღით ბორბლების ხმაზე.
შრომის ჯარი კი, ოფლში მკერდს ადნობს,
თან გრძნობებს ათობს, ცეცხლის ქარია:
შრომის არია იპყრობს ცის ტატნობს
და გვიხარია, ო, გვიხარია!..“

ასევე ოპტიმისტური განწყობილების გადმომცემელია მეორე ლექსი — „ჩვენ მჭედლები ვართ!“, ქართველ მუშათა კლასის ცხოვრების სურათებს გვიხატავს აგრეთვე ლექსი „მალაროს პრელუდიები“.

1921-26 წლებში დაწერილი ლექსებიდან აგრეთვე აღსანიშნავია „ზაპესი“. ელექტროფიკაცია სახეს უცვლის ძველ იდილიურ სოფლის სურათს:

„რადგან ეპოქა ლახტის და ხმალის
წარსულისაკენ იცვლის ნაბიჯებს
და მის მაგივრად ელექტროს ძალა
შემოქმედების მოედანს იქერს.
წყვიდიადო, გული რად არ გიტირის?
გელევა დღენი, შაებნელო ღამევი!
შენ მიდიხარ და ჩვენ გეთხოვებით,
უკანასკნელად იმღერე რაჟე!“

პოეტმა იცის, რომ ინდუსტრია სახეს უცვლის ძველს, მაგრამ ელექტრონებით გაჩირაღდებულ სოფელს თავისებური სილამაზე აქვს. იგი ასე მიმართავს ღამეს:

„მაგრამ მე ვხედავ — ამიერიდან
შენი სულისთქმა განწირულია,
რადგან სინათლე არ მოერიდა
და ჩაჰკლა შავი ძალა სრულიად.
რით განუგეშო, ჩემო კეთილო,
შენთვის ქებაც კი დამიშურია
და ეს იმიტომ, რომ ჩემს ქვეყანას
მეტი ქმედობის ძალა სწყურია!
იდიდე, ზაქესი ხალა გრიგალიც
რომ ამოვარდეს ქვის გამკვნეტელი, —
მე მჯერა, ისევ იქნება მტკიცედ
შენი წიბო და შენი კედელი!“

ი. ვაკელი უმღერის ინდუსტრიულ ქალაქსა და კოლმეურნე
გლეხობას, უმღერის ახალს, აღორძინებულ საქართველოს, მის
თვალწარმტაც ბუნებას, საქართველოს დედაქალაქს — თბილისს,
გორის ციხეს, მშვენიერ კახეთს, ახალ კოლხიდას, გურიას, უმ-
ღერის ჩვენს დიად ქვეყანას და მის გულს — მოსკოვს.

პატრიოტული ლირიკის კარგი ნიმუშია აგრეთვე ლექსი „ნა-
ნა“. ამ ლექსში ჩქეფს სიცოცხლის სიყვარული:

„სიხარულის დღეებია
და უღრუბლო ღამე,
თავისუფალ შრომისათვის
გისმობს შენი მხარე;
ბედნიერი ქვეყნის შვილო,
არ გდის ცრემლი ცხარე;
ფეხს აიდგამ, — დავაჟაკადი,
გაიზარდე მალე;
სისო ნანა, სისო შვილო,
სისო გენაცვალე!..“

პოეტს არა ერთი და ორი ლექსი მიუძღვნია ჩვენი გმირული
საბჭოთა არმიისადმი და სამშობლოსათვის თავდადებული მამა-
ცი წინაპრებისადმი.

სამამულო ომის წლებში მწერალი უმთავრესად დრამატურ-
გიაში მუშაობდა, მაგრამ ამ პერიოდში დაწერილი ლექსებიდან
ჩვენ შეგვიძლია დავასახელოთ „გახსოვდეთ სამშობლო“, სადაც
პოეტი ამბობს:

„ახლაც ის გრიგალი კვლავ შფოთავს, ქანაობს
და მინც გულმშვიდად შრიალებს ტყე,
ძვირფასო სამშობლოვ, დიდო ქვეყანაო,
ჩვენ, — შენი შეილები, შენთან ვართ დღეს“.

უფრო გვიან დაწერილ მეორე ლექსში პოეტი აგვიწერს რა
საქართველოს თვალწარმტაც პეიზაჟს, ამბობს:

„ნელი სიო მინდვრის ყვავილთ
ათამაშებს, აბიბინებს,
მაგრამ ფიქრი, ჩემი ფიქრი,
მინც ფხიზლობს, არ იძინებს.
ის იგონებს, არ ივიწყებს —
მამულისთვის მებრძოლ შეილებს,
ქვეყნის ხსენისთვის ბრძოლის ველზე
არწივივით მხარგაშლილებს...“


პოეტის ლირიკული ლექსებიდან ყურადღების ღირსია: „სა-
დამო ბახმაროში“, „გურული სიმღერები“, „ტირიფი სოხუმის
ბალში“, „სიჭაბუკის დღეები“, „წერილი დედას“, „ჩემს ფანჯა-
რასთან“, „რიცა“, „ვერ დავივიწყებ“, „მოდო, ტურფავ“, „ვით
ნიავის ნაზი ფრთები“, „გულის სიმღერა“, „შადრევანთან“ და
„ჩემო კარგო მეგობარო“, რომელიც ხალხში გავრცელებული
ცნობილი სიმღერის მოტივზეა აგებული:

„ჩემო კარგო მეგობარო,
მომენატრა შენი სახე,
მინდა გნახო, მაგრამ სად ხარ,
სიზმარშიაც ველარ გნახე!..“


გარდა ლირიკისა, ი. ვაკელი მუშაობს ეპიური პოეზიის დარგ-
ში. ამ მხრივ ყურადღების ღირსია მისი ბალადები და განსაკუთ-
რებით 1926 — 1930 წლებში დაწერილი პოემები: „შირაქიანი“,
„ზელიმხანი“, „არსენა ჯორჯიაშვილი“ და „მეწისქვილე“.

ი. ვაკელის რჩეული ლექსების და პოემების გამოცემით ქართ-
ველ საბჭოთა მკითხველს საშუალება ეძლევა წარმოდგენა
იქონიოს ამ ნიჭიერ პოეტის შემოქმედებაზე.

ს ა ლ ი ბ რ ბ რ ხ ი ძ ი



შექმენი



სიცოცხლის ჰიმნი

შემომანათე, მეც ავენთე თვალით მზიურით,
ორი მერცხალი ბროლის მკერდზე ტოკავდნენ წყვილად,
ზრუნვა და ფიქრი ავამაღლოთ ყოველდღიური
და მარადიულ სიხარულზე ვიმღეროთ ტკბილად.

ვიმღეროთ ისე, როგორც არვის არ უმღერია,
დიდი ბრძოლებიც მოვიგონოთ ხალისით სავსე,
ამის გარეშე თვით სიცოცხლე არაფერია,
უბედურია, ვინც შეჩერდა ცხოვრების გზაზე.

სანამ ვართ ქვეყნად — ვიშრომოთ და ვიმხიარულოთ
და ნუ დავეძებთ წყეულ კითხვებს მსოფლიოს ხმაში,
არ შეგვაშინოს იმის ფიქრმა, რომ ჩვენ ვართ მხოლოდ
უბრალო წვეთი თავისუფალ ბობოქარ ზღვაში.

მაგრამ ეს წვეთი მუდამ ბრძოლის მონაწილეა,
მის მიზან-სწრაფვას, მღელვარებას არ უჩანს ბოლო,
სიცოცხლისაკენ ყველა გზები გადაშლილია
და გზის გამკვლევი ამ ცხოვრების სიბრძნეა მხოლოდ.

მაშ, მოდი ისევ და აღმანთე თვალით მზიურით —
ორი მერცხალი ბროლის მკერდზე ტოკავდნენ წყვილად,
ზრუნვა და ფიქრი ავამაღლოთ ყოველდღიური
და მარადიულ სიხარულზე ვიმღეროთ ტკბილად!..

კოლხეთის მთვარე

ეს კოლხეთის მთვარე
თითქოს ერთი ციდა,
მოღვენთილი მხრებით,
რომ დაგვეყურებს ციდან —

ნეტავ იყოს ახლოს
ჩვენს გრძნობებთან ისე,
რომ ვვარცხნიდეთ ხელით
მოღერებულ კისერს.

უწყინარი, ჩვილი,
რქაკაუჭა, კავით
ცაზე მიბალახობს,
თითქოს იყოს კრავი!

1927

გურული სიმღერები

1

გზაირიბულად მიმაქანებს მატარებელი,
ელექტროფრთებით მას გაფრენა თითქო სწყურია;
იქით — ქედები კავკასიის, აქეთაც მთები
და ამ მთებს შორის, ვით ჩონგური, მოჩანს გურია.
ღიახ, გურია, მეგობრებო, სავსე დღეებით
ხარობს, იშუმებს ღრმა კრილობებს მშობელი თემი,
აგერ, სოფელი, მდინარე და ორღობეები,
სადაც პირველად ახმაურდა ცხოვრება ჩემი.

2

სულ გამოცვლილა არემარე... მხოლოდ ბელურა
ისევ ნაგარდობს ხიდან-ხეზე ცქვიტი და ჩქარი,
მესმის დამტკობი კრიმანჭულით ხასანბეგურა
და ალვისხეებს ათამაშებს სამხრეთის ქარი...
მაგრამ ეს ქარი უკვე სუსხით გულს არ მიძგერებს,
უწინ რომ ავი მრისხანებით იყო მყვირალი,
მე კი, გავყურებ და გაშლილი ღიმილით მიცქერს:
ცხრაასხუთი და ცეცხლის მფრქვევი ნასაკირალი.

3

აი, მიველი... უკვე ეზო დაღუმებულა,
მაინც გულსავსე სიხარულის გრანობით ვიცინი.
ჩემი მურია, აქ დიდხნით მივიწყებული,
არ მეგებება წკმუტუნით და კუდის ქიცინით.

სახლი კი, ისევ ამაყად დგას, მხოლოდ მესერი
წაფერდებულა და სარებიც შემეჩხრებია...
ვხედავ ბაღას და კარგად მახსოვს, სწორედ იმ ქვასთან
ხმატკბილი ენით მიყვებოდა ზღაპრებს ბებია.

4

ჩემო ძვირფასო! შენ აღარ ხარ, მე შენს სახელთან
თითქოს ჩაფერფლე სიყმაწვილის ყველა ოცნება; —
მახსოვს, რომ დილით ოდის კარებს შემოაღებდი,
გული იწყებდა უცნაურად გამოცოცხლებას.
და როცა თოვლში ჩვენ კალანდა გვესტუმრებოდა,
შენ, ვით წიწილებს ნორჩფრთიანებს თბილად გვბურავდი,
დაკრეფდი სუროს, ავესებდი გობს ხილეულით
და ბუხარს თავზე ჩიჩილაკის ქუდს ახურავდი.

5

ეს ყოველივე ახლაც მახსოვს, — ბედის ამარა,
როგორ დავხტოდი და ვცხოვრობდი მაშინ გლახურად,
ფეხზე წაღები, მესტები და წელზე ქამარი —
და თავზე ჩალის დახეული ქუდი მეხურა.
პატარა ვიყავ და ვნატრობდი მაშინ დილობას, —
დავვაჟაკდი და მენატრება ახლა ბავშვობა,
ახალგაზრდობავ, შენი ღონე, ვით წყალდილობა,
მოდის და მოდის, ძნელი არის მისი დაშრობა!

6

მხვდებით თქვენ ყველგან: სამკელი, თუ საკრეფელია,
ყანის თოხნაა, თუ გასხვლაა ბაღში ხეების...
რკინიგზები და მავთულები ღლეს თქვენთვის ქლერენ,
თქვენთვის მღერიან რწმენით სავსე ჩვენი დღეები;
მაგრამ, ზოგ თქვენგანს ველარ ვხედავ, — თქვენმა გმირობამ
სამშობლო ქვეყნის მიწა-წყალი გადაარჩინა.
დაეცით გმირულ სიკვდილით და გამოგვეთხოვეთ
და იქ შორეულ ადგილებში გულმშვიდად გძინავთ!

გულმშვიდად გძინავთ, მაგრამ ჩუმად კვლავ მაგონდება:
 ცეცხლი და ყინვა, შორეული ჩვენი ყირიმი.
 გავცქერი იქით და მგზნებარე გული ღონდება,
 და ჩემთვის ჩუმად, გულში ჩემთვის დიდხანს ვტირი მე.
 მაგრამ ეს ცრემლი სიამაყის ცრემლია მძიმე.
 ვინც კი დაეცა სამშობლოსთვის — ყველა გმირია;
 მე მათს საფლავზე არ მივსულვარ, არ მიტირია;
 მათ მხოლოდ ზეცა გადმოჰყურებს პირმოციმციმე!

1948

გ ზ ი ლ ა ნ

მატარებელი მიმაქანებს, თითქო ფრთები აქვს,
ვშორდები არეს, საყვარელს და
ლამაზ მთებიანს,
შორს, მთის მწვერვალზე
დათესილი მინანქრებია.

მატარებელი მიმაქანებს, თითქო ფრთები აქვს,
ჩნდება ხეები, მაგრამ ოსევ იკარგებიან,
ვუცქერ ვაკეებს, გაშლილ ველებს,
ჭალებს ქვებიანს;

მატარებელი მიმაქანებს, თითქო ფრთები აქვს,
ვსცილდები არეს საყვარელს და
მაღალ მთებიანს.

ირგვლივ ველები, ვაკეები და მინდვრებია,
მატარებელი მიჰქრის ისე,
თითქო ფრთები აქვს;
აღარც ხეობა არის სადმე, აღარც მთებია;
სულ გაწოლილი მინდვრები და ვაკეებია.

აქეთ დონეცი, იქით დონი და ქარხნებია,
მალაროებსაც ცხელი გული აზავთებიათ;
სჭრიან და სტეხენ მაგარ ფენებს
გიშრის ქვებიანს.

მატარებელი კი, მძლედ მიჰქრის,
თითქო ფრთები აქვს;
დავშორდი მხარეს, საყვარელს და
ლამაზ მთებიანს.

აღარც ხეობა აღარც კლდენი,
აღარც მთებია,
ვხვდებით და ვსტოვებთ
ვაკე-ველებს ჯეჯილებიანს.
მატარებელი კი, მძლედ მიჰქრის,
თითქო ფრთები აქვს,
აქაც ველები, მინდვრები და ვაკეებია.
მე კი, ხალისის ცეცხლი გულში დამგუბებია,
ვუცქერ მიდამოს, არეს ვრცეულს,
ცას ღრუბლებიანს;
მატარებელი კივის, მიჰქრის,
თითქო ფრთები აქვს,
უკვე არ ვხედავ ლამაზ მხარეს ამაყ მთებიანს...

1928

გულის სიმღერა

გული ყველაფერს არ ეკრძაღვის,
გული ცხოველი,
სიკეთე მსურდა და ამიტომ
ქვეყნად მოველი...
თუმც ძველად ბევრჯერ გულს მიკლავდა
ცრემლი დედისა,
მაინც ცეცხლი ვარ ანთებული
კვეს-აბედისა.
გულში კი, რწმენა მარად ენთო,
მისი ნათელი —
გზას მინათებდა, შორეულ გზას,
როგორც სანთელი;
და ჩემი ყრმობის ასაკიდან
სიბრძნის კარამდი,
ის ერთი იყო, რომ მივლიდა
და მიფარავდა.
მან შემაყვარა ჩემი მხარე,
ეს რა ხმებია,
ახლა ყველგან რომ მქუხარებენ
და არ ქრებიან?!
ამ ხმებში მესმის მშობლიური
შრომის გუგუნი,
„კაფეს და თესეს“ გაიძახის
სერზე გუგული.
გული მგზნებარე კვლავ ენთება,
ვით ნაკვერცხალი,

აგერ მოფრინდა ჩვენთან ისევ
ჩვენი მერცხალი.
მან გაზაფხული ფრთაგაშლილი
გრძნობით მახარა,
ბალის ხეებმაც ყვავილები
გადმომაყარა.
ის აქ მოვიდა სიხარულით,
თაიგულებით,
რომ შევაგებოთ სიყვარულით
საესე გულები.
წინ, — სიცოცხლეა მხრებგაშლილი,
ნათელი მზისა,
უკან, — გულმშვიდი მოგონება
წარსული დღისა.
და მე კვლავ მინდა, ეს დღეები
წინ მიდიოდეს,
არწივი არწივს ვაქვაცური
ხმით მიჰკიოდეს,
ნათეს მინდვრებზე ციდან ნამი
უხვად ცვიოდეს,
სიკეთეს ვთესდეთ — სიყვარული
ამოდოდეს!..

1949

ლექსი შრომაზე

შრომის ცეცხლით ანთებული
აფრქვევ ოფლის ღვარს.
ახალ ყოფას — სიერთგულით
მისდევ მხარდამხარ.
აწვდი ოსტატს ძელქვის ფიცარს,
თან ცხოვრების ხმას.
ვაჟკაცი ხარ, ახლა გიცან,
მზე გიმშვენებს მხარს.
სართულები მისდევს სართულს,
ყლაპავს კირს და ქვას.
ძრავი ქშინავს და გვარჯილას
ხორბალივით ფქვავს.
აგურები, რკინა, ხრეში
და მრავალი სხვა —
ყრია რიყედ, უნდა შთანთქას
გმირულ შრომის ზღვამ.
კალატოზო, გადუშალე
მკერდი ძლიერ ქარს,
დაადულე ერთმანეთზე
აგური და ქვა,
რომ ჩვენ ქვეყნის ნათელ ღღეებს,
შრომის მრავალ გზებს,
კიდევ უფრო ანათებდეს
საბჭოების მზე!

1930

ალაზნის ველებს

რა შეედრება სილამაზით
ალაზნის ველებს,
აქეთ იორი, იქით შილდაც
აღარ ისვენებს.
გავსილი მთვარე მოდის დინჯად
კახური ღონით,
ატეხილ ჭალებს გადმოჰყურებს
ცივი გომბორი,
ცვარ-ნამი ღამის, როცა ხალათს
რბილად გისველებს, —
რა შეედრება ამ დროს ძვირფასს
ალაზნის ველებს!

თითქოს დაფშვნილა აქ მადანი
და საფირონი,
მოჩხრიალებენ მდინარენიცი
უნაპირონი;
ირგვლივ ველები, მდელოები,
ყველგან ზვარები,
კაკლის ხეები ჩარაზმულან
ვით ხაზარები,
ერთი წუთითაც შრომის მხარე
აღარ ისვენებს.
რა შეედრება ამ დროს ძვირფასს, —
ალაზნის ველებს!..

მელიტონეების სიმღერა

გიზგიზებენ ღუმელები კაშკაშა,
ქვაბი ქშინავს ცქრიალა და მცინარე
და იღვრება გადამდნარი ლითონი
აუზებში აქაფებულ მდინარედ.

მოდის მძაფრად, გაჩაღებულ შრომაში
დაიბადა ეს ძლიერი დინება,
მისი მოსვლით უცებ ყველგან დაიწყო
მშობლიური ქვეყნის აღორძინება.

აწ ჩამოდექ, ქურავ საბერვლიანო,
სამკედლოში უმწეოდ რომ ბოლავდი,
უკვე ბრწყინავს ვარსკვლავივით კაშკაშა
ჩვენი ხელით ჩამოსხმული ფოლადი!..

1952

ოქტომბრის ჩემოლუცია

ასე მეგონა: ძველი იარა
არ გაივლიდა ბრძოლების ხმობით,
და მეც უიღბლო ადამიანი
ვიყავ მოცული უიმედობით.
ამაოების ხელით გაზრდილი
ბედიც კვდებოდა შავი ნალველით;
არსაით იყო ალერსი ტკბილი —
გულში სევდების გადამდაღველი.
დიოდნენ წლები და ამ არეზე
ალარ ჰყვაოდა შორი ველებიც,
იყო ტანჯვა და იყო სიკვდილი,
იყო ციხე და სახრჩობელები.
მაგრამ გულს შვება ისევ ეღირსა,
ისევ აენტო იგი ალერსით —
როგორც ხალისი შორეულ დღისა,
შუქი წმინდა და უმხურვალესი.
და ვიგრძენ ამ დროს, რაღაც ახალი,
რაღაც გულს მოხვდა წვეთივით თბილი,
და მეც ქვეყანა ნაპარტახალი
გულს ჩავიკარი იმედით ტკბილით.
დღეს კი, როდესაც სიცოცხლით სავსე
არის ზეიმი, არის არული,
ისევ წკრიალებს პოეტის ხმაზე
ხალისი, ცეცხლი და სიყვარული.

1925

ს ა მ შ ო ბ ლ ო

სადაც მივლია, სადაც ბავშვობა
მიტარებია ხალისით სავსე,
მძიმე შრომა და თან თამაშობა —
ჩხუბის ატეხა რიკტაფელაზე,
შემდეგ მოგვერდი... თავის ჩეროთი
ტყე დაბურული, ნამგალა მთვარე,
სიყრმის დღიდანვე შენ გიმღეროდი,
ჩემო ძვირფასო, სამშობლო მხარევ!
შენ გიმღეროდი და ახლა, როცა
გულს ზავთიანი ფიქრი ალონებს,
მანც, ნუ მასმენ იმ ხმებს ნაღვლიანს,
შენი ნუგეშის ხმა გამაგონე!
ხმა გამაგონე იადონისა
და გაზაფხულზე შაშვის გალობა,
გიტარისა და ჩონგურის ხმები,
ზედ რომ დამღერის ყმაწვილქალობა...
რა სიამეა... ირგვლივ ოდები,
სერი, ეზო და ნორჩი ბალახი,
ასე მგონია შენი კორდები
თავზე მახურავს, ვით ყაბალახი!
სამშობლოვ ჩემო, ძვირფასო მხარევ,
თავზე ვეველები მე შენს მთაგორებს:
ნუ გამახსენებ ძველ ტკივილს, მტანჯველს,
შენი მგზნებარე ხმა გამაგონე!..

1947

ლექსი აღმშენებლობაზე

შენ, როგორც ვხედავ,
მართლა გინდა ხმები ძლიერი,
რომ გადაეცეს პირიდან პირს,
სოფლიდან სოფელს
და თქვან, რომ ახალ
ადიდებულ ცხოვრების მშობელს
ჯერ არ აკლია სიფხიზლე და სიმშვენიერე?
მაშ, თუ ეს გინდა, და რომ გინდა ახლა ამაზე
ბავშვიც რომ არის, იგიც, ჩემო, გულასაძგერად
აქებს შენს კუნთებს ფოლადიანს,
შენს სილამაზეს,
მეც ახლა ლექსი მოგიმზადე ასამღერებლად.
და თუ ეს ლექსი ჩემი ისე არ დაიღვარა,
როგორც ტირილი
სადღაც ბალში მკვნესარე ზურნის —
არაფერია, შენ მაინც ხარ პოეტებისთვის
უძვირფასესი მელოდია, საგანი ზრუნვის.
დღეს, გლეხი დოვლათს,
მუშა ღონეს, ბუნება მადანს,
თუ რომ არ ზოგავს
შენ გულისთვის, ჩემო იმედო, —
ჟამს მოწყენისა, ნატყვიარი გულის მალამოდ
მეც რა იქნება ერთი ლექსი გამოვიმეტო!
შესაძლო არის, იგი მეტად სუსტი და ნელი
ვერც კი მოედოს არემარეს, შორი ნაპირებს,
მაგრამ, ძვირფასო,
მებრძოლ მგოსნის ნაწრთობი ყელი,

ვით შეედრება შენს ქარხნებს და
შენს მძლე საყვირებს!..
შენ უფრო ყვირი, ვიდრე ლექსი,
მაგრამ მე მაინც
მსურს შეგეჯიბრო,
მაშ აუშვი შენი ყვირილი!
და თუ ამაშიც ვერ გაჯობე
ფოლადის რაინდს —
პოეტის გული
დაიღვრება მაშინ ტირილით.
იგი რბილი და უძლურია... შენი რკინები,
თუ იმარჯვებენ და გრგვინავენ
შენი გრდემლებიც —
ასედაც უნდა,
მაგრამ ამის გვერდითაც იყოს
ჩვენი ხალისი, ჩვენი სევდა,
ჩვენი ცრემლები.
იმას ვერ იტყვი,
რომ ეს წინსვლა არ მიხაროდეს,
მაშ, რაღად ვტირი?
— სიხარულმაც ცრემლები იცის...
აღუღდი, გულო, გაიშალე ირგვლივ დროშებად
და ეამბორე ყველა კუთხეს
მშობელი მიწის!

გამძაფრებული ქარიშხალის ავი კივილი,
ქექა ზეცისა დედამიწის გამოდავებით,
მშობიარობის დროს საზარი
მწველი ტკივილი
და დასაკლავად
გამოყვანილ ხარის ბღაველი, —
დაე, ეს ყველა
თანრიგობით დაეწყოს ერთად
და გადაეცეს არემარეს ხმებით ძლიერით,
რომ ჩვენ ქვეყანას ემატება სიმშვენიერე.

შენ კი, ძვირფასო მეგობარო,
 ვხედავ, რომ მისმენ,
 თან გიძგერს გული,
 მაგრამ მეც ხომ მიძგერის იგი —
 და ეს გრძნობები ხან თუ მინდა
 გადავსცე ვისმეს,
 ხან ისევ რჩება გაუმხელი მწარე ფიქრით.
 მაგრამ ერთ ლექსში
 ხომ ვერ ვიტყვი, ძმაო, ყველაფერს,
 ყველა სიმღერებს,
 საოცნებოს და ალერსიანს?
 მე მინდა ჰქუხდეს
 ჩემი ლექსის ყველა სტრიქონი,
 მაგრამ, ის მაინც სუსტი კაცის, სუსტი ლექსია.
 მე არ მინახავს ჩემი ქვეყნის ყველა ფესვები,
 ვარ დარჩენილი კმაყოფილთა რიგის გარეშე,
 მაგრამ მე მჯერა, ზავთიანი ჩემი ლექსები
 მთელ საქართველოს
 მგრძნობიარედ მოითარეშებს.
 და იქ, სადაც კი თუნდ ერთი ქვა,
 ან აგურია
 აღმშენებლობის ქვაკუთხედის
 მკვრივი ძირებით —
 მივლენ და იქვე
 სიხარულის ცრემლით აღესილნი
 ჩემივე გულით თვითთულ ქვას დაიტირებენ.
 დაიტირებენ, რომ გაჰკიცხონ ძველი სიოხრე,
 ხე ცხოვრებისა
 თუ ვით ჩაქკნა გვალვიან დღეში —
 და აყვავების მაგიერად დიდი პალატნი,
 თუ როგორ წახდნენ
 და დაიქცნენ სუსხიან თქემით.
 დღეს კი, იგი მთა, იგი ხე და იგი პალატნი
 წითელ დროშების
 ატლასებით რომ იბურება —

შენის ახალ კაცს
და ხალისით ხეც ცხოვრებისა
იზრდება ასე,
ქარხნებად და ელსადგურებად.
ეს კი, ძვირფასო, ჩემი გულის
სიხარულს იწვევს,
ვსტკბები ათასჯერ,
მიხარია, ტირილიც მინდა
და რომ მე ახლა, მეგობრებო,
საფლავშიც ვიწვე, —
მანც იგრძნობდით
ჩემ გულისთქმას მღელვარე ხმიდან.

ო, ჩემო ლექსო,
დიდების და მღელვარებისაგ,
მწამს ჩემ შემდეგაც ამდაგვარად
განაგრძობ ყვირილს —
და მხნე ბრძოლებით
წარმოშობილ ამ სიხალისეს
არ აქელვინებ ბედშაობას,
ოხვრას და ტირილს.
უფრო აუწი გრძნობის ცეცხლი დასადალარი,
რომ მშრომელ ქვეყნის მოქალაქეს
შენი ხმის ღიბობა
ღრმად აგრძნობინოს
ყოველივე, რითაც ვცხოვრობდი,
განუზომელი მღელვარება,
ტანჯვაც და სიტკბოც!

1927

პოეტი

მე არ ვუგალობ ციურ მნათობებს
და არც განწირულ ამაოებას,
მე ვუმღერ ახალ ცხოვრების დუდილს,
შრომაში ჩაბმულ მოსახლეობას,
რომელიც ებრძვის მკერდით და მკლავით
ყოველგვარ დუმილს და მყუდროებას.

გული როდია ჩანგის სიმები,
ყველამ ჩამოჰკრას თითები ფრთხილად.
და არც გრძნობაა — აშული მთვრალი
ბაიათი რომ იმღეროს ტკბილად,
ჩვენ ინდუსტრიის სამფლობელოში
სხვა ხვედრი გვერგო პოეტებს წილად.

მოხეტქილ განცდის დასაძლეველად.
ხან ტკბილი ხმისაც არის ძიება,
და თუ აქ ხშირად გრძნობები მითრევეს
საკუთარ თავზე შურისძიებად —
არაფერია, ერთხელ დაცემა
მებრძოლ პოეტსაც ეპატიება.

რამდენი გრძნობა გულს უნდა ჰქონდეს
და რაოდენი შეძლების არე,
რომ დაიტეოს სუყველაფერი —
სიხარულიც და ნაღველიც მწარე,
როცა მზე ახალ ადამიანის
აღებს ცხოვრების დახურულ კარებს.

თქვენ ისმენთ სიტყვებს, მაღლიან სიტყვებს
გრძნობთ, რომ მშვენიერებას ფერი აქვს სრული,
მაგრამ თქვენ ახლაც ვერ ამჩნევთ, ალბათ,
თუ რა წვალეებით არის ეგ თქმული,
ასე მგონია, ყოველ ჩემს სიტყვას
თავის ფარეშად თან ახლავს გული.

დღეცა და ღამეც თავს დამტრიალებს
მოზღვავებული ფიქრების ჯარი —
და ახლაც ყოველ მის დაძახილზე
გაჩაღებული ბრძოლები არი,
რომ მძლე მდინარედ წავიდეს ლექსში
მშრომელთა გულის მომსკდარი ღვარი.

მინდა, რომ მივსწვდე უცხო რამ ხმასაც
და ხალხს გადავსცე საამო ბგერით,
მაგრამ როდესაც მივდივარ მასთან,
იქ ამ ცხოვრების სულ სხვაა ფერი,
რაც გუშინ იყო კლდესავით მტკიცე —
მოღის სხვა დღე და უკვეა მტვერი.

მაგრამ სათქმელი, გულის პასუხი
როდი იღევა გრძნობებით სავსე,
ეს არც გემია უიალქანო,
რომ ხეტიალი დაიწყოს ზღვაზე —
მოქალაქენო, პოეტის სიტყვა
მუდამ იქუნებს სიმართლის ხმაზე!

1930

ცხოვრების მდინარე

გულს ნუ მიტეხ, ცხოვრებისა მდინარევე,
გაიშალე, ზვირთო მქუხარებისავ,
რომ ბრძოლაში ქარბუქივით მძვინვარე
დავივიწყო ცეცხლი მწუხარებისა.

ცხრა ტალღამ ხომ გულზე გადამიარა,
მლაშე, მღვრიე, ღვართქათა და მყვირალი,
მაგრამ მითხარ, გინახივარ ოდესმე
ჩემ საკუთარ ბედზე მწარედ მტირალი?!

ეს ცხრა ტალღა თუ კვლავ გადმოიდგრება,
ბრძოლისა და შრომის ძღვევის ნალარით,
მაშინ ნახავ, ვინ იქნება ჩვენს შორის,
გამარჯვების ცეცხლით დასადალარი.

მანამდე კი, ჩემი გულის პასუხებს
ვერ გაიგებ აგრე გახელებულნი.
ტალღა რაა, რომ ისიც კი ჩემთვის გშურს,
ბრძოლითა და ღელვით აქაფებულნი.

მე ხომ ვიცე, ჩემდა სანუგეშებლად,
ერთი ტკბილი სიტყვაც კი არ გქონია,
გულს ნუ მიტეხ, ცხოვრებისა მდინარევე,
ნურც მთლად ასე მხდალი გულის გგონივარ.

იღრიალე, იბობოქრე, იგრგვინე,
როგორც ავმა მხეცმა უბოროტესმა,

სულ ერთია ამ მრისხანე ღრიალში,
ბრძოლის ცეცხლი გამოკრთება ოდესმე.

გამოკრთება ელვიანი ისარი
და მძლავრი ხმით გააღვიძებს მძინარეთ...
ისევ შენ და, თუ იქუხებ ისევ შენ,
ამ ცხოვრების ბობოქარო მდინარევ!

მე ხომ მკერდი რკინისა არ მქონია
და არც გული გამითლია ნაჯახით,
რომ არ მეგრძნო რისხვიანი ზვირთები
გამეტებით თავზე რომ დამაჯახებ.

მაგრამ თუ კვლავ ეს ტალღაც დაადუმე,
ვერც კლდეს დაჰკარ და ვერც შესძარ არენი, —
მაშინ ვიტყვი:
მზად ვართ მედგარ ბრძოლისთვის,
ცეცხლს დავანთებთ ძველი მეხანძარენი.

მაშ, ნუ მიტებ გულს, ცხოვრების მდინარევ,
გაიშალე, ზვირთო მქუხარებისავ,
რომ ბრძოლაში ქარბუქივით მძვინვარე
დავივიწყო ცეცხლი მწუხარებისა!

1927

უცხოელი ფიქრების სიმღერა

ცხოვრების ტალღები ისე გვეხეთქება,
ვით სალ კლდეს პიტალოს მშფოთვარე ზღვა,
მაგრამ ეს მგზნებარე გულს აფეთქება
კვლავ შრომის ბილიკით განაგრძობს სვლას.
ცახცახებს დგიმები, ძაფებიც ტრიალებს,
გულისყურს აბრუებს მანქანის ხმა,
და ასეთ ყოფამაც: ავმა, სატიალომ
დაგვასვა თავისი ბეჭედი ღრმად.
ეს კიდევ რა არის, როცა ჩამოცხება
და რკინებს მოღვენთავს აღმური ღლის,
გული იკუმშება, თითქო საშინელი,
ფოლადის მარწუხი მკერდიდან თხრის.
ტრიალებს ქარულა და კვლავ სიციხე არის,
არ მოჩანს არსაით ელვარე ცა...
და ასე ყოველ წამს, და ასე ყოველ დღე
ჩვენს ძალას, ჩვენს ღონეს აღმური სწვავს.
თუმცა ჩვენ ასეთ ბედს როდი ვუშინდებით,
ერთხელაც ხომ უნდა გადახდა ვალს,
თუ რომ არ გვწყალობდა ბედი გუშინდელი,
შრომის მზე გულუხვი ამოვა ხვალ.
ახლა რომ აქა ვართ, თითქო ჩაკეტილი
და გადაქცეული რკინების ყმად,
ნუთუ თქვენ გგონიათ, ჩვენც არ გვეამება,
ცხოვრების სხვადასხვა ფერი და ხმა?...
ეს მაინც აქამდე რატომ ვერ გაიგეთ,
თუ რა ტკივილია გულზე რომ გვწვავს?
ჩვენ ვაწვდით ქვეყანას დოვლათს და სიმშვეენს.

სამაგიეროდ ვღებულობთ შხამს.
რამდენი ოფლი და რამდენი წვალემა,
რამდენი ცრემლია დაღვრილი ზღვად,
მაგრამ სასურველი შრომის მეუფება,
გვითხარი, ძმობილო, სად არის, სად?
ნუთუ ეს ბრძოლები არ დასრულებულა,
ავ ლელვას ჯერ კიდევ განაგრძობს ზღვა?
და ვისმენტ გულმშვიდად ყოველ დამახილზე
ბრაზიან ქარიშხლის საშინელ ხმას!
მაშ, ისევ მკლავებში ჩადექი, ძალღონევ,
შენ, გულო, ბრძოლისთვის იყავი მზად,
რომ გავქრათ მახვილის მძლავრი შემოქნევით
ასე დახლართული ცხოვრების გზა!..

1927

ჩვენ მკედლები ვართ

ცეცხლის გუგუნში ვკედავთ მომავალს,
ოფლის წვიმაში ვალბობთ ცხელ რკინას,
ჩვენ არ მოვაკლებთ ქურას ცეცხლის აღს,
ვამხნევებთ ლაჩარს, ვაღვიძებთ მძინარს.

ჩვენ მკედლები ვართ, შურს ვანთხევთ ცრემლზე,
ძველი ცხოვრება არ გვსურს ვაგლახი;
ცეცხლს აფრქვევს ქურა,
რკინა დულს გრდემლზე,
ბრძოლის ხალისით იღვიძებს ხალხი!..

ძველი სამყაროს განადგურება
მოკდებულია კორძიან ხელში...
არ არგებს ამ დროს მებრძოლს ყურება,
სისხლი და ოფლი როცა დულს ცრემლში.

ჩვენ მკედლები ვართ,
შურს ვანთხევთ ცრემლზე,
ძველი ცხოვრება არ გვსურს ვაგლახი;
ცეცხლს აფრქვევს ქურა,
რკინა დულს გრდემლზე,
ბრძოლის ხალისით იღვიძებს ხალხი!

მტკიცედ, ტვირთმძიმევ! დავძლევთ სიმწარეს,
ფოლადის გულმკერდს ვერ გასკრის ტყვია,
ჩაქუჩის ცემით ვშობთ ნანატრ მხარეს,
მემკვიდრე ხეალის მამ რატომ გვქვია?!

ჩვენ მკედლები ვართ, შურს ვანთხევთ ცრემლზე,
ძველი ცხოვრება არ გესურს ვაგლახი;
ცეცხლს აფრქვევს ქურა,
რკინა დუღს გრდემლზე.
ბრძოლის ხალისით იღვიძებს ხალხი!..

1923

ბოლნისის გზაზე

თვალს ალისფერი ღრუბელი სერავს,
მიგორავს მთვარე ბურთივით ცაზე.
სიჩუმე ირგვლივ. მხოლოდ სიმღერა
ისმის მეურმის, ბოლნისის გზაზე.

სიმღერა იგი, ისე ტკბილია,
რომ გულს საამოდ ესალმუნება.
შიგ არის ჩვენი სოფლის ბუნება,
ლხენა, ვარამი და იდილიაც.

ვუსმენ და მუდამ ვუსმინო მინდა,
უკუნი ღამე ველარ მალონებს.
აგერ წკრიალა ხმაც აღიღინდა,
შიგ ჩქეფს კახური სისხლი და ღონე.

მიდის ურემი მძიმე კრიალით,
შოლტის ტყლაშუნი მიდენის ხარებს.
ეს ურმული კი ოხერ-ტიალი
ჰკურნავს სევდისგან დალდასმულ ღარებს.

ღამეა, მაგრამ მთვარეა ცაზე,
მეურმე მღერის ბოლნისის გზაზე;
თუ კი ვერთობი, მაშ, რატომ არის,
გულზე რომ სევდა მაწვება ასე?..

მაგრამ, ო, ჩემო, ამ სიმღერაში
მშობლიურ სევდის ჰანგები ჰკვესავს.
თუმც სიმღერაა, მაგრამ ამავე დროს
ის არის გლეხის გულჩვილი კვნესა.

მღერის მეურმე: აღზევანს წავალ,
მარილს მოვიტან მე ურმითაო.
აჲ დაიზაროთ ღონე, ხარებო,
და შენც სიმხნევე, ბედკრულო თავო!

აღზევანს წავალ, ძვირფას აღზევანს,
სახლში მოვიტან მარილ-ქვასაო.
ნუ დამაბრკოლებ, ავო ამინდო,
ნურც შენ, სამარცხოდ სავლელი გზაო!

გლეხის ბიჭი ვარ, სულმთლად ხელმარტო.
მოვშორებივარ სახლს და კარსაო,
მარილს მოვიტან, მოვიმადლიებ
ძვირფას დედას და ულლად ხარსაო!

მღერის მეურმე ტკბილად და ურემს
აზის კოფოზე, როგორც ალალი;
შორით გაისმის და გულს იურვებს:
ტკბილი ჰარალო, ჰარი ჰარალი!

ღამეა, მაგრამ მთვარეა ცაზე,
ელავს, კაშკაშებს ბოლნისის არე,
მე კი, მეურმის ხმა ნაღვლიანი
გულში ხმალსავით ჩამესო მწარედ.

ვუსმენ და მინდა ვუსმინო ასე,
ვუცქერ და ისევ ვტკბები ყურებით.
მიდის მეურმე ბოლნისის გზაზე —
მღერის ურმულს და მიდის ურემი.

1926

სამკედლოში

გარიერაზე სამკედლოში
შემოიქრა დილის სხივი,
აადელვა სული, გრძნობა,
გულიც ობლად განაცივი.

აზუზუნდა შრომის ქურა,
აქორქოლდა საბერველი,
ახმაურდა ცეცხლის ფრქვევით
მივარდნილი მთა და ველი.

მკლავში სისხლი სჩქეფს და ღელავს,
გამალებით სცემს ჩაქუჩი,
თითქოს ყოველ მის დაკვრაზე
შხამიც მოსდევს შენაქუჩი.

ჰა, დულს შრომა, ელავს ქურა
და გიზგიზებს ცეცხლის ალი,
იკედება პირმცინარე —
სხივმფინარე მომავალი.

გრავინავს გრდემლი, რეკს ლითონი.
საბერველიც დაქორქოლებს,
გამალებით სცემს ჩაქუჩი,
ღვედი სჭიმავს რკინის რგოლებს.

ლიახვი

მე მხოლოდ შარშან გინახულე მარად მყვირალი,
ჩემო ლიახვო, ნაპირებს რომ ხალხით ანთებ —
და ჩემს გულშიაც გადმოხეთქე გასაკვირველი
ლალ მიდამოთა სიცოცხლე და სიანდამატე.
უღევი ხერგი მოგაქვს მთიდან,
მოჭქუხ და მორბი,
ძღვეის სიმღერა
მესმის შენი ტალღების ხმაში,
თეთრ მყინვარიდან
აფრენილი შავლეგა ორბი
შენ გეჯიბრება
ბარისაკენ გამოსწრებაში.

აგერ, მშვენება,
ვრცელი ველი ტირიფონისა.
მოღელავს ქარი
და წელამდი ჯეჯილებს არხევს.
უწინ, ეს მხარე ცხარე მზისგან გადაბუგული,
დღეს ინამება ღრმად გათხრილი
მჩქეფარე არხით.

მერე, ვინ გასკრა ამოდენა სიღრმე მიწისა?
იკითხავ. ჩემო, როცა ზღვირთებს
გაშლი ღვედებად.
მაგრამ პასუხი შენთვის აბა, რა საჭიროა,
როცა თვით ხედავ
ჩვენი ხალხის შემოქმედებას!

თხრიან ნიადაგს,
შორს ბრწყინავენ ელსადგურები,
ცეცხლის მოვარდნამ
დაივიწყა დროთა სიოხრე...
და აჟ, ამ ცეცხლში
გამოზრდილი მებრძოლი ხალხი
გულის ტკივილათ არასდროს არ ამოიოხრებს.

ქართლს შენ უყვარხარ,
შენც ის გიყვარს თავისუფალი.
მე კი, ორივეს სახელს ვფიცავ,
ჩვენი გულები
ტახტს დაგიდგამენ
დიდების და შრომის სუფევის,
ახალ ცხოვრების
დაკვეთით და განკარგულებით!

მიდის სიძველე, სიახლეში არის სიცოცხლე. .
ჩემო ღიახვო, ვხედავ შენს გულს
მხნეს და იშვიათს,
ვინც კი მოსულა
მეგობრული გრძნობით გამთბარი —
არც ერთის გული დასევდილი არ გაგიშვია.

რადგან დღეს სიტყვა —
სიტყვა ჩვენი ახალ ეპოქის —
გლეხის ქონშიაც შედის ლაღად
და იქ ამაყოფს —
თან ეს ქარხნებიც ერთმანეთთან შეჯიბრებულან
იქ, სადაც უწინ ველი იყო საიაღალო!..

ვეცდები გნახო, მაგრამ არ მსურს
მანდ რომ დამიხვდე,

ადრინდელივით მოდუღუნე ტალღებმტირალი,
მე მინდა, შენი მღვრიე ტალღის ყოველი წვეთი
ახალ სიტყვით და ელექტრონით იყოს მყვირალი.

და მაშინ ვიტყვი,
შორს წასულა ჩვენი ქმედობა,
ვიტყვი და სევდას
დასძრავს მაშინ შენი ბორანი,
მანამ კი, დარჩეს ეს ჩემს მიერ ნათქვამი ლექსი —
ჩვენი შეხვედრის უტკბილესი მოსაგონარი.

1928

1

ლექსი მეგობრებისადმი

1

აი, გამოველ, მეგობრებო, როგორც პოეტი,
მწარე დუმილის დასასრული, ალბათ, ეს არი,
ნუ გეწყინებათ, თუ მე ახლა ოდნავ მკვნესარი,
დღეს თქვენს ძახილზე
სევდიანი გულით მოვედი.
არაფერია, ეს ნაღველი მეტიც რომ იყოს,
ქვის ოდენა რომ ჰქონდეს გული
ძელქვის ტანიანს —
ავიტან-მეთქი, მეგობრებო,
ვფიცავ თქვენს სახელს,
ჩემს სიცოცხლეში უფრო მეტი ამიტანია!

2

ახლა კი, დავსხდეთ, სულ ერთია, სევდით ნაღესი,
მაინც გაივლის ჩვენი ყრმობის ოქროს წუთები,
ბავშვობიდანვე ტკბილი სევდით ნასათუთები
გრძნობა და გული ცრემლიანი დედის ალერსი.
ჩვენ ხომ არ ვიცით,
ბედს უპიროს რა ხვედრი მოაქვს,
წინ რა გვიდგია, მოლხენა თუ დიდი ბრძოლები,
გაიშლებიან გაუშლელი აზრების გროვა,
თუ უთქმელ სიტყვას,
თვით საფლავში ჩაგვაყოლებენ!

მაგრამ რაც უნდა არ აკვილდნენ ბედისწერანი,
ჩვენ მაინც აქ ვართ
ცხარე ბრძოლის ერთი თაობა,
ჩვენში არ არის მწვავე იქვის სხვადასხვაობა,
ჩვენი გულების მარად ისმის მწყობრი ძგერანი.
მაშ, ვთქვათ გულწრფელად, ყველაფერიც იყოს ნათელი,
გამბედაობა და სიწრფელე დაგვყვა თავიდან!
თორემ იტყვიან:
ამ ხალხს ჰქონდა რაღაც სათქმელი
და ვერაფერიც კი ვერ გვითხრეს, ისე წავიდნენ.

4

ხომ ყველანი ვართ?
ვინ აკლია ჩვენს მხნე თაობას!
მარტოდ მე ვაკლდი?
და ჰა, ძმებო, მეც ხომ მოვედი
ერთი უბრალო, უნუგეშო, მწირი პოეტი,
გაჩენის დღიდან, რომ შეზრდულა ავ-ბედშაობას.
შენ აქ ხარ, სანდრო, და შენც დავით, თავაზიანო,
ვასო და კიტა, იაკინთე, შენც ჩემო პეტრე,
თუ ჩვენი სუფრა დღეს უხვად ვერ ბარაქიანობს,
ამ დანაჯლისსაც, მეგობრებო, ნუ დავიყვებდრებთ.

5

პირველად. ძმებო, ამ ღვინის თასს, პირამდე სავსეს
მე ვცლი მთლიანად,
სადღეგრძელოდ ჩვენი ძმობისა,
ნაცვლად ტირილის, კაეშნის და მარტოობისა —
ჩვენც რომ გვეღირსოს წარმატება
ცხოვრების გზაზე...

შენ კი, შავ-თვალა, ბოშა ქალო, დაუქარ ისე,
ამ ქიანურს და ამ საკრავებს მიზრაფებიანს,
რომ დამწვარ სულში ჩაგვწვდეს
ხმები სამარადისო,
ჩვენს გულებიდან ასე შორს რომ ისწრაფებიან!

6

დავიფშენათ შაქრად,
სანამდე ვართ, სასიყვარულოდ
ჩვენც შევითვისოთ ერთმანეთი, ჩემო ძამია,
ჩვენი სიცოცხლე უამური ერთი წამია
დროთა ბრუნვისგან უცაბედად გამოპარული.
და რაც არ შეგვხვდეს წვალება და
წუთები შრომის
ეგ ცხოვრება ხომ არის ლხინი,
არის გოდებაც.
მაგრამ ვერიდოთ, მეგობრებო, -
ისევე ჩვენს შორის
არვინ შეიპყროს შურის ნთხევის გაბოროტებამ.

7

ხომ ყველას გახსოვთ,
ჩვენს სათუთ და ლამაზ ერთობას,
როგორ ჰფურჩქენიდა სიგულწრფელე
ლაყვარლის ფერი.
გვიყვარდა ყველა,
არ ვიცოდით რა იყო მტერი
და ვეძლოდით სიხარულის
ხალისით თრობას.
ახლაც ასეა...
მაგრამ ხედრი არ არის ერთი,
ბედი ცბიერი ზოგს მრისხანე გზისკენ აქეზებს;
მაგრამ ვისურვოთ, მეგობრებო, ჩვენი სიწმინდე,
რომ ყოფილიყოს მზის სხივებზეც უსპეტაკესი!

მაშ, ასწით ზევით ეს კიქები,
 და ყველამ მწყობრად
 დასცალეთ იგი, როგორც სევდა მცქირალი შავად,
 რომ შემდეგ სხვებმაც თქვან, ეს იყო აღსანიშნავად
 ჩვენი კავშირის, ჩვენი რწმენის,
 ჩვენი ძმობისა, —
 რომელიც მუდამ იყვავილებს ხალისით სავსე,
 ვით გაზაფხულზე გადაშლილი პატარა ია,
 თუ რომ არ შეხვდა
 ამ ცხოვრების დახლართულ გზაზე
 ავი მდინარე, შლამით სავსე, მლაშე და მღვრია.

9

ხომ ყველამ შესვით?
 არ დასტოვოთ არც ერთი წვეთი,
 ღვინოში უფრო გადიშლება
 გრძნობის ფესვები —
 და ისევ წრფელი მეგობრული მიაღერსებით
 დავწვათ დარდი და გადავკოცნოთ
 ჩვენც ერთმანეთი!
 თორემ დრო მიდის,
 ჩვენ სიცივეს ვუახლოვდებით,
 ეს სიკაბუკეც დნება ნელა,
 გულიც ტრიალებს —
 და შორს არ არის ის დრო, როცა
 ცივი ლოდები
 ჩვენს სამარეზეც გლოვის ხმებად დაიგრიალებს.

10

ეგ ხომ ასეა, მეგობრებო, მაგრამ ხალისი,
 რად არის მაინც იშვიათი ჩვენი სტუმარი?

არყოფნის დარდით მოქანცული,
სევდით მღუმარე,
ნუთუ, ბავშვობის არ დადგება წუთები ისევ?..
როცა ჩვენ ყველას შვების ღიმი გვეფინებოდა,
როცა ხალისი მაშინ თითქო იყო ნალველშიც;
რამდენი ნანა საალერსო გვესმოდა ოდნავ.
რამდენი გული მზრუნველობით
გვიჰერდა ხელში!

11

მაგრამ იღბალი ჰგავს ავ ნადირს,
მოვარდნილს ტყიდან,
ჯერ გათამაშებს და ერთობა, შემდეგ გერევა
და მეც ასეთი უამური ბედნიერება —
თითქოს დამყვაო, მეგობრებო,
გაჩენის დღიდან.
და ამის შემდეგ აღარ ვიცი წუთი ლხინისა,
სულს მირევეს სევდა
და გულშიაც ტრიალებს დანა;
ეს, ძმებო, გული მქონებოდა მაინც რკინისა,
რომ ეს ვარამი უდრტვინელად გადამეტანა!

12

თქვენც კარგად გახსოვთ,
რომ დამატყდა რისხვა ღვარებად,
ნალველის გარდა
მაშინ ჩემთან არვინ არ იყო;
ეთქვი: ბედმა კაცი ნუთუ ასე უნდა გარიყოს,
რომ ეგრე უღვთო იყოს მისი დასამარება?!
მაგრამ ვინ იკვლევს, ეს რად მოხდა,
როგორ, ან როდის...
სხვისი დამზრალი გრძნობებისგან
ყველანი ლხინობს.

გული ჯერ კიდევ მგრძნობიარე,
რომ ცივდებოდეს,
ჩვენც, მეგობრებო, გასათბობად
დავლიოთ ღვინო!

13

ო, ჩემო ვასო, ჩვენი ძმობა ჯერ კიდევ ასე
ჰყვავის მარადის, სანუგეშო
ცისფერ ვარდებად,
ვნახავთ ერთმანეთს —
და ჩვენ მყისვე გაგვიხარდება
ტკბილი შეხვედრა,
სასურველი, გრძნობებით სავსე...
გულს შევაჯერებთ, ვიბაასებთ,
თუ რომ ხალისი
არ შეგვეცვალა გულის რბილი ასათუთებით,
მაგრამ, ეჰ, ძმაო, წვეთი ცრემლის
ხომ არის ღირსი —
ჩვენი წარსული, ფოთის სკოლა,
ყრმობის წუთები?!

14

მაშ, ერთი სიტყვა
ამ შავ ღღესაც სჯობს მივათვისოთ,
ვთქვათ ჩვენი ტანჯვა,
ჩვენი სევდა, ჩვენი წვალება,
გადავხსნათ გული, მეგობარი გენაცვალება
ჭირში და ლხინში შენთან მყოფი სამარადისოდ!
მაშინ ჩვენ ერთად ვიზრდებოდით
ღღეცა და ღამეც,
ფაზისის მადლი არ გვწყალობდა
არც ერთ ნაშიერს,
და კობტა არე, თვალწარმტაცი კოლხეთის არე,

ორთავეს, ძმაო, გვატარებდა
მწყურვალს და მშიერს.

15

ეს, მაშინ იყო ყრმობის წუთი
გამძლე ვით რკინა,
შემდეგ ათასი სხვა ვარამი გვინახავს მწარე, —
მაგრამ გრიგალი, როცა ჩადგა, პატარა მთვარემ
ჩვენ გულეშშიაც სიხარულის შუქი მოჰფინა.
ახლა, არც კი ვცნობთ
დამდაღველს და მწველ მგრძნობიარეს
იმ პირვანდელ ცეცხლს, გულს რომ წვადა
ცრემლების ზღვევით;
მაგრამ ჩვენ, ძმებო, დავივიწყებთ ყველა იარებს
და ღვინით სავსე მადლიან თასს
აღემართავთ ზევით!

16

ახლა, ეს თასიც გამოვცალოთ, ღვინო ქებული,
დავლიოთ, ძმებო, შარბათია იგი ნალესი,
შიგ ჩავატანოთ ჩვენი ძმური ტკბილი ალერსი,
გულის სიღრმიდან გაწვალებით ამოღებული!..
შენ კი, შავთვალავ, რომ მიზიხარ აგრე ტევებით,
იმღერე რამე, დამიმშვიდე გულის იარა,
რომ ერთხელ მაინც დავივიწყო შავი ღღეები,
დაბადებიდან თან რომ მდევს და არ გაიარა!

17

იმღერე რამე, ეს გიტარაც სათუთად იწყებს
მკენესარე ტირილს, აელვებულ სიმების ხმაზე,
იმღერე რამე და თუ დავრჩი, არ დავივიწყებ,
ჩემო ძვირფასო, ამდენ ამაგს სიკეთით სავსეს.

ახლაც, ამ წუთში ავიღებდი ხელს ყველაფერზე
და მოგიგებდი ძვირფას ფარჩას
ოცნების გზაზე,
მაგრამ მოგიკვდეს ჩემი თავი,
თუ გულის გარდა,
მქონდეს სხვა განძი
ბედკრულ პოეტს ამ ქვეყანაზე!

18

მაშ, ასწით ზევით ეს ჭიქები,
კახური ღვინით
დავლოცოთ ძმობა, სიყვარული,
წრფელი ნდომები,
ჩვენ ამ ცხოვრებას
ასჯერ ხომ არ შევეომებით,
ერთხელაც კმარა, მეგობრებო,
განვაგრძოთ ღზინი!
უმჯობესია სულ დაიწვას
ყველა გრძნობები,
მედგარი გულიც
მწველ გრძნობათა საჭედი გრდემლი;
ჩვენ არა ღვინო,
მხოლოდ ძმობა შეგვაზარხოშებს,
როს სიყვარულით მოგვადგება
თვალებზე ცრემლი!

19

ახლაც, ეს ცრემლი,
მეგობრებო, გვასველებს ცხარე,
ვსვამთ, ძმებო, ღვინოს,
ვსვამთ განწირულ ამოებით;
ვეძახით ხალისს,
ვეძებთ ძმობას განმარტოებით,

რომ სადმე მაინც ერთი კუთხე
ვიპოვოთ წყნარი!
მაგრამ არც ძმობა და არც
ოდნავ ხალისი ტკბილი
არ ჩანს არსაით
ცხოვრებიდან გამომდინარე...
მაშ, ვის ვუსურვო ეს სიცოცხლე
ღონემიხდილი,
თქვენს შორის, ძმებო,
სიკვდილამდე მოუწყინარი?

20

ხმას არვინ იღებთ, არ იღებთ ხმას,
ღუმხართ ყველანი,
რა ღვთის რისხვავა, მეგობრებო,
მითხარით რამე?
ნუთუ თქვენს გულშიც
შემოიჭრა ასპიტი ღამე —
მარად მშფოთვარე,
გულცივი და მოუსვენარი?..
მაგრამ, შენ მაინც ხომ აქა ხარ
წაბლისთმიანი,
ჩემო პოეტო, ჩემო ძმაო, ხალისით საცხე;
დაბადებიდან შენ თან დაგყვა მზე იღბლიანი
და იმედები გადაშლილი
ცხოვრების გზაზე?

21

ილხინე, ძმაო, შენც გაიგებ მწარე ისრები
რა ტკივილებით უბედობას გადაუშლია,
იგრძნობ ყველაფერს და ვაი, რომ
დამწვარ გულშიაც
იგივე ბოღმა განახლდება შენათვისები!..

მე კი, ჰო, ძმაო, როცა გულში
სევდის მორევი
და მწველი ცეცხლი რომ ვერაგზით
დამივსია მე,
მოვრბივარ შენთან
მაშინ მწყურვალ ნიამორივით,
რომ ერთი წუთით იქნებ მაინც ვპოვო სიამე!

22

მაშ, ასწი თახი
„ცეცხლის ხმების“ ნათამადარო,
ტკბილად დათვრები, კახურია იგი ქებული,
ძარღვებში სისხლი მოწოლილი, აქაფებული
დაე, ელავდეს, როგორც
მწველი ღველფის ღადარი!
არაფერია, შემდეგ სხვებიც
იგრძნობს სიმწვავეს,
რომ მოადგება კარზე ბედი ავად მყეფარი...
თუ ბევრს არ ესმის
ჩვენი ბრძოლა გულის საკლავი,
ნუ შევაწუხებთ, დაე, დარჩეს გაუგებარი!

23

დაასხით ღვინო, აშუშუნდეს სევდაც ვნებაში
და გამოვცალოთ ორთავენი, ამხანაგებო!
ასეთი ლზინი, დიდებული და სანაქებო
მხოლოდ ეს ერთი მოვისწარით
ჩვენს ცხოვრებაში!
და ღღეს, რაც უნდა არ გვეწყინოს —
გულით ალალით
დავლოცოთ ძმობა, სიხარულით,
შევსვათ დარდები,
რომ ერთი მძლავრი
ხალისიან განავარდებით
გავათბოთ გული სანეტყვი და ნაიარალი!

ჩემთვისაც კმარა,
 აღარ მინდა დღეები ასე,
 რომ მიდიოდეს კაეშანით გადაბასრული...
 დადგება დრო და ჩვენც ხომ უნდა დავლიოთ სული
 სადმე, ვაგლახად,
 უნუგეშოდ მიტოვებულნი.
 მაგრამ, ვინც რჩება
 იმან მაინც ამოჰკრას გრძნობით
 საფლავის ქვაზე,
 სამახსოვრო სიტყვა კეთილი:
 — ამ ქვეყნად, ძმაო,
 შენ იყავი გამწარებული,
 აქ მაინც ტკბილად განისვენე
 მთვლემარე ძილით!

მაშ, ასწით, ძმებო, თასი ყველამ
 პირმოციმციმე,
 ყველაზე მეტი
 მგრძნობიარე დასალეველი;
 დავცალოთ იგი
 და ნაღველიც დასაძლეველად
 აღარ იქნება ესოდენი მწარე და მძიმე!
 შენ კი, შავთვალავ, დაუკარი
 გრძნობებით ისევ,
 რომ ამოგლიჯოს
 ამ მუსიკამ გულიდან შხამი...
 არათერს ვიტყვით,
 რადგან ათრობს გულს სიხალისე,
 და მეც ჩემს სიტყვას, მეგობრებო,
 ვათავებ ამით!

ნ ა ნ ა

ნანა, შვილო, ნანა, ვარდო,
რად არ ხუჭავ თვალებს?
დაიძინე, ჩემო დარდო,
არ მოგაკლებ ალერსს...
გარეთ მზეა, სახლშიც დარი
და ჩემს გულში მთვარე,
შენი ბედის არვინ არი, —
ვარდო, გენაცვალე!
ვხედავ, თითქოს შეკრთი კიდეც,
ახელ გიშრის თვალებს,
სისო, ნანა, სისო, შვილო,
სისო, გენაცვალე!
აღარ არის მამა მარტო,
იბრძვის, შრომობს გარეთ,
მხოლოდ შენთვის, ჩემო ვარდო,
ჩემო სავსე მთვარე!
დგას ხეავი და ლუში ყანა —
მზის სხივებზე ხარობს,
აბრეშუმში სიფრიფანა —
ეფინება ტაროს...
ზურმუხტ ხეზე დახუნძლული
ოქროს ვაშლი ხარობს...
შენს აკვანზე შემომჯდარი
იადონი გალობს...
გაინაბე, ვარდო ჩემო,
მოვა ძილი მალე,
სისო, ნანა, სისო, შვილო,

სისო, გენაცვალე!
ბაღში სძინავთ ატმის ხეებს,
ტყეში — ნუკრს და შველსა,
შენ რად ფხიზლობ, გენაცვალე,
დაგიკოცნი ხელსა...
სძინავს რუსაც, თევზს და ბალახს,
მინდვრად ცხვრების ფარას,
მხოლოდ ჭოტი ფხიზლობს გარეთ
მოვალაღე მარად.
შენც ჩასთვლიმე, ნულარ ნაბავ
მაგ მაყვალა თვალებს,
სისო, ნანა, სისო, შვილო,
სისო, გენაცვალე!

სიხარულის დღეებია
და უღრუბლო ღამე,
თავისუფალ შრომისათვის
გიხმობს შენი მხარე;
ბედნიერი ქვეყნის შვილო,
არ გდის ცრემლი ცხარე,
ფეხს აიდგამ... დავაქაცდი,
გაიზრდები მალე,
სისო, ნანა, სისო, შვილო,
სისო, გენაცვალე!

1937 წ.

ფიქრები თბილისზე

აგერ თბილისი, მეგობრებო,
ჩვენი თბილისი,
დღეცა და ღამეც რომ კაშკაშებს
მგზნებარე ალით,
მას, ნავთლულიდან დაწყებული,
მცხეთის კარამდე —
დიდი გეგმებით გადმოჰყურებს
მზრუნველი თვალი.
მტკვარი კი მიდის,
მიდუღუნებს ზვირთთა ტეკებით,
გულმხურვალეებით
არემარეს თითქოს იხუტებს —
და იქ, სადაც მას კალაპოტი
ბოჭავს კლდეებით
აქაფებული ენერჯის ხალისით უტევს.
ვის შეუქია ნარიყალა, ახლაც რომ ჰვივის,
აქეთ დიდუბე, ჩუღურეთი, ნაძალადევი,
მტკვარი რომ მორბის გაბედული კაი ბიჭივით
ფრთაშეკვეცილი ტალღების მტვრევით?!
ეკონებ არავის, აბა ვნახოთ, რა რიგ კარგია
აქ რომ ანთია ცეცხლი უხვი აელვარებით, —
და ქალაქს თავზე რომ ადგია ჯილა რკინისა,
ხან სიჩუმის და ხან მღელვარების.

აი, თუნდ დილა, დაჰკრავს საყვირი
და ზღვა ხალხისა აიშლება ტალღების მტვრევით,
აქ ჯერ ჩანს მხოლოდ გამურული სახე და პირი
მოდლილ-მოქანცულ სხეულის თრევით,

და შემდეგ, როცა მზე ამოწვერავს
მშფოთვარ ქალაქზე გულმხურვალე
სხივების მცვენი,
მაშინ მე ვხედავ სხვა
სახეებს დამშვენებულებს,
„ოდეკოლონის“ საამო წვენით.
აგერ, რომ კინტო მღერის ლოთურად: •
ღვინო დამისხით, ჯეელებო, დამისხით ღვინო,
ცეკვავს მასხრულად
და ფეხებზე ჰკიდია ყველა,
თავისი თავიც, ოხრობს და ლხინობს, —
მეორე მხრით მას ფოლადის კაცი
დაჯერებული და შემქნელი
დღევანდელ დღისა —
უცქერს პირქუშად
ცხოვრების ამ საბრალო ნარჩენს
და მუშტს უღერებს ინდუსტრიისა.

აი, დიდუბე, თამარ მეფემ აქ იქორწილა,
აქ მას დაუკლეს სამასამდე ნიკორა ხარი,
ქვევით კი, მცხეთა ივერიელთ ძველი სატახტო
დგას დინამიტით გადანათხარი.
მტკვარი კი, აქაც ისე ღრიალებს,
თითქო ეს არი დასაკლავად მიჰყავთ ყასაბებს,
და შიგ ქვეთკირით დაჯავშნული საძირეები
ახალ კაცს აძლევს თავის გასაღებს.
და ეს კაცი რომ დღეს შრომის ოფლს ღვრის,
და სხეულს მხურვალს რომ ჩამოსდის მღვრიე ღვარები
ჩემი გრძნობებიც ზედ დასტრიალებს
და რაც ღონე მაქვს, მეც ვეხმარები.
ვინც უნდა იყოს, სულ ერთი არის,
ამ ჩემ საყვარელ სამშობლო მხარის,
როცა გაივლის ამ ადგილს მგზავრად,
იყოს თუნდ იგი აღვსილი ჯავრით —

ან გულდაკრილი ხმებით მქუხარით,
თუნდა კაეშნის ცეცხლით მწუხარე,
როგორ იქნება, არ აღფრთოვანდეს,
წამს დაპყრის მღვრიე წარსულზე დარდებს.

აგერ ხარფუხიც მოზიდულა
შვილდის ტარივით,
მას მედიდურად გადმოჰყურებს ძველი ისანი;
ქარი კი, ტირის ბრმა აშულის საზანდარივით,
თითქოს თვალეზე ცრემლი სცვივა ოქროისანი.
ა, ჩაიხნებიც, სადაც ჩაით იბერებიან,
სხედან და სვამენ, თითქო ჭიქა
სავსეა ღვინით,
დახლში კი ცოდვად მობუზული ზის მეჩაიხნე
წვერშელებილი ბასმით და ინით.
რამ დაგაღონა მეჩაიხნევე, მითხარ გაბედვით,
რომელი ცოლი გლალატობს და
ბილწავს სარეცელს?!
თუ სულ სხვა არის შენი სევდა გულისაკლავი
და დამწვარ გულის სასალმუნო
ფიქრებს დაეძებ!
დრო აღარ მოგწონს, ფეხმორთხმული
ზიხარ ცბიერად,
და გულის ჯაგვრით არის აღბათ
რომ სწევ ყალიონს?!
მოსწიე ბლომად, იქნებ არგოს გულის იარას,
მოდი და ერთი ამ დღისათვის
ჩაიც დავლიოთ!

აგერ, მთაწმინდა დგას მდუმარებით,
რომლის კალთებში განისვენებს ჩვენი ილია,
აქ ცა-ლავევარდი
სულ ყოველდღე მოწმენდილია,
უანკარესი სიხარულის აელვარებით.
ილიას გვერდით წევს აკაკი,
ყრუდ, გარინდებით,

რაღაც აწუხებს, უნდა ახლაც კიდევ
 სთქვას რამე, —
 და გრიბოდღოვს, ამ რუსეთის გიჟმაჟ გენიას
 „ვაი კკუისგან“ არ ასვენებს დღეცა და ღამეც.
 აგერ, მეტეხიც კლდის თავზე რომ ჩასათრებულა
 და გადმოჰყურებს ვით ყაჩაღი
 ფრიალო მტკვარზე,
 უწინ ბესიკი იჯდა აქ და შეყვარებული
 მღეროდა ლექსებს ორთაქალის
 ზურნების ხმაზე.
 აქეთ კი, ისევ საიათნოვა, ჩვენი ბოჰემა,
 ეგ საქართველოს მძლე აშული დაულალავი,
 მღეროდა გულით, სწერდა გულით,
 ტანჯვაც გულითვე
 იცოდა, როგორც პოეტებში დღემდე არავინ.
 აი, თბილისი და ქალაქი პირმოციმციმე,
 აზიაც არის აქ და ევროპაც.
 ზოგან სიფხიზლე, მაგრამ მაინც
 გეჰარბობს სიმძიმით
 აღმოსავლური დაუდევრობა.
 აგერ, რომ ზურნა ჰიჰყინებს ბალში
 და ზედ დამღერის ვიღაც ჯეელი,
 მეორე მხრით მას თითქოს აჯავრებს
 მწუხარე კვნესით ვიოლონჩელი.
 აგერ, რომ უვლის ჩოფურა ბუქნას
 ძმა-ამფსონებში ნაპურღვინევი —
 თავის არიფებს ძმად ეფიცება
 ღრეჰით, კოცნით და დედის გინებით.
 მეორე მხრით კი, მშრომელთა კრება,
 რომლის შეძახილს კლდე დაუცია, —
 გუგუნებს მტკიცედ და შორს გაისმის,
 ძახილი — ვაშა რევოლუციას!..

ახალი კოლხეთი

ქრება და შრება ნოყო,
ქრება ჭაობი ძველი,
უკვე არ ბზუის კოლო,
ალარ სისინებს გველი.

ნისლი, ბული და ტბორი
კვლავ ველარ იჭერს დარებს,
ბრწყინავს მინდორი შორით,
როცა ამოდის მთვარე.

და იქ, სად უწინ კალოდ:
იყო ხაშმი და შხამი, —
ახლა ბულბული გალობს
დაფნის შტოებზე ღამით.

1934

ჩემო კარგო მეგობარო

ჩემო კარგო მეგობარო,
მომენატრა შენი სახე,
მინდა გნახო, მაგრამ სად ხარ,
სიზმარშიაც ველარ გნახე!

როდის მოხვალ, როდის მნახავ,
ბოლმამ გული გამიყინა,
ნუთუ, ძველს ჯობს სამყოფელად
ახლანდელი შენი ბინა?!

ობლადა ვარ, თვალეზიდან
აღარ წყდება ცრემლის წვიმა,
ცალუღელად დავრჩი ქვეყნად,
ბედმა ტვირთი დამიმძიმა.

ვიყურები იქით-აქეთ
იქნებ სადმე მოგკრა თვალი,
მაგრამ სად ხარ, სად გეძებო,
არსად არ ჩანს შენი კვალი!

მაგრამ ფიქრში, ამ ჩემს ფიქრში
შენ კვლავ ჩემთან ცოცხლობ ისევ,
თითქოს სახლში დადიხარ და
მოგაქვს სიტბო, სიხალისე!

ხან სარკმელს წმენდ და ხან ავეჯს,
სარკის რაფას უსვამ ტილოს.
და ჰა, შენი წახედული
მეც ვცოდვილობ სასაცილოდ!

მაგრამ ჰქრება ეს ჩვენებაც
და კვლავ მარტო რჩება გული,
აღარც სახლში, აღარც გარეთ,
სადღაც, შორს ხარ დაკარგული!

1956

ქ რ მ ა ს

შენ ჯერ პატარა ხარ და როს გაიზრდები,
როცა შენ აუწევ ცხოვრებას ხმას,
იბრძოლებ ჩვენსავით გულით გამეხილით
ისე, ვით შეფერის ფოლადის ხმალს.

შენ ჯერ პატარა ხარ, როგორც იაღონი,
მაგრამ მომავლისთვის სავალი გზა
უნდა აქედანვე გქონდეს გაზომილი,
თუ იგი შემდეგში მიგიყვანს სად.

ჯერ ხომ პატარა ხარ, გიყვარს მოფერებაც.
გაურბი სიცხეს და ემალვი მტვერს,
მაგრამ როდი იცი ავ-სახრჩობელაზე,
თუ რატომ გაჰყავდა მებრძოლი მტერს!

შენ ჯერ პატარა ხარ, მალე გაიზრდები
როგორც თავ-ქოჩორა ლონთქოში ბზა,
ნახავ სუყველაფერს, იგრძნობ ყოველივეს,
შხამნარევ დღეებს და ცხოვრების გზას.

მაგრამ ესე გზები არც ისე რთულია
და არც ეს ცხოვრება არის მთლად ზღვა.
შენ ჯერ პატარა ხარ, ცოტა დაიცადე
და რომ დაგიძახოთ იყავი მზად!

1929

გასწი, ჩემო მეეტლევ

ცა ლურჯთვალა, ყვრიმალი, იცქირება მდუმარი,
გულს ეს კიდევ აწუხებს
და ხან კიდევ ახარებს,
შენ კი გასწი, მეეტლევ,
პირველად ვარ ამ მხარეს,
ჩრდილოეთში მოსული სამხრეთელი სტუმარი.
იგინე და იფურთხე, ოლონდ გასწი ქორივით
და უცნობი ეს მხარე სწრაფად გადამატარე,
რომ მეც ვნახო ცხოვრების მოგრიალე მორევი
და მსოფლიო ხანძარის ჩაუქრობი ღაღარი.
ოდნავადაც ნუ სწუხარ,
რომ ეს გზები, ეს არე,
არის ჩემთვის ჯერ კიდევ უჩვევი და უღვევი,
ვით შვილდისგან ბედითი გატყორცნილი ისარი;
გასწი ისევ, მეეტლევ, გასწი განწირულებით!

აგერ, ძეგლი ბრძოლების, ლამაზი და მძვინვარე,
სამკუთხედა კედლები რომ აქვს თლილი ყალიბით,
დგას ამაყად, თვითნება, ისე როგორც მყინვარი
მძიმედ ამოზიდული, ჰერკულესის ხმალივით.

ეტლი მიჰქრის და მეც სხვა
ფიქრებით ვარ მღელვარე,
მზეც მოგორავს დილისა,
დინჯად ოქროს გორივით,
და ჰა, უკვე თვალებს სჭრის
დროშა სხივებ-ელვარე,

თავზე რომ დასტრიალებს
კრემლს წითელ ფრინველივით.
მე კი ეს მიხარია და შენც გადამატარე
ჩემთვის ეს არემარე უჩვევი და უღვევი,
ბედს არ შეუშინდები, ქედს არ უხრი არაფერს,
გასწი, ჩემო მეეტლევ, გასწი განწირულებით.

მიპქრის ეტლი, ქანაობს, გულიც ამით ერთობა,
თვალმა როგორ გაუძლოს ამგვარ ასხივოსნებას,
ჩემო სიახალგაზრდევ, ჩემო სიყმის ოცნებავ,
მივატოვოთ ნაღველი, ძველი უიმედობა.
რაა მასში ხალისი, რომ სულ იყო ნაღველით,
ვით ბედითი ტყვიისგან
მკერდდაჭრილი არწივი,
აქ, მოსკოვის ქუჩებში ქვაც კი უკანასკნელი
იციქრება ამაყად, მებრძოლ ჯარისკაცვიით.
მაშ, აღუღდეს ახლავე
გრძნობებიც და ფიქრებიც,
ვით ეს არე მღელვარე, უჩვევი და უღვევი.
მე მედგარი მებრძოლი სიკვდილამდე ვიქნები,
გასწი, ჩემო მეეტლევ, გასწი განწირულებით!

არ მწყურია საზღვარი, გასწი, ჩრდილოეთელო,
ყურს ნუ უგდებ ქალაქის
ხმაურსა და გორიას;
შრომისა და ძმობისთვის
ამ ხალხსავით გმირულად
მჯერა, დედამიწაზე არავის უბრძოლია.
ახლაც იბრძვის მძვინვარედ და ჩაგრული ერები
მოდის სხვადასხვა მხრიდან
სწრაფი გამოქანებით,
უკვე აღარ ტრიალებს შუღლი
წარსულ დროისა,
წავიდნენ და ჩალაგდნენ ყველა ჩინგისხანები.
შენ კი, გასწი, მეეტლევ, სწრაფად გადამატარე

ჩემთვის ეს არემარე უჩვევი და უღევი,
რაც არ უნდა გადამხდეს,
არ ვინაღვლებ არაფერს,
გასწი, ჩემო მეეტლევ, გასწი განწირულებით!

ვინ რა იცის, მრისხანე ბრძოლა განუკითხავი
სად მიიყვანს სადაურს და ან რომელ მხარეში,
ვის აღუთქვამს იმედის გაშლას ულამაზესად
და ვის გულს დაუკოდავს
ძრწოლითა და თარეშით?!

მაგრამ შენ კი, მეეტლევ,
გასწი, არ მსურს საზღვარი,
მე პრომეთეს ცეცხლსა და
ბრძოლის რისხვას დავეძებ,
და ამ ცეცხლის ძებნაში
სჯობს დაკარგვა უკვალოდ,
ვინემ მდორე ქაობში უბრძოლველად დავეცე!..
და ნუღარ შემაბრკოლებ,
დე, აღსრულდეს წადილი,
მიწვევს ეს არემარე, უჩვევი და უღევი,
მაშ, ქარიშხლის, ბრძოლების
და ცეცხლების არეში
გასწი, ჩემო მეეტლევ, გასწი განწირულებით!..

1928

მერცხალი

სად ხარ, მოდი, სად ჭიკჭიკებ,
მომენატრა შენი სახე,
ქველი ბუდე აივანზე -
ხელუხლებლად შეგინახე.
ფრთა გაშალე, ინავარდე,
ველ-მინდვრები ისევ ნახე,
შეგიძლია მშვიდად იყო,
არ დაგიგებს არვინ მახეს...
მაგრამ როცა შემოდგომა
დგება ბარში უზრუნველი,
ტყეს სიყვითლე დაეტყობა,
გასცვივდება ხეს ფურცელი,
ფოთლის ნაცვლად ბედურები
გადმოხრიან ტიტველ რტოებს —
შენ წახვალ და ჩვენ აქ ვრჩებით
და დროებით მარტო გვტოვებ!
მაგრამ ჩვენი მეგობრობა
ჯადალახავს მძიმე ზღუდეს,
მოფრინდები ჩვენთან ისევ,
რადგან აქ გვაქვს შენი ბუდე!

მესხური ლაშქრული

დიდი ხანია ჩემს ქვეყანაში
რომ აღარ რეკენ მწუხრის ზარები,
არ გრიალებენ ზათქით ურდონი,
არ თარეშობენ არც ხაზარები.

დრომ დაივიწყა ძველი კრილობა
და ძველი მოთქმა ყრუ მრისხანების,
არ ნადგურდება მტრისგან ვენახი,
არ ითელება პურის ყანები.

მაგრამ წინ მიდგას მაინც ნანგრევი
და ნამსხვრევეები ძველი ზარების,
თითქოს ამდგარან შუბებით ხელში
ბეჟა და ბეშქენ ოპიზარები.

ძველი მხედრები, ძველი სწავლულნი
და გვეძახიან რუსთველის ენით:
ტყვედყოფნა გვეყო, აღმართეთ ხმალი
და დაიხსენით საფლავი ჩვენი!

ძველი ივერის ძველი აკვანი
და დიდი კერა ქართულ აზრისა,
სად წინათ ნინომ თავის ნაწნავით,
შეკრა პატარა ჯვარი ვაზისა.

და ამ ჩვენების შემდგომ მე ვხედავ:
თითქოს დაიძრენ ძველი ზარებიც,
კლარჯეთში ბრწყინავს ქართული დროშა
და შატბერდს ხატვენ ოპიზარები.

უთოვნია მთა და ბარი

უთოვნია მთა და ბარი,
ახლაც ქარი ებრძვის კარებს,
მე რომ გული მოგაბარე,
რად დამიჰერ, ტურფავ, მწარედ!

ვბერდებით და ეს დროც გარბის,
სევდის ღლენი უკან მოგვდევს;
თუ რომ მართლა არ გიყვარდი,
სად იყავი აქამომდე?

ნუთუ, ჩემო, ის გრძნობები,
ძლიერად რომ კრთოდენ წინათ,
დაივსენ და დაინავლენ,
სამუდამოდ მიეძინათ?!

უთოვნია მთა და ბარი,
ახლაც თოვს და ახლაც ჰბარდნის,
ტყვილად ცდილობ, ვერ უშველი
ბნელ უფსკრულში გადავარდნილს!

1928

შენ რომ გულით გძულეზოდე!

ღმერთმა იმ დღეს ნუ მომასწროს,
შენ რომ გულით გძულეზოდე,
დამშორდე და ვეღარ განახო,
ახლოს არ მეგულეზოდე!
რა ვქნა, შენი ხმა ნარნარი
მსურს ვერცხლივით წკრიალებდეს,
გიშრის ტვერი შენი თმისა
ჩემს ყურებთან შრიალებდეს.
შრიალებდეს, წკრიალებდეს
შენი ნორჩი სიყრმის ენა,
დაჭრილ გულის სანუგეშოდ,
დამწვარ გულის მოსალხენად!..

1928

ცაცხვი

შუა ეზოში, მარანის ახლო
დგას გულამაყად ცაცხვი ხნიერი,
მოუსვენარი და მოშრიალე,
ტანმაღალი და ჩრდილგანიერი.

შუა ტოტებში, ვით ორბის ბუდე,
ჰკიდია დიდი, წკრიალა ზარი,
მის დაძახილზე მთელი სოფელი
დილაადრიან გამოდის გარედ.

ხოლო ფუტკარი ნექტარისათვის,
როცა ფრთებს გაშლის მსგავსად ქარისა,
მინდორს ჭტოვებს და მასთან მიფრინავს,
უხვად ამკრეფი ტკბილი ღალისა.

ყველა ხეს ჩვენში ის მირჩევნია
თავის უბადლო გაშლილი ჩრდილით,
მშობლიური და მუდამ ჩვენია
და როს ბავშვივით იღვიძებს დილით, —

დამათრობელს და ტკბილ სურნელებას
უხვად შეაფრქვევს ზაფხულის დილას,
მოფრინდებიან აქ ფრინველები
და მოყვებიან გალობას ტკბილად.

ის კი, ყურს უგდებს ამ ტკბილ ჟრიაშულს
და უნდა ასე დიდხანს სტკბებოდეს,

ეგებებოდეს ყოველ განთიადს
და არასოდეს არა კვდებოდეს.

მაგრამ მარანში, როცა უნიშნავს
იგი საწნახელს პირამდე სავსეს,
მისივე გვარის ხისგან გამოთლილს,
თუ, ვით ეღვრება ბადაგი თავზე, —

თავს ამაყად გრძნობს, თითქოს ძარღვებში
მაჭრის ღვართქათი სდის და თქრიალებს,
და ბებერ ტოტებს, ხავსმოკიდებულს,
ახალგაზრდულად შეაშრიალებს!

1951

მალაროს პრელუდიები

ძარღვიან მკლავით,
გაბრაზებით ებრძვით შავ ქედებს,
ებრძვით მიწის გულს,
მის ზედაპირს და მის სიგანეს,
და ამ ჭიდილში ვერ აშინებს
დაძაბულ გულ-მკერდს
მალაროს რისხვა,
როცა ამტკრევთ მადანის ქანებს.
ურტყამთ წერაქვებს და შავი ქვის
სკდება ზოდები,
დაფშვნილი ქვები თევზებივით
გვირაბში ჰყრია
და მიდის იგი, ცხელ ღუმელში
ცეცხლის მოდებით,
აღარ აქვს ბოლო რონოდების
ხმაურს და გრიალს.
თხარეთ და თხარეთ,
გადათხარეთ მიწა ქართული,
სულ ამოიღეთ მიწის გულის სქელი ქანები,
ჩვენი ქვეყანა, დე, შეიქნეს გადახლართული.
ლიანდაგებით, მავთულებით და მანქანებით!

მიდის, მოდის —
შავ რონოდის
წივილი და გიჟი ქროლა;
შავი ფერის ბუქი, მტვერი,
სადღაც ზვავის ჩამოწოლა!

და მრავალი მტკიცე ხელი,
ლურჯძარღვა და შეუხრელი,
სცემს წერაქვებს, თან სტებს შავ ქვებს,
ემატება გვირაბს ხვრელი.
ტანს ძარღვიანს მური ჰფარავს
და მალაროს შავბნელ კარავს
ებრძვის ყველა, სტეხენ ზოდებს,
და ავსებენ მით რონოდებს.
რომელსაც ქვა მიაქვს ქვაბში —
ის კი თითქოს სცურავს ქაფში,
შავ მაზუთით განაცხარი —
ქვებს, ქვებისკენ გზავნის ღარი.
თხარეთ და თხარეთ, გადათხარეთ
მიწა ქართული,
სულ ამოიღეთ მიწის გულის სქელი ქანები,
ჩვენი ქვეყანა, დე, შეიქნეს გადახლართული
ლიანდაგებით, მავთულებით და მანქანებით!

ყველაფერი მუქი, შავი:
სახე, ხელი, ტანი, თავი,
ქარხნის ქერი, თვალთა უპე,
მანქანების მოსართავი.
ხან ღიღინი უდარდელი,
ხან ფიქრები გულსაკლავი,
და აქ მადანს ზედ ელევა
მუშის ღონე,
მუშის მკლავი.
არის ძღვევის მრისხანების
რადაც მკვეთრი საუბარი,
ოფლის ღვარი მონადენი
ეგლისება შავ ქვის კედლებს,
აქ მომავლის ბედის მკედლებს,
ისევ ოფლის უყვარს ღვარი —
ოფლის ღვარი, ორთქლის ბული
და მრისხანე ნაადვარი.

მილი ბოლავს და ცხელ ფოლადს
სცემს და ურტყამს ჩაქუჩს მუშა,
დინჯი სახით, კუნთჯანსალი,
ვით სალი კლდე დგას პირქუშად;
მის გულშია დამარხული
ჯერ უტეხი რკინის ნება,
და მუდმივი ძალა მკვრივი,
ცეცხლის წვა და ცეცხლის გზნება.
ასეთია ეს მაღარო,
და შენ, მუშავ, კუნთმაგარო,
დაჰკა ხელი, შეუხრელი,
გაარღვიე სალი ქედი,
სადაც ბედის მრისხანება
მტკიცედ ჰკონავს ყველა გულეზს.
და გვირახის მხნე გმირები
თხრით ამ ხვრელში შავ ქვას უღევს.
თხარეთ და თხარეთ,
გადათხარეთ მიწა ქართული,
თქვენ, საყვირებო, იგრიალეთ
და თქვენც, დაფებო,
ძველი ცხოვრება დაარღვიეთ უკუღმართული,
უბირ-ქოხებო, მანქანებო, და, სარდაფებო!

1924

ვით ნიავის ნაზი ფრთები

ვით ნიავის ნაზი ფრთები
დაჰქრი ნელი-ნელა,
ლამეშიაც კი ანათებ,
როცა ირგვლივ ბნელა!

შენი სახე მივამსგავსე
ცაზე ცისარტყელას
და მას ვკითხე, ის სად არის,
ვინც ჯობია ყველას!

მითხრა: — მინდვრად წავიდაო,
ყვავილთ საკრეფელად,
წაველ, ვნახე გაშლილიყვნენ
ვარდ-ყვავილნი ველად.

მაგრამ იქაც ვერ გიპოვნე
ცელქი, ცუგრუმელა,
ახლა რა ვქნა, სად წავიდე
შენდა საძებნელად?!

1952

პარიზის კომუნა

ნიაღვარების ზათქი და თქეში
მოასკდა რისხვად ბობოქარ პარიზს.
გადმოიშალა ღრუბლიან დღეში
მძლე ამბოხების ზათქი და ზარი.
იყო ხალისი და გაქანება
მოვარდნილ ძალთა გულისხმიერი
და ანთებული ავ-მრისხანებად
ქალაქთან ჯარით გაჩნდა ტიერი.
ხანძარი წვაედა სრა-სასახლეებს,
აქ, ბავშვებიც კი იყვნენ თავხედი.
ცეცხლით მოვარდნილ ანთებულ დღეებს
აედო ხელში პარიზის ბედი.
სისხლმა დაიწყო ქუჩებში დენა,
და ჩანდა სახლთა ბჭე მოგლეჯილი...
შეამბოხეთა დროშების ფენა,
ისე დელავდა, როგორც გეჯილი.
ყვიროდნენ, დაღლა ჩვენ არ გვატყვია,
ხმაღს — ხმალი პირზე ზედ შევაგებოთ...
ჩვენ არ გვაშინებს ცეცხლი და ტყვია,
წინ, პარიზისკენ, ამხანაგებო!
ყველა ხედავდა ძველი იშლება,
ქუჩა გარდიქმნა ბარიკადებად,
ჰქუხდა ძლიერი აქარიშხლება.
ძმობა, კომუნა და თავდადება.
მაგრამ ამხედრდა წამების უამრ,
უფრო აღუღდა სისხლის ღვარებიც —
და დაიდაღა გალიფეს შხამით

მკერდები მებრძოლ კომუნარების.
გილიოტინა რიგ-რიგზე მკიდა,
ამ დროს იხდიდა ზეიმს ვერსალი,
დიდ გამარჯვებით გახარებული,
ბედნიერებით ნალერსალი.
დაეცნენ გმირნი, — შეწყდა მხნე ბრძოლა,
და აღარ ისმის მარსელიეზა.
მაგრამ მათი ხმა გადაისროლა
შრომის ლაშქარმა მთელ მსოფლიოზე.

1922

ი მ ე ლ ი

რომ დაეცე ამ ცხოვრების მძიმე ტვირთქვეშ
და სიკეთის გზაც დროებით შეგეშალოს,
დაგივიწყოს მეგობარმა, სულის სწორმა,
თვალზე ცრემლი არავინ არ შეგიმშრალოს, —
მაშინ მოდი, დაგიხვდები გულგაშლილი,
დაივიწყე ეგ ფიქრები საზიანო
და ცხოვრების მძიმე გზაზე დაღლილებმა
ჩვენი ფიქრი მართალ გრძნობებს ვაზიაროთ!
მაგრამ შემდეგ, აჯ, კვლავ ბედმა გაგამწაროს,
შეგახვედროს ვიშვიში და ცრემლით გლოვა,
რაც წავიდა, მას ნუ ტირი, ნუ ღერი ცრემლებს,
თუ ბედს უნდა, სიყვარული ისევ მოვა!
ისევ მოვა, ბედს თუ უნდა სიხარული,
არ დარჩება სამუდამოდ გული ბნელოდ,
სულში — ვარდი, ბალში ნუში გაიშლება
და კვლავ ისევ აყვავდება მთა და მდელი!..

1954

მოდი, ტურფავი

ქ. ლ.

მოდი, ტურფავ, რას აყოვნებ,
მოაყენე ჩემკენ ნავი,
იქ ვარ, იმავ ტბის ნაპირას,
სად ასკილი ობლად ჰყვავის.

ტბა ბობოქრობს, ზვირთი — ზვირთს სცემს,
აქეთ მოსწი ჩემკენ ნავი,
ავმა ღელვამ ცხოვრებისამ.
არ წამართვას შენი თავი!

ნუთუ, ოდნავ არ გაშინებს
ქუხილი და ხშირი ელვა,
ქარი ფაფარაქოჩრილი
და ზვირთების შმაგი ღელვა!..

მეშინია მწარე ხვედრის,
რადგან ორთავ ჩვენი გული,
ჯერ კიდევ აბრეშუმის
ძაფით არის გადაბმული.

მაშ, უფროთხილდი ქარტეხილებს,
აქეთ მოსწი ჩემკენ ნავი,
ავმა ღელვამ ცხოვრებისამ
არ წამართვას შენი თავი!..

1956

შოთა რუსთაველს

შორს წასულა, მაინც ისმის,
ეს რუსთველის ხმებია,
ხან ღრმად სჭრიან, ცეცხლსა ჰყრიან
და ხან ილიმებიან.
დათესილი ჩემს მხარეში
ოქროს თავთავეები აქვს,
რაოდენი მღელვარება,
სიტყბოც რაოდენია, —
სიბრძნის ნერგზე ამოსულო,
დიდებულო გენია!

ვისი ძუძუ გიწოვია,
შუქი ვისგან გფენია,
რომელ ხის ძირს ჩამომჯდარხარ,
ან სად დაგისვენია,
ცხრა წყალს სვამდი ცხრა წყაროსას,
შარბათად რომ გდენია,
შენ, სამშობლოს სიტყვის ძალა
სიბრძნით დაგიდგენია;
მცირე ერის დიდო შვილო,
მისი ცრემლით გამოზრდილო,
დიდებულო გენია!

შენი სიტყვის ნაჰედობა
დამკვიდრებულ კლდის არის,
აზრი, სიბრძნე, სიმანხვილე —
გატყორცნილი ისარი,

ნეტავ, ჩემს გულს აღნებოდეს
შენი კუბოს ფიცარი
მაგრამ სად ხარ, რომელ კუთხეს,
ან სად დაგისვენია,
იქნებ ომშიც ლომგულობდი,
დაჭრილს სისხლიც გდენია? —
ხარ უკვდავი, სხივოსანი,
შენი ვეფხვისტყაოსანით —
დიდებულო გენია!..

1937

ზადრევეანს

ჩქეფს ზადრევეანი, საღამოა, ამოდის მთვარე,
ლამაზ კვიპაროსს აღუმართავს ამაყი ქედი;
ფანტასტიური სამოსელი ჩაუცვამს არეს,
ბალის აუზში უცნაურად ბანაობს გედი.
მთვარე მიიწევს ცის თაღისკენ ზანტი ნაბიჯით,
თითქოს მთვრალია, მიდის ნელა, რომ არ დაეცეს,
მე კი ვზივარ აქ, და კაეშნის დამდაღველ იქვით
მწველი ნაღველის სამკურნალო საგანს დავეძებ.
გუშინ აქ, ამ ღროს, შენ იყავი, ჩემო ძვირფასო.
უკრავდი თარს და უჩვეულო ხმაზეც მღეროდი;
მე კი გისმენდი და ამ გულის გრძნობიერ პასუხს
შენ ანთებული მოუთმენლად თურმე ელოდი.
ბოლოს დადუმდი და შენი ხმის შესწყდა წკრიალი,
თვალეებში ცრემლი მოგერია, გადასდე თარი
და ამის შემდეგ დადგა ჩემთვის ოხერტიალი
წუთები მძიმე, დამდაღველი, წუთები მკვდარი.
გთხოვდი სიმღერას მუდარებით, მაგრამ ამაოდ,
ძვირფასო ჩემო, გულს დაასხი გესლი და შზამი...
რა მშვენიერი იყო ამ ღროს ბალის მარაო,
გულს აცოცხლებდა მთვარიანი სექტემბრის ღამე.
მაგრამ მე ვდუმდი, როგორც ღამე და სიმარტოვე,
ვეყრდნე ნაღველით გულდამწვარი აუზის ღობეს.
უცებ შენ წახველ და მე ასეთ დარდით დამტოვე,
როგორც არასდროს, ნაღვლიანი დამემშვიდობე.
ეს გუშინ იყო, უცნაური ლხენაც და გლოვაც,
ო, რა გულისწვით, იმ საღამოს ახლაც ვიგონებ!
ჩავიდა მთვარეც, ალბათ კიდევ აღარ ამოვა,
ველარ აღვადგენ სისხლის ლაქით წაშლილ სტრიქონებს.

გახსოვდეს, სამშობლოვ!

მრისხანე გრიგალი შფოთავს და ქანაობს,
და მაინც გულმშვიდად შრიალებს ტყე,
ძვირფასო სამშობლოვ, ჩემო ქვეყანაო,
შენი შვილები შენთან ვართ დღეს.
და მარად ვიქნებით, რომ ჩვენი ფიქრებით
შენ გემსახუროთ, მხოლოდ შენ ერთს;
თუ შენი ღირსი და საფერი ვიქნებით
შენს სიყვარულში ვიპოვით ბედს.
მაგრამ ვინაც მოკვდა მრისხანე ბრძოლებში —
ვერ გადაურჩა სიკვდილის ცელს,
ნუ დაივიწყებ შენც იმათ სახელებს,
ვინც შენი გულისთვის საფლავში წევს.
და ვისაც სიკვდილი გულს რისხვად დააჯდა,
როგორც ყორნები წაქცეულ ხეს,
მათ მხოლოდ ერთი-და სიცოცხლე გააჩნდათ
და ისიც შენთვის გასწირეს დღეს.
გახსოვდეს, სამშობლოვ, იმათი ფიქრები:
ნათელი აზრების გმირული ხმა,
მათ თავის სიცოცხლის დასცალეს ჭიქები
და ახლა სძინავთ საფლავში ღრმად.
ახლაც ის გრიგალი კვლავ შფოთავს, ქანაობს,
და მაინც გულმშვიდად შრიალებს ტყე,
ძვირფასო სამშობლოვ, დიდო ქვეყანაო,
შენი შვილები შენთან ვართ დღეს!...

1942

ს ა ლ ა მ ო

მზე ჩავიდა, ნელი ბინდი
ეფინება სარკმლის მინებს,
მთვარე სადღაც, მთების იქით
ჩაწვება და ჩაიძინებს.

ნელი სიო, მინდვრის ყვავილთ
ათამაშებს, აბიბინებს,
მაგრამ ფიქრი, ჩემი ფიქრი
მაინც ფხიზლობს, არ იძინებს.

ის იგონებს, არ ივიწყებს
მამულისთვის მებრძოლ შვილებს,
ქვეყნის ხსნისთვის ბრძოლის ველზე
არწივივით მხარგაშლილებს.

ნუთუ, მათგან ყველა მოვა,
რომ არ ვკარგავთ აგრე იმედს,
კვლავ ჩაგვივლის რაინდულად,
შეგვხვდება და გაგვიღიმებს?

ვინც ვერ მოვა, იმან რა ქნას,
ვისაც გული გაუგმირეს?!
ველარ ხედავს მშობელ დედას —
ცხარე ცრემლით ანატირებს!

ეჰ, ვინ იცის, მწარე ხვედრი
უიღბლოთა ეძებს ბინებს;

მთვარე სადღაც მთების იქით
ჩაწვება და ჩაიძინებს.

მაგრამ სიო, მინდვრის ყვავილთ
ათამაშებს, აბიბინებს,
ის და ჩემი მძიმე ფიქრი
მუდამ ფხიზლობს, არ იძინებს...

1944

ქეთევან ირემამძეს

იმ დროს შორს ვიყავ, მე შენი ხსოვნა
ვერ დავაფასე ღირსების გვარად.
ვერ მიგაცილე და შენს საფლავზე
ვერ დავაფრქვითე ცრემლები ღვარად!
ვერც მაშინ, როცა წუთები მძიმე
შენ ფეხაკრეფით შემოგეპარა, —
ვერ მოგაშველეთ ჩვენი იმედი,
ვერ აღვუდემით სიკვდილს წინ ფარად!

მაგრამ, მე ვიგრძენ იღუმალ ფიქრში,
რომ სადღაც დიდი, შორი ნათელი
უკვდავებაზე ცივი და წმინდა
და შუქძლიერი ერთი სანთელი —
უცებ რომ ჩაქრა, — მაგრამ ციმციმი
არ შეწყვეტილა იმ გლოვის ხმაში,
სახე იცვალა, გაფრინდა ჩვენგან
და კვლავ აენთო ვარსკვლავად ცაში!..

1945

მ ზ ე

მახლობელ მთიდან მზე გადმოდგება,
როგორც ირემი დაფეთებული;
ხეს შეაშრება ცვარის წვეთები —
მარგალიტებად დაკიდებული.

ჯერ სწრაფად მიდის, მაგრამ შუადღე
როცა მოაღწევს ცეცხლივით მწველი,
წამს შეჩერდება ცის კაბადონზე,
ვით ღრმა ფიქრის წინ შედგება ბრძენი.

შემდეგ კი, დახრის თავს სამხრეთისკენ,
რომ ცეცხლში დამწვარ მიწას აამოს,
აიკრავს რიდეს, იხრება ზღვისკენ
და შავგვრემანი დგება სალამო.

მას უძნელდება წავიდეს ჩვენგან,
თუნდაც დროებით, სხვა ქვეყანაში;
სადაც სინათლეს, ხალხის სიმართლეს
უსამართლობით ახრჩობენ ზღვაში.

მაგრამ რას იზამს — უკანასკნელად
სტყორცნა სხივები მთაში ღიღილოს;
გამოგვეთხოვა, ჩაეშვა ზღვაში,
რომ ხვალ იმ მთიდან კვლავ გაგვიღიმოს.

წერილი ახალგაზრდობისადმი

ძმებო სიყრმისაჲ,
უკეთესნო მეგობართ შორის,
ამხანაგებო, წარსულის და
მომავალ დღეთა,
ჩვენ მოწყენა და სიხარული
ბრძოლის და შრომის,
დღეს დულაბივით
გვაერთებს ერთად!
და რაც ვთქვი ზევით, მეგობრებო,
დარჩეს კვლავ ისე,
სხვა მხრივ მწადია
ახლა გავხსნა გულის ნადები,
თუ როგორ უნდა
ავამღეროთ ხალხის ცხოვრება
და მომავალი
განთიადები!
ჩვენ გვინდა ტვირთი
ახალ ცხოვრების
ერთი დაკვრით რომ
ავსწიოთ ზევით,
და თუ, ხან ამდროს ზოგ ჩვენთაგანს
ღალატობს ღონე —
მიზნისკენ მაინც ყველა ერთად
მივდივართ ძლევით!
გულს ნუ გაიტეხთ,
მაინც ძმებო, ძმებო სიყრმისაჲ,
თუ ამ ტვირთის ქვეშ

იეცება ფოლადის წელი;
სამაგიეროდ ვინ გამოვა,
რომ თქვას გაბედვით,
რომ ეს სურვილი
არ არის წრფელი!
როგორ წახდება იგი საქმე,
რომელიც ღარიბს,
აძლევს სიცოცხლის
იმედს გულისას,
და თუ წახდება, —
როდის უნდა გაშალოს სხივი
მზემ დიდებულმა
დაჩაგრულისა?
მაგრამ ჰე, ძმებო,
უკეთესნო მეგობართ შორის,
ამხანაგებო, წარსულის და
მომავალ დღეთა,
დღეს შრომის ცაზე
ამოსული მზე დიდებული
უკანასკნელი ბრძოლისათვის
თავს გვიყრის ერთად.
წინაპრებისაც მოვიგონოთ
ხსოვნა კეთილი,
მათ მოიხადეს წმინდა ვალი
კარგად თუ ავად,
და ჩვენ პატივი ვსცეთ
გულწრფელად მდუმარ აკლდამებს.
თუნდ ძველი ყოფის
აღსანიშნავად.
მაშინ თუ, ძმებო,
საუკუნე ას წელს იკრებდა,
დღეს იგი უკვე
ათი წელია,
და, ყველა ტვირთის

ზიდვა ასეთი სწრაფ დინებაში
რალა თქმა უნდა
უფრო ძნელია,
მაგრამ ჩვენ იმედს
ნუ შებორკავს სულმოკლეობა,
მომავლის წინსვლას —
აჩქარებულ ხმების ბგერანი
და შორს არ არის იგი წამი,
როდესაც ყველგან
აღვირს აიწყვეტს
ცეცხლის მერანი.
ძმებო სიყრმისავე, უკეთესნო
მეგობართ შორის,
ამხანაგებო, წარსულის და
მომავალ დღეთა,
დღეს შრომის ცაზე
ამოსული მზე დიდებული
უკანასკნელი ბრძოლებისთვის
თავს გვიყრის ერთად!

1929

შენ თუ გგონია

შენ თუ გგონია, ბრძოლები ცხარე
ისე გაივლის, როგორც ეს ნისლი
და სამუდამოდ წარიხოცება
ასე გულუხვად დაღვრილი სისხლი!
ანდა, იხილავ ომების შემდეგ
გულის საამოდ ამ დროშებს დახრილს;
ბრძოლის ველიდან მებრძოლთა მიერ,
ქარქაშში ფუჭად ჩაგებულ მახვილს?
მაშინ მე გეტყვი — შენ სიბნელე ხარ,
ავად დამხშობი ბრწყინვალე დღისა
და ჩვენ, რაც ძალა გვექნება მაშინ,
აღარ დავზოგავთ ვიქეჩებთ მყისვე.
დღეს, როცა მშრომელთ ხმა სიმკაცრისა
უსაშინლესი წარღვნის ფერია,
ნუთუ, ბოროტო გულო კაცისავ,
შენთვის ის ხმებიც არაფერია?
რა დაამარცხებს ამ უდრეკ ბრძოლას,
ან, ამ მუხებს რა გრიგალი მოთხრის?!
ვართ ჩაწყობილნი, როგორც ვაზნები
ჩვეოლუციის პოეტი ოთხი.
და თუ დაეცა მშრომელთა ღონე,
გულსაც ნადველი გაეკრა ლიბრი; —
მაშინ სიცოცხლე არამც ყოფილა,
ჩვენი ლექსებიც — ჯანდაბას იქით!..

1928

შუადღე ქარხანაში

გრიალი ჩქარი და ფრთა მედგარი —
სიცოცხლის ქნარი ღვედებს ათროლებს,
მანქანის რგოლებს სდის ორთქლის ღვარი
და ზღაზნით ქარი შორს მიაქროლებს.

შრომაში თვრება მრავალი ხელი,
გულისთქმა ცხელი წვავს ქარხნის მილებს;
არ ვგრძნობთ ტკივილებს და სუნთქვა ნელი,
ოფლიან მკერდის ნაოქს აგრილებს.

ქურა ცეცხლს ათოვს საერთო ხმაურს,
თან მანქანებიც ტრიალებს სწრაფი;
სიცოცხლის ძაფი ჰკრეფს ხმებს უცნაურს
და რისხვის ხმაურს სცემს შრომის დაფი.

ვიშ, რა კარგია! თან ლურჯ ხალათებს
შრომის სუფევის ასველებს ზეთი.
ყოფა ასეთი გულს აფოლადებს —
მწველ აღმაფრენის ცხოველი წვეთი!

ქშინავს მოტორი და ქარხნის გული
ცეცხლით მოცული არ გრძნობს ობლობას;
არ არის მტრობა და სიხარულით
აქ, მანქანებიც გვიცხადებს ძმობას.

ჩვენ როდი გვხიბლავს სხვა მეგობარი,
აი, ეს არი, რაც ღღეს გულს უნდა,
ცივ მანქანების ზათქი და ზარი
შრომის უბნიდან მოისმის მუდამ.

ჩვენ რკინის ძმები სულ გვეყვარება,
მათი მსგავსება არ გვინდა სხვაზე.
შეწყობილ ცვლაზე დულს მღელვარება, —
შეკრული სალტით ბორბლების ხმაზე.

შრომის ჯარი კი, ოფლში მკერდს ადნობს,
თან გრძნობებს ათბობს, ცეცხლის ქარია;
შრომის არია იპყრობს ცის ტატნობს
და გვიხარია, ო, გვიხარია!..

1922

ა კ ა კ ი

მწამს მაპატიებ, დიდო პოეტო,
რომ ჩემი ლექსით გიხსენებ ობლად,
ირგვლივ გულს ცეცხლის ალი მოედო
ძარღვებში სისხლის ამოსაშრობად.
მაგრამ ეს ცეცხლი გაივლის მალე,
და ეს ტკივილიც არა მარადი;
შენ — შუქის მფრქვევი იყავი ძალა —
ერისთვის ფარი და მეზარადი!
გვახსოვს სიკვდილი, ეს იყო მეზი —
რომლის გავარდნით იკივლა მიწამ,
და შენი ხალხი, გულგანატეხი,
აემა ტკივილმა გამოაღვიძა!
და იმის შემდეგ ყველანი გლოვენ,
ცაზე ღრუბლებიც ჰკიდია ყირა;
შენ ჩამოგვშორდი და დაგვიტოვე
ტკბილჭანგოვანი წკრიალა ღირა!
ღირა, რომელმაც მძლედ დაიქუხა,
მისი ხმა დღესაც ნაპირებს მოხევეს
და აღმაფრენის სხივებს ჰფენს უხვად
უბირ-სარდაფებს, კარვებს და ქოხებს.
მჯერა, საფლავში ძვლებს უხარია,
რომ ხალხს დღეს მხარში უდგას ბელადი,
რომ ქედმოხრილნი აღარ არიან
ყამით, ციხით და სახრჩობელათი.
რომ სულ დაინგრა მყვლეფელთა ჯარის
დარბაზი, ოქროს ნაჭედი ზოდი,
და ამ ცხოვრების მხნე მოდარაჯეთ,

ახლა თვით ხალხის ტალღა გამოდის.
 ახალმა ძველი ფეხქვეშ გათელა
 და უკუნეთში გადაასახლა;
 თუმცა, ძვირფასო, შენი ნათელა,
 ჩვენს გულს სიტურფით იტაცებს ახლაც!
 წინ მეხატება ბაში-აჩუკი,
 რომელსაც გმირის ღონე აჩუქე,
 და თუ პირიმზე და პირიმთვარე
 სრულყოფის ვნებით მღელვარ-მშფოთვარე
 დაჩრდილა წინსვლამ, ცრემლმა დაობა —
 სამაგიეროდ ჩვენი თაობა
 ამზადებს ურყევ, მტკიცე ნიადაგს.
 ვინ იცის, იქნებ ცხოვრების ტრიალს
 გზა აუღია სულსხვანაირი,
 თავს ვეღარ აღწევს ცეცხლის ხეტიალს
 რომი, ტოკიო და ვერც ქაირი...
 აქ კი, სამშობლოს რკინის ბჭეები
 შემოირკალა დღეს უფრო მაგრად,
 ცხადია, გვახსოვს ავი დღეები,
 ბევრი ბრწყინვალე ვარსკვლავი ჩაქრა
 მაგრამ, ძვირფასო, რას გვიზამს კირი,
 ახალ ცხოვრებით აქაფებულებს;
 გაუძლეთ დოღში ფეხმარჯვე ჯირითს,
 მოვირჩინთ სევდით დასეტყვილ გულებს.
 მწამს, მაპატიებ, დიღო პოეტო,
 რომ ჩემი ლექსით გიხსენებ ობლად,
 მაგრამ გულს ცეცხლის ალი მოედო,
 ძარღვებში სისხლის ამოსაშრობად!..

მეზარე

დაჰკა, დაჰკა, მტკიცედ ხელი
შემოჰკარი ზარებს!
ძლიერი ხმა მოგუგუნე,
მწამს მტრებს შეაზარებს.
შეაზარებს ძველ ქვეყანას,
ძველ ადათს, ძველ რწმენას,
ცეცხლის ისრით ჩაჰკლავს გულში
უხალისო თმენას.
დაჰკარ, გრძნობით ანთებული,
დაჰკარ მტკიცედ-მეთქი,
ვით გრიგალი ბრაზით სავესე,
კლდიდან მონახეთქი!
ზღვა ბობოქრობს,
ზვირთი, ზვირთს სცემს,
ტალღა ებრძვის ტალღებს,
ქარიშხალი ხან ჭუსტად სტვენს,
ხან ხმას აღიმალღებს.
შენც, მეზარევ, გადასძახე,
სიტყვა მტკიცე რწმენით,
ბრძოლის ცეცხლი გვაგრძნობინე
ზარის ბოხი ენით!
გვაგრძნობინე გულის დარდი.
სულის სიხალისე,
რომ შვილები მომავლისა —
ჩვენც ავენთოთ მყისვე!..

1922

ვერ დაგივიწყებ

ვერ დაგივიწყებ, ჩემო კეთილო,
ვერ დაგივიწყებ გრძნობები მთვრალი;
სანამ ეს გული მტკიცედ ძგერს მკერდში,
სანამ ეს გული არ არის მკვდარი!
მაგრამ, ხომ წახდა ჩვენი თვისება,
რაც იყო, მორჩა, დაიღო ზღვარი
და ახლა რაგინდ მეფერო ტკბილად,
ხომ, სულერთია, მე თვით ვარ მკვდარი!
ვხედავ, თარს უკრავ, ჩემო კეთილო,
რალა დროსია ლხენა და თარი,
გული მოჰკალი და ახლა გინდა,
რომ გამაცოცხლო დიდი ხნის მკვდარი!
რალა დროსია, ჩემო კეთილო,
რალა დროსია, ლამაზი ხალი,
შენი მზეც მოკვდა და ჩემი მთვარეც,
ადარც ერთია ახლა ცოცხალი!..

1928

ფიქრი თანამედროვეობაზე

ეს არც სიტყვაა ნაღვლიან გულის
და არც მყვირალი თერგის დინება,
უბრალო არის, როგორც მზე დილის,
ოქროსფრად მინდვრებს რომ ეფინება.
გულს აფოლადებს... მისი ალერსით
ფუჭი ოცნება მიიმსხვრ-მოიმსხვრა —
და მეც ვუცქერი მშობელ ქვეყანას
სალი თვალებით ახალ დროისა.
შენდება მხარე, მშვენდება არე,
ის აღარ არის, რაც იყო გუშინ,
ათრთოლებული და დაძაბული
შეჯიბრებულან გრძნობები გულში.
ჩვენ ხომ, შემთხვევით არავინ გვიყვარს,
და არც შემთხვევით გვძულს ჩვენ არავინ,
ნათელი არის ყველა ზრახვების
კილო კეთილიც და შემპარავიც!
რადგან გრძნობებსაც სჭირია ხედნა,
ვით იორლა ცხენს — ქედვა ნალებით,
რომ არ ვუცქერდეთ წინაპართ საქმეს,
ჩვენ მუდამ შიშით და მოკრძალებით.
რისთვის? სათქმელი განა ჩვენ არ გვაქვს?
რატომ? განა ჩვენ დავკარგეთ გზები?
ხომ ხედავთ, როგორ გუზგუზებს ქურა
და ოფლის ტბებად დაღვრილა ზღვები!
დღეს ყველგან ხმაა, ყველგან ქმედობა,
არსად დუმილი კაეშნით სავსე,
თვით გრიგალები ქარიშხალისა
მიაქროლებენ ხომალდებს ზღვაზე.
და რა აზრი აქვს აღუდგეთ წინსვლას,

როცა ჩვენ სურვილს არც კი აქვს ბოლო,
წინ, ისევ მედგრად, ჩვენ ამ ბრძოლაში,
მძიმე ბორკილებს დავკარგავთ მხოლოდ!
ვინც რა უნდა სთქვას, არაფერია,
დე, ქვეყნის საქმე წავიდეს წალმა.
ჩვენ იმედს გვაძლევს აღმშენებლობით
აფეთქებული კლდეები ნალმად.
დაფშვნილ-დათხრილი მიდამოები,
რკინის მარაგი, ქვათა ზვინები
და უზარმაზარ აუზებიდან
ნავთი რომ მოჩქეფს სწრაფი დინებით!..
ნუ შეშინდები, გაჰკარ, გაჰკვესე.
ჩვენ რას ვუყურებთ წინაპართ წესებს?
დღეს ძველებურად არ ვიბრძვით თოფით, —
არამედ კლასის მძლე ნებისყოფით.
ახლა გვჭირია ლომების ღონე,
უნდა ავსწიოთ ცხოვრების ღონე,
და არე მწირი, ხრიოკ-სერება, —
უნდა ვაქციოთ ბედნიერებად!..
ყოველ სუნთქვაზე, ყოველ დარტყმაზე
უნდა მოჩქეფდეს ლანქერი ღვრია —
მეტი სისწრაფე და მოძრაობა,
მეტი სიცოცხლე და ენერჯია!..
რას იმუქრებით! დროა შეწყვიტოთ
მავნე ძახილი ჰაის და ჰოის,
რაც არ იყვიროთ, არ შეჩერდება
აღმშენებლობა ახალი დროის!
ღვიძავს დეპოებს, სახელოსნოებს,
ღვიძავს ჩაქუჩებს, ფოლადის ხელებს
და ორთქლმავალიც რკინებთან ერთად
გაჰკივის მწარედ გადათხრილ ველებს:
სად ძახილია შრომის მძლეობის,
სად ცხოვრებაა ძალღონით სავსე,
ხშირი შეხვედრა და განშორება,
ისევ შეხვედრა ზავთიან გზაზე...

ჩემს სოფელს

ქალაქის ხმაურს ვეღარ გავუძიებლ, —
მე მენატრება ისევ სოფელი;
სად იმედები ყვაოდა უწინ,
სად მზეც ხარობდა ცხოველმყოფელი!
იქ მე მინახავს კარგი დღეები,
სიყრმის დღეები ახლაც ტკბილია;
მდინარეებზე ხის ხიდეები,
სოფლის სიწყნარე და იდილია.
გაშლილი მდელი, როგორც ზეწარი,
სერებიც კობტა. ხშირი და მწვანე
და რა სჯობს იმას, როცა ჰქრის ქარი.
როცა აზვირთებს სიმინდის ყანებს!
ვიშ, რა კარგია! ნეტავ მე ახლა
სიყრმის დღეებზე ლექსები ვწერო,
მარტოდ ეს რად ღირს, ზიხარ და უცქერ,
სამხრეთისკენ რომ მიცურავს წერო!

1927

საქართველო

მზე ისევ ცხელი სხივებით გვიცქერს,
მუშის მკლავები — კორძის ფერებით
და ჩვენ ამ ქვეყნის შენებას ვიწყებთ
სხვა სიყვარულით, სხვა ამღერებით.
ჩვენ გვიყვარს ბრძოლა, მშრომელი ხალხი,
სულ მუდამ თოვლით მოსილი მთები;
სად ყურთასმენას ხალისით ალხენს
შრომის სუფევის ამაყი ხმები.
სადაც ტირილის ნაცვლად გაისმის
აღმოდებული ჰიმნი ბგერების;
მოპოვებული ბრძოლით და სისხლით
შრომა, უფლება და სიმღერები.
მოგვაქვს თვით მშრომელთ საკეთილდღეოდ;
ვკედთ იმედების საძირკვლად ფოლადს,
რომ ხალხის წინსვლას არ ჰქონდეს ბოლო!

და ამ დუდილში შორს გაექანე,
სამშობლო მხარეც სისხლიან დალით.
შენ ხარ უკვდავი ბრძოლის ქვეყანა,
სამყაროს გულზე გაშლილი ბაღი.
და მე ვოცნებობ ამ გაშლილ ბაღში
უნდა ვკონავდეთ ქარხნების კონებს,
გვქონდეს სიცოცხლის გაქანებაში
სხვა ხალხთა სწორი ძალა და ღონე!
დროა, რომ ჩაკვდეს მივარდნილ მთაში
სალამური და პიპინი სტვირის,

დე, ჩვენი ქვეყნის ტკბილ სიმღერაში
ისმოდეს ქარხნის მკვეთრი საყვირი!
სამშობლო მხარევე, აღსდექი ზეზე,
აღსდექ მუხლმაგრად, წინ გაქანებით!
დე, ჩვენი სისხლი აღუღდეს მზეზე,
ქვაბში, — მაზუთი და მანქანები!

ვიყავით ძველი ტომის და ჯიშის,
მაგრამ მომავალ ახალ ეპოქებს —
ჩვენ არასოდეს არ ვუცქერთ შიშით,
ჩვენ ამ ბრძოლებშიც არ გვყავს მეტოქე.
და ასე მოგვაქვს მძლე სიხარული,
დროშები ჩვენი თვით მზისფერია
და ამ დროშებზე ჩვენ გვიწერია:
— ბრძოლა, სიცოცხლე და სიყვარული!

1927

გაზაფხული

წავიდა მწვავე სუსხი და ყინვა,
უკვე არსად ჩანს ზამთრის საბანი
და სურნელოვან გადაშლილ მინდვრად
ჰყვავის ვარდი და იასამანი.
ნეტამც, სულ აგრე იყვავილებდეს
და ჰქროდეს მისი სურნელის ქარი;
გაზაფხულს ჩემი სალამი ძმური,
უკვე წავიდა ზამთარი მწარე.

1925

წ ვ ი მ ა

რა უცნაური დღე იყო გუშინ,
იდგა აღმური ცხელი და მძიმე,
უცებ ატირდა ღრუბელი ქუში
და წამოვიდა ყუყუნა წვიმა.
შემდეგ გადილო, თუმცა აქა-იქ
ჩანდა ღრუბელი თითო-ოროლა;
მაინც ამღერდა ხალისით მეხრე,
ამღერდა უცებ ცაში ტოროლაც.

1928

სიამე მყუდრო მარტოობაში

ვწევარ, სიჩუმე მარტოობაში
ვპოვე, ცოტახნით ნუგეში ჩემი,
მივჩერებივარ ჰერს ჩემს ოთახში,
ვით მონუსხული ფრინველი თვლემით.
და ასე მშვიდი ისევ ჩემს ფიქრთან
ვრჩები ობლად, ვით არწივი მთაში
და ვგრძნობ, რომ რაღაც სიამე ჩუმი
არის ამ მყუდრო მარტოობაში.
დუმილი ირგვლივ, მხოლოდ საათის
დადის ისარი სიღინჯის მჩენი,
ო, რა ნელია მისი ტაატი
და რა სწრაფია ცხოვრება ჩვენი!..

1939

რ ი ც ა

ჯერ არ მენახა, მაგრამ, როს ვნახე
მისი ლივლივი შორიდან ვიცან,
იღვა მთებს შორის და მისი სახე
მეუბნებოდა: — მე ვარო რიცა.
მთა მოხატული, ცაც მოზეიმე
და ამ ბუნების შეწყობილ ხმაში
ისმოდა ერთი საგალობელი —
მხრებგაშლილ ხეთა ფოთლების ტაში.
მზე მის წიაღში ღრუბლებს ხატავდა
და ზედ ნიავეც ტკბილად მღეროდა.
ვიდექი აჟ და, ამ ტბის თვალებით
მარადისობა შემომცქეროდა.
შემომცქეროდა მთები ზვიადი
და არ ისმოდა ჩქამი ფეხისა,
ეფერებოდა ტბის ტალღებს ჩუმად
ერთი პატარა ტოტი ვერხვისა.
და მეც ხალისით აღტაცებული
დიდხანს ვუცქერდი ამ სურათს ასე,
ტბის ზედაპირზე ტალღების შრიალს —
შეუჩერებელ ცხოვრების ოზაზუ.

1948

ზანტასტიური პაემანი

ჩვენ ახლა ვზივართ მდინარის პირად,
ძვირფასო ჩემო, ნალვლიან ფიქრით
და ავ-წარსულზე ვბაასობთ ხშირად,
რომელიც ახლა ლანდივით მიჰქრის.

შენ მეუბნები: „გაქვავდა გული,
თითქო არც მაქვსო, ასე მგონია“.

მეც გეთანხმები, ჩემო კეთილო,
ის შენ არასდროს არა გქონია!

შენ მეუბნები: „სიცოცხლეც ჩემო,
ჩემს გარდა ვერვინ ვერ დაგაფასებს“.

მე კი არ მჯერა, და ეს ტყუილი —
ოხ, რომ იცოდე, როგორ მამბრაზებს!

ვხედავ შენ სტირი გულაჩუყებით,
როგორც დაჭრილი ტყეში ფირალი.

მაგრამ ჯობს, ჩემო, ამოიწმინდო
თვალები ლიბრი და ნატირალი.

განა არ იცი? ეს ჩემი გულიც
რომ არა ნაკლებ გაბასრულია!

მაგრამ — მე შენზე ჩავკალი გრძნობა
და სიყვარულიც მოკვდა სრულიად.

წავიდეთ დროა, რაღას ვუცადოთ:

ფიქრები თავში იშლება შავად,

საკმაო არის ჩვენი ბაჰსი, —

დუხქირ წარსულის აღსანიშნავად!..

საღამო გახმაროში

ვდგევარ მთაზე, ნაპრალები ხვეული
მღუმარებენ ქვევით ნისლშეფრქვეული.
ნელი სიო აბრეშუმის ფოთლებში
თითქოს ცელქობს ოდნავ ხმამილეული.

ვით ორბის ფრთა, ხავერდივით საღამო
გაწოლილა ტრამალებში საამოდ,
ტყის შრიალი და ფრინველთა ჟრიალი
გულს ედება სამკურნალო მალამოდ.

დგას სიმშვიდე, როგორც ტბა პირმცინარი,
თითქოს იყოს იგი ბავშვი მძინარი,
მოდის მთვარე და წინ ხვდება შრიალა —
მოსახვევად მხრებგაშლილი ჩინარი...

1952

ტირიფი სოხუმის ბაღში

აზრდილი, ლონთქოშა, მუდამ მოქანავე,
მის გვერდით შადრევენის ჩხრიალებს რუ,
გადაშლილ ღეროებს ტბაში აბანავენს, —
რომელიც ჩუმია და თითქოს ყრუ.

ქალწულის თმებივით დახრილი შტოები
თითქოს ეხვევიან ერთმანეთს ტყედ;
დგას იგი ამაყად, სულ განმარტოებით,
მწვანედ შებურვილი ყოველი დღე.

მის ირგვლივ მიდამო თითქოს ედემია,
როცა აქ მოვდივარ, აღარ ვგრძნობ შხამს, —
შადრევენის ჩხრიალში ხშირად მიგემია,
რომ ღამე ყვავილებს აპკურებს ნამს!

ვდგავარ აქ უსიტყვოდ, თან გრძნობა მერევა,
ულევი განცდების ბობოქრობს ზღვა,
უწინ აქ სხვა იდგა, და ახლა მე ვდგავარ,
გაივლის ეს დრო და, მეც შემცვლის სხვა.

მხოლოდ ეს ტირიფი, მუდამ მოქანავე
შრიალებს, ირხევა ცისმარე დღე,
გადაშლილ ღეროებს ტბაში აბანავენს
და ირგვლივ გულმშვიდად შრიალებს ტყე.

1954

სიჭაბუკის დღეებო

სიჭაბუკის დღეებო,
ნორჩო ალვის ხეებო,
სად ხართ ახლა, მითხარით,
სიყრმის ტკბილო დღეებო!
როცა თქვენი თვალების
ანთებული ალები —
სავსე იყო ხალისით,
სავსე მზის ბრწყინვალეობით!
ნუთუ, ცეცხლი სიყრმისა
მწვავე, თან სახალისო
შეეწირა გრიგალებს,
ჩაჰქრა სამარადისოდ?!
ახლა, ვის გულს ახარებთ,
ვის ფიქრებთან აღამებთ,
ვის უზიხართ, ვის ატკობთ,
დრო-ჟამს ვისთან ატარებთ?
ნუთუ, შვება გაფრინდა,
ცაში მტრედის გუნდებად,
კვლავ აღარ გვინახულებს
აღარ დაგვიბრუნდება:
ჩვენი ძველი ხალისი,
ნაპერწყალი თვალისა,
გულს ჩამწვდომი ნათელი
გავსებული მთვარისა!
სიჭაბუკის დღეებო,
ნორჩო ალვის ხეებო,
სად ხართ, სადა, ხმა გამეთ,
სიყრმის ტკბილო დღეებო!

წერილი ღელას

ძალიან ვწუხვარ, ხშირად ბოღმა ტრიალებს გულში,
აღარ მოხერხდა და ამდენხანს ერთიც ვერ გნახე.
მანდ, ალბათ, ისევ ყვავილობენ: მსხალი და ნუში,
ვაშლის ხეებზეც მხრებგაშლილად ხარობს ვენახი.
დიდი ხანია, დიახ, დიდი, მაგრამ შენ ესეც
გულს ნუ გაგიტეხს, ჯობს გაერთო კობტა სერებით,
ალბათ, ოდესმე, დღეს თუ არა, ხვალ ან ოდესმე
მოვალ და ისევ ძველებურად მოგეფერები!
მე ახლაც მახსოვს, მახსოვს, თუ შენ, როგორ გიყვარდა
ეზო და მისი კონინდარი სუფთა და რბილი,
ანკარა წყარო ხავერდოვან გურიანთისა
და ასწლოვანი კოპიტების ფოთლების ჩრდილი.
დიახ, გიყვარდა, მაგრამ ერთხელ მეც დავბრუნდები,
რომ ვინახულო ჩემი ეზო, წიფლის სერები,
მრავალ ბრძოლებით მოქანცული და შებერტყილი
მოვალ და ისევ გულმხურვალედ მოგეფერები!
შენ ყურს დაუგდებ, გაამება ჩემი ჩურჩული
და უფრო მეტად საალერსო სიტყვები მწველი,
დიდი ხანია, რაც დავშორდი მშობლიურ კერას—
და არ გვინახავს ერთმანეთი რამდენი წელი!
ახლაც მარტო ხარ, მარტოდ-მარტო, მივიწყებული,
მაგრამ გულს მაინც ნუ გაგიტეხს დაცინვა ბედის,
ხარ ასე შენთვის უბოროტო და უწყინარი,
როგორც ყოველთვის გულმართალი ძვირფასო დედი!
მაშ, ერთხელ კიდევ მომაწვდინე შენი ნუგეში,
რომ აღარ მკლავდეს უიმედო სევდის ჩქერები,
თუ ცოცხალი ვარ, დავბრუნდები, ალბათ, ოდესმე,
და ძველებური სიგულწრფელით მოგეფერები!

საღამო ჩემს სოფელში

მოსაღამოვდა, ფრინველებმაც ბინა მონახეს,
შეწყდა ელურტული, ჩადგა ქარი, ცაზე ბურია,
იქით აქარა, ძველი სამცხე ნაპარტახალი,
აქეთ კი მთები, უძველესი დიოსკურია.

გავყურებ არეს და უსაზღვრო მყუდროებაში
ვამჩნევ, რომ ირგვლივ ცვარდაყრილი მინდვრები ბზინავს,
ხან შეძახილი წამოსცდება მთვლემარე ფრინველს
და შემდეგ მასაც ხის ფოთლებში გულმშვიდად სძინავს.

1928

ჩემს ფანჯარასთან

როცა ღამდება, ჩემს ფანჯარასთან
ჩაივლის კრძალვით ახალი მთვარე,
მას უკან მისდევს ერთი ვარსკვლავი
და არ აშორებს ციმციმით თვალებს.

ვარსკვლავთა შორის იგია მხოლოდ
მუდამ მასთან რომ დადის ეულად,
დარსა და ავდარს იტანს წვალებით
და მის ტრფობაში ჩამოლექულა.

მისდევს მგზნებარე თავდავიწყებით,
მაგრამ მის ტანჯვას არ უჩანს ბოლო,
და თავს იმითი თუ ინუგეშებს, —
რომ სხვებზე უფრო ახლო დგას მსოლოდ.

და ასე ხშირად საღამოს პირად,
ჩემს ფანჯარასთან ჩაივლის მთვარე,
მას უკან მისდევს ერთი ვარსკვლავი
და არ აშორებს ციმციმით თვალებს.

/

1948

ზ ა ჰ ე ს ი

აი აქ, ძველად, წარმართულ დროში
იღგა არმაზი — ციშუბის მტერი,
შემდეგ კი, ქრისტეს მედროშე ქალმა
აღმართა ჯვარი და მონასტერი.
სამაგიეროდ წინსვლის დღეებმა
გაწმინდეს გზები უსპეტაკესი
და ძველ დროების შესაჯიბრებლად
ჩვენმა ეპოქამ დადგა ზაჰესი.
იდიდე ზაჰეს! ჩვენ გვიხარია,
რომ აღიმართე კლდესავით უცებ
და მტკვარს მრისხანე ნიაღვარიანს
გაბოროტებულ ქიდილში უძლებ.
ახლა ზეცამაც რომ დაიჩემოს
დარტყმა მეხისა ლოდების მწველი,
შენ მაინც მტკიცედ იქნები, ჩემო,
როგორც უღრეკი და უძლეველი.
და თუ უეცრად დაშრება მტკვარი,
ცა ავი გვალვით შემოგაწვება —
გავიჭრით გულმკერდს ბასრი ლახვარით
და ჩვენს საკუთარ სისხლს მოგაწოვებთ.
მაგრამ, ძვირფასო, მტკვრის ხმატკბილ დუდუნს
მჯერა აჰყვები ხმატკბილებით
და აბოლდები, თითქოს შენც თუთუნს,
სწევდე გულხარბად თუჯის მილებით.
რა იქნებოდა, რომ ამაყ თბილისს
გვერდში არ ედგე რკინის თალებით
და არ გმოსაედეს ამაყად შლილი

შრომის და ბრძოლის ბაირაღები!
მაშინ ეს გული და ეს ქვეყანა
არ იქნებოდნენ წინსვლის მაყრები,
და მეც ოხერი ერთი პოეტი
თქვი რა ჯანდაბით ვიამაყებდი!
იდიღე ზაქეს! ფოლადის გულზე
ველარ გიკბენენ საღამოები,
და როცა ბორკილს აიწყვეტ უცებ, —
ჩემს ოთახშიაც წამს შემოიბრუნ.
თუმცა, შენტვის მანდ უბედურ პოეტს
ერთი ქვაც კი არ მომიტანია,
მაგრამ მე გიწერ სამაგიეროდ
ლექსს წელმაგარს და მაღალტანიანს.

II

დიდება, ქართლო! ეგ შენი მიწა
მაინც კარგია, დაულამავი,
მაგრამ ეს გულში რა ჩამოგიწვა
მტკვრის და არაგვის გადამყლაპავი!
უბედურება ხომ არ გეწვია,
თუ ეს თვით ბედის მოვარდნა არის?
მხნედ იყურება ფხვიერი მიწა,
დინამიტებით გადანათხარი.
მე ვგონებ, გახსოვს მამულიშვილი
აქ, შენს მიწას რომ კუნთით ფოლავდა
და მტრებისაგან გულგაჩეხილი
სამშობლოს მაინც ერტყა რგოლადა.
დღეს კი, ამ ადგილს მზიური ცეცხლი
უცებ აენტო და აბოლავდა
და ჩვენი ერის სადიდებელად
ტივების ადგილს იქერს ფოლადი.
არ გიხარია? მე კი, ძვირფასო,
ვხედავ შენს თვალში რომ ცეცხლი ჰკვესავს
და ჩემგან იგი მოელის პასუხს,

როცა გრიგალის მოესმის კვნესა.
მაგრამ რა ვუყოთ, ყოველმა ხანამ
იცის მსხვერპლი და სისხლის ღვარები.
და საქართველოც ბედნიერია
ზაპესის ცეცხლის აელვარებით.
დიდება, ქართლო! ახლა, რომ ყვირის
შენს მიდამოში ქვა და კირია,
მე მჯერა, ასე უწინდელ დროში
თვით სააკაძეს არ უყვირია.
ახლა, რომ ცეცხლი ედება ქალებს,
გზებს ანათებს და ღრკება მთანია,
მე მჯერა, უწინ ასეთი ცეცხლი
თვით პრომეთეს არ მოუტანია.
ისევ მტკიცეა ეს ჯებირები
მკლავით, გალავნით და საძირებით
და ნიაღვარმა ტურბინებს ფხიანს
გული ოდნავად ვერ შეუღრბია,
რადგან აქ ცეცხლი დაუშრეტელი
არის ჯებირთა მკვრივი კედელი.

III

გაქებ აღგზნებით და ჩემი ქნარიც
გულში ელვარე გრძნობებს ალაგებს
და მეც გიცქერი დაუდეგარი,
როგორც პოეტი და მოქალაქე.
გიმღერი ზაპეს, არა იმიტომ,
რომ დაადულე ქვა და კირია
და არც იმიტომ, რომ ახალშობილ
ბავშვს ალერსი და ნანა სჭირია.
არამედ გიმღერ: ამ მკრთალ ცხოვრებას
შენ გაისროლი ღონივრად ისე,
რომ ყდა ფოლადის ტანსაბურველით
გამოეცვალოს ქვეყანას მყისვე.

მე ვუმღერ ახალ ცხოვრების დუდილს,
მე ვუმღერ ქებას, მაჯას ძარღვიანს,
რომელმაც მცხეთის ქვიანი მიწა
გასკრა წერაქვით და გაარღვია.
და თუ ამ შრომამ მკლავი ფოლადი
დაღალა ოდნავ, დასწვა კანია, —
გული ძგერს მაინც ძალუმად, თითქო
ჯაჭვაწყვეტილი ამირანია.
ილიდე ზაპეს! ახლა რომ გიწერ
ქებითი ლექსს და ვადიდებ შრომას, —
წავლენ დღენი და გული სამიწე
ქების მაგივრად მოგიძღვნის წყრომას.
რადგან თბილისის კრიალა ცაზე,
სად ახლა ფრინავს გვრიტი და გნოლი, —
შენი მოვარდნის შემდეგ ამ ეთერს
შემურავს შავად ქარხნების ბოლი.
ესეც არ იყოს, გრიალა მტკვარი,
ახლა რომ ჩივის ცივი დუდუნით,
რაც რომ გადახდა სულ შენით არი
წელგადაჭრილი, მკერდგაგუდული.
და ამან ახლა, ვით დაივიწყოს
ესოდენ ავი საქმე გრძნეული,
როცა ერთი ღლის განმავლობაში
გყავდა სტომაქში გამომწყვდეული.

IV

დიდება ზაპეს, საქართველოში
შენ აამღერე ქვა და ლოდია
და ახალ ყოფის ერთგულ მედროშედ
ახლა ესენიც მტკიცედ მოდიან.
მჯერა, რომ გესმის ჩემი ქებანი,
ისე როგორც მე, — შენი ყვირილი
და მოხეტქილი ხალხის ვნებანი
შენშიაც უნდა გადმოიღვაროს.
რადგან ეპოქა ლახტის და ხმალის

წარსულისაკენ იცელის ნაბიჯებს
და მის მაგივრად ელექტროს ძალა
შემოქმედების მოედანს იჭერს.
წყველიადო, გული რად არ გიტირის?
გელევა დღენი, შავბნელო ღამევე!
შენ მიდიხარ და ჩვენც გეთხოვებით,
უკანასკნელად იმდერე რამე!
მაგრამ, მე ვხედავ ამიერიდან
შენი სულისთქმა განწირულია,
რადგან სინათლე არ მოერიდა
და ჩაჰკლა შავი ძალა სრულიად.
რით განუგეშო, ჩემო კეთილო,
შენთვის ქებაც კი დამიშურია
და ეს იმიტომ, რომ ჩემ ქვეყანას
მეტი ქმედობის ძალა სწყურია.
თუმცა დარდები გულს სევდას უშენს
არ ვშიშობ მაინც იმედიათი,
რადგან ზაჰესის ელვარე გულში
მე საქართველოს ვხედავ მზიანად.
იდიდე ზაჰეს! ახლა გრიგალიც
რომ ამოვარდეს ქვის გამკენეტელი —
მე მჯერა ისევ იქნება მტკიცედ
შენი წიბო და შენი კედელი.
და თუ მოიჭრა მძლე ნიაღვარი
და შეებრძოლა გვირაბს კირიანს —
შენ დაიყვირებ ისე ძლიერად,
როგორც არავის არ უყვირია!..
და თუ აივსე ტკბილი ალერსით
და ჩვენც მივიღეთ დაიმედება,
შენ აამღერებ უმხურვალესად,
ბრძოლას, წინსვლას და შემოქმედებას.
იდიდე ზაჰეს! დამწველ გრაგანად
უნდა ავარდეს შენი ალერსი;
დე, ამ ჩემ ლექსმაც უთხრას ქვეყანას,
რომ საქართველომ დადგა ზაჰესი!..

თუ განგებამ ინება

თუ ბუნებამ ინება
ცრემლი დაგედინება,
ვერ მიაღწევ შენს მიზანს,
ისე ჩაგეძინება.
შორს წაგიღებს, წაგლეკავს
ქვეყნის მკაცრი დინება,
ჩაეფლობი ჭაობში,
სულიც გაგეყინება.
მაგრამ დრომ თუ ინება
შენი აღორძინება, —
შენი ბედის მდინარე
წალმა იწყებს დინებას,
გულში ვარდ-ყვავილები
იწყებს აბიბინებას,
ამ დროს მტერი ვერაგი,
როგორ შეგერკინება?

1919

ნაღვლიანია სული ჩემი

ნაღვლიანია სული ჩემი, ნაღვლიანია:
ჩქარა, ძვირფასო, ერთხელ კიდევ იმღერე რამე!
დე, შენი ხმების მგზნებარებამ სული გამითბოს,
გადამავიწყოს თუნდ დროებით მტანჯველი ღამე!
თუ სამუდამოდ არ მომკვდარა გულში მიზანი,
ის გააცოცხლებს მიძინებულ მთვლემარე იმედს
და შემარიგებს ამ ცხოვრებას, თან მომწმენდს თვალზე
ურწმუნოების ცრემლს, რომ ასე ჩამოდის მძიმედ.
ნუ, ნუ მომასმენ გესლიან ხმას ცივსა და ბოროტს,
რაც რომ ახლა ვარ, ამის მეტად რა დამაღონებს,
მე შენ არა გთხოვ ტკბილ სიმღერებს, იმას გთხოვ მხოლოდ —
შენ სიმღერაში ჩემი ტანჯვის ხმა გამაგონე!

1919

ბელი ცბიერი

გვეთამაშება ბელი ცბიერი,
ცვალებადია მისი დინება,
ხან თუ გვამხნევებს ხმალმობიერი,
ხან უმოწყალოდ შეგვერკინება.
ბედს — უბედობა მოსდევს ფარხმალით,
დაცემას — კიდევ აღორძინება
და ამდროს ვილაც, შორს ჩვენგან მდგარი
გვიყურებს, ტკბება და ეცინება.

1919

ნებაჲ ბეწვი იყო

ნებაჲ, ბეწვი იყო ჩემი ყურთბალიშის,
ან მიხაყის ვარდი, რომ შეგიგრძნო მარად.
შენი გულისპირი და თვალები გიშრის,
სულში მეშლებოდეს მსუბუქ ყალამქარად.

იცი, რომ მიყვარხარ და ყელს მიჰერ ულოს,
განა, ეგ წამება არაფერი არი?
თუ რომ გული გულობს, ჩემო თაიგულო,
მაინც არ დამტოვებ, რომ მიხილო მკვდარი!

როგორ არ მიყვარდეს წამწამები გიშრის,
როცა გრძნობა თვითონ სუყველაფერს ჰპოვებს,
ვფიქრობ, ძლიერ გინდა, მაგრამ ვილაც გიშლის,
თორემ არ მოჰკლავდი შენ საყვარელ პოეტს!

მოდი ჩემთან, კეთილ სიტყვას მაინც გეტყვი,
ანდა, სულ გამშორდი, ნუ ინებებ ხლებას.
დე, შევიქნე მსხვერპლი ავ წყრომათა სეტყვის,
მე აგრე მწადია, შენ რა გენალვლება?!

მაგრამ ვიცი, ტურფავ, ამას არ ინებებ,
დავცალოთ ეგ სიტყბო, როგორც ორთომელი;
შენ ნორჩი ხარ კიდევ, შენ ჯერ კიდევ ელი
ამ ცხოვრების ყველა გახელებულ ვნებებს!

თორემ ეგ დრო-ყამი, ვით მსუბუქი ქარი
გაიქროლებს უცებ და დარჩები მარტო;

რას გიშველის დიბა, ძოწი, ყალამქარი,
ჩემო სიყმის ერთავ, გულის ანდამატო!

შენ, ვით დარი დარობ, მზესთან შესადარო,
ხშირად იყავ შირა და ყოველთვის — მაზა.
გულის ფართო არე — აკოკრილი თარო
სტავრასავით გშვენის ტანის მოსახაზად!..

1919.

გუშინ ისე მიხაროდა

გუშინ, ისე მიხაროდა უცნაური ხმები,
რომ მე ვიგრძენ სრულყოფა და ძალა უკვდავების,
თითქო ბედმაც გადმომხედა უზრუნველი თვალით,
რომელიც ჩემს თბილ იმედებს უცქეროდა მწყრალი.
ეთქვი: რას ვაქნევ აქ წამიერ სოფლის დღეებს მწარეს!
დაღონებულ მყუდროებას, მივიწყებულ მხარეს,
ეთქვი და წაველ, ჩამოვშორდი სოფელს, კარს და დედას,
და ჩემს კუთხის, ვგონებ ახლა მზესაც აღარ ვხედავ!
აღარ ვიცი ამის შემდეგ, სად წამიყვანს ბედი!
კენება გული, აღარ ცურავს ტბაზე თეთრი გედი,
ხოლო ზევით მკრთალ ტატნობის ლურჯი ცის კამარა —
მოღუშული, მოწყენილი იცქირება მარად.
ვგრძნობ, რომ ახლა სხვა წუთია და სხვა ბედისწერა,
კაემანიც სევდის დაშნით სათნო გულმკერდს სერავს.
და ეს ხმებიც აღშფოთების, ისე მძაფრად ჰქუხან,
რომ უთუოდ დაეცემა ეს ამაყი მუხაც.
ეხ, ძვირფასო, აღარ მესმის სანუგეშო ხმები,
თითქო გული დაიტვირთა ლოდებით და ქვებით,
თითქოს, ის დროც აღარ არის, რაც რომ იყო წინად,
გატყდა გული შემოქმედი, გატყდა როგორც რკინა.
მე დღეს აღარ მიხარია, მე დღეს აღარ ვთვრები,
აღმაფრენა, სიხარული, ლალ იმედის ფრთები —
ძირს დაეშვა მოტეხილი, როგორც ბზის ფოთოლი;
იწვის გემი საყვარელი, ადის შავი ბოლი.

1919

შარაჩოხელი

რას დაეძებ, მე ჩემს დარდებს მივყვები,
გული ჩემი ეგზომ მაინც ღიღია,
რომ მიბრეცო, — მე არ დაგებრეცვები,
ეგ ხელები თოკით კი არ მკიღია!
მე მახარებს კოხტა სუფრა მწვანეზე,
სად ღუღუკის ხმა გაისმის შეწყობით,
ჩრდილში სუფრა, ხოლო ირგვლივ ცხარე მზე —
ამგვარ ყოფას მე ყოველთვის ვეწყობი!
თუმცა დარდი, — ხადაც წავალ თან დამდეგს,
და ეს თავი ასე გაჰალარავდა,
მაგრამ სხეულს იგი რად დალარავდა,
წუთისოფლის მგზავრი ჩემთვის მივდივარ.
არ გეგონოთ ვაჭარი, ან მოხელე,
ვარ მცინარე, იშვიათად მკენესავი,
ტლუ ბიჭი ვარ, — ვინმე ყარაჩოხელი,
ძვალმაგარი და მქუხარე კლდესავით.
ვხედავ, თითქო იმედს გული აკვესებს,
მაგრამ სევდა თავს კვლავ ზევით აღერებს;
კიანურო, იტირე და მაკვნესე,
შენც, მეზურნევე, ნაღვლიანად დაჰმღერე!

ღვინოსა სვამ ხან ჯამით, ხან ჩაფებით,
მსურს, ნუ მიშლით, მინდა შიგ ჩავიძირო!
და როს გულის მოღუნდება ძაფები,
წავალ სადმე, რომ ჩემს ბედზე ვიტყვი.
ტანჯვა გულში კიდევ არ დამცხრომია,
და ამით ვარ მე მარადის მწუხარე,

მაგრამ დარდებს თავი არ დაეუხარე
და ჩვენ შორის კვლავ სასტიკი ომია.
კაეშანი გულს ჯავშანად მოება,
იგი ღღესაც არ მაქვს გამოცნობილი;
ღვინის სმით ნუ გეცოდები, ძმობილო,
ღვინოში ვცვლი სოფლის ამაობას.
არ ვარ მეხრე, არც მთესველი ვყოფილვარ,
რაც ვარ, ის ვარ, ვერ გამომცვლის დროება.
სიცოცხლეა ყველაფერის საწყისი,

სიკვდილია მისი დაბოლოება.

და რად მინდა გავყვე გულის ნაკვესებს,
სევდა მაინც თავს კვლავ ზევით აღერებს,
ქიანურო, იტირე და მაკვნესე,
შენც, მეზურნევე, ნაღვლიანად დაჰმღერე!

ქალო, ვგრძნობ, რომ შენი ეშხი მახელებს,
ახლაც ვუტკეერ მაგ თვალებს და მაგ ხელებს.

დაგიპყრია იალბუზი მშვენებით,

კულულებიც ისე შარიშურობენ,

რომ გულისთქმას ჩემს ისინიც ყურობენ

ნაზი სმენით, კრძალვით და მოსვენებით.

ეს გრძნობა კი ისევ შენსკენ მაქეზებს,

რა კარგი ხარ, ბრილიანტის საყურევე!

შენ ხარ მზისა, — თუ მზე შენს სინათლეზე,

თუ ორთავეს სხვა სხივები დაგყურებთ?!

ნუ მიმატებ, ჩემიც მყოფნის დარდები,

ედემიდან მოტანილო ალვის ხევ,

ნუ ისურვებ, თორემ გულს მთლად დამიხვე,

ხელი რო მკრა, — წყალში გადავარდები!

გული ჩემი შენზე იმედს აკვესებს,

მაგრამ სევდა თავს კვლავ ზევით აღერებს,

ქიანურო, იტირე და მაკვნესე,

შენც, მეზურნევე, ნაღვლიანად დაჰმღერე!

მე, სამხრეთის მზეზე შეყვარებული,

გულალალი, ძარღვში სისხლი ქართული

მიყვარს, მაშინ ყარაჩოხელთ კრებული,
როს კრივშია მადიანად გართული.
იქ ირევა ერთმანეთში ყოველი,
ჭიქა, სუფრა და ლანგარზე ბოთლები;
ჩვენ ამ ქვეყნად ლხინისათვის მოველით,
ტოლუმბაშო, გაგვამხნევე ლოთები!
მუშტიკრივი, შფოთი ჩაუქრობელი,
ზურნის ჭიჭყინს ამკობს ჰარი-ჰარალე,
შხამი არის ჩვენთვის წუთისოფელი —
ჩვენც სოფლისთვის — მარტოოდენ ზარალი.
ისევ ღვინო, ეს ძარღვების მალამო,
ისევ ლხინი, გულის გაალმასებით,
მეგობრებო, გამოსცალეთ თასები,
თქვენც, მინდვრებო, ჩემი გულის სალამი!
უკვე შეწყდა, გული ცეცხლს არ აკვესებს,
კაეშანი თავს კვლავ ზევით აღერებს,
ჭიანურო, იტირე და მაკვნესე,
შენც, მეზურნევ, ნაღვლიანად დაჰმღერე!

ვიცი კარგად, ბოლო ცუდი მომელის,
ბედნიერი არის მხოლოდ ნიავი,
მას ვერ სწვდება სოფლის ცოდვა-სიავე,
არის მკვეთრი და ფრთებდაუდგრომელი.
მისგან ვიცი ქვეყნის საშინელება, —
რომ ის ზღვაა უძირო და მღელვარე,
დროულია სიყვარულით ცხელება,
მეგობრობაც ანგარებით ელვარებს.
და დავდივარ ჩემი თავის ამარა,
ეგ მაზალოც შეკრულია წებოთი,
ამოთხრილი ვერსად ვპოვე სამარე,
თორემ ვფიცავ, შიგ დროზე ჩავწვებოდი!
უკვე შეწყდა, გული ცეცხლს არ აკვესებს,
ეგ ვარამი თავს კვლავ ზევით აღერებს,
ჭიანურო, იტირე და მაკვნესე,
შენც, მეზურნევ, ნაღვლიანად დაჰმღერე!..

ბელურები

მზე ამოდის მკრთალ სხივების მოღუნებით
ზეცა მიწას უხალისოდ ეხურება.
მაინც ტკბილად ჟღერტულობენ ჩიტუნები,
მოკვდავთ სევდა რა იციან ბელურებმა!

რა იციან, რომ არსებობს ჩუმი იქვი
ჩვენს სულში რომ მარადიულ ტანჯვას ბადებს,
მათ ახარებთ ბალში ტოტებშლილი ფიქვი
და პეპლები ყვავილებზე მოფარფატე.

ჟღერტულევენ, ჟრიალებენ ტრამალებში
და ვიშვიშით ჩვენი მათ არ ეყურებათ,
ხიდან — ხეზე დაფრინავენ გამალებით,
მოკვდავთ სევდა რა იციან ბელურებმა!

1919

ლურჯი ფრინველი

სად არის ახლა ის ადგილი, ზურმუხტად შლილი,
სადაც მსუბუქად თამაშობდა ნიავი გრილი,
ლურჯი ფრინველი ადრე დილით მოფრინდებოდა,
მოფრინდებოდა, რომ დაეწყო გალობა ტკბილი.

იქ მე ყოველდღე დავდიოდი უზაკველ რწმენით,
ბალახებს შორის ვსაუბრობდი უცნაურ ენით,
ლურჯი ფრინველის ხმა მესმოდა იმედიანი
და მიდიოდა ასე ჩემი ოცნების დღენი.

მრავალტოტება დიდი მუხა მშვიდი და წყნარი,
იყო იქ მუდამ მოშრიალე, ამაყად მდგარი
და როცა მის ქვეშ ვიჯექი მე ფიქრებით სავსე —
წადველს ფანტავდა ცელქი რხევით საამო ქარი.

იქვის და ფიქრის სამყაროდან გამოქცეული
იქ დაეძებდა მოსვენებას დაღლილი სული.
განმარტოებულს უნუგეშოდ მდიოდა ცრემლი
და ამ ცრემლებში უხალისოდ დნებოდა გული.

მაგრამ, სად არის ახლა თუნდაც ცრემლი წყლიანი,
ან ის ნუგეში, სად ოცნება ჩნდებოდა ტკბილი,

განშორებული მარტობა კაეშნიანი
და ასწლოვანი დიდი მუხის შტოების ჩრდილი!

ლურჯი ფრინველიც აღარ გალობს, ხმა საკვირველი
მაინც სად არის, სად გაფრინდა ლურჯი ფრინველი,
აღარც ის მდელი, აღარც ნამი მინდვრად ციალებს,
ის დიდი მუხაც ჩუმად დგას და აღარ შრიალებს,
თითქოს სატანამ გულმოსულმა შეკრა კამარა,
და ქვეყანაზე ყველაფერი დაასამარა..

1920

მთაწმინდის მთიდან

მთაწმინდის მთიდან გადმოვყურებ ბობოქარ თბილისს,
ნაირფერებით იხატება ერის მშვენება,
ხან აღმაფრენის, ხან ნალველის აღმური მივლის,
აქაც ვერ ვპოვე მე სიმშვიდე და მოსვენება.

თვალწინ იშლება დეაწლმოსილი ერის ცხოვრება,
ძველ ნანგრევთ შორის ახლაც ელავს გამირული სული,
მწვავე წყლულები ყუჩღებთან, ვარამიც ქრება
და კვლავ ირთვება მხარე ჩემი, ვით თაიგული.

აგერ, სულ ქვევით, მიმოხვევით მდინარე მტკვარი
მართალი მოწმე წარსულ წელთა დუხჭირ დროისა,
დინჯად მოღელავს, მოდუდუნებს ტკბილხმა, ნარნარი, ო
ცდილობს გაგლიჯოს კალაპოტი სივიწროვისა.

თავისუფალი ბუნებაა ლაყვარდისფერი,
ფართო ქუჩები შეუპყრია სიცოცხლის ძალას,
ქარხნების შავ ბოლს უერთდება ქალაქის მტვერი
და ეფინება ნისლისფერად დიდუბის ჭალას.

მიყვარს მთაწმინდა, მიყვარს მისი საღამო წყნარი,
უამს მარტოობის აქ ისვენებს დაღლილი სული,
აქ არის ყველა, — წამს იღება მომავლის კარი
და ვხედავ, როგორ ძალუმად ფეთქს სამშობლოს გული!..

1920

მთვლემარე ფიქრით დაჩრდილული
გაყურებს არეს,
ქურდულად აწვდის მკრთალ სინათლეს
ვიწრო სარკმელი,
კეთილ აზრისთვის ბორკილები
ფეხთ შეუყარეს
და გაუხადეს საცხოვრებლად
ოთხი კედელი.

მის წინ იშლება ტანჯვა
აწმყოს და წარსულისა,
გარემოცული ბნელ წყვილიადით,
შავი ძალებით,
გამკურნებელი არავინ ყავს
მძიმე წყლულისა;
შებორკილია ყოველ მხრიდან
რკინის რკალებით.

იყო დრო, როცა მშრომელ მხარეს
დამწვარს, გაძარცვულს
უქადაგებდა ცეცხლის სიტყვით
ძმობას, ერთობას,
მოუწოდებდა ხალხს

ძველ ქვეყნის დანგრევისაკენ
და უნერგავდა გულს მომავლის
სიყვარულს, ტრფობას.

დღეს კი, სიბნელით გარემოცულს
და გულმწუხარეს,
ქურდულად აწვდის
მკრთალ სინათლეს ვიწრო სარკმელი,
მაგრამ მომავლის
საიმედო რწმენა ახარებს:
ბნელ ღამეს შეცვლის
ნეტარების გზით დღე ნათელი.

1920

ბრძოლის ტალღებში

მომავალი გვიდგას წინ სხივმფინარე, დიადი,
ბაირახტრად მოუძღვის ბრწყინვალე განთიადი.

მხოლოდ ჩვენ კი, ხმელეთის ბრძოლის ცეცხლში აღზრდილებს,
ბრძოლა გვითბობს მკერდში გულს და ვიყუჩებთ ტკივილებს.

არ გაქრება ეს ნდომა, არ გაქრება ეს რწმენა,
მებრძოლ გმირს არ უხდება მონობაში მოთმენა!

და ასე წინ, გმირებო, შევეგებოთ მომავალს,
თუ დავეცი ბრძოლაში — მით მოვიხდით ჩვენ დიდ ვალს.

მოპირქუშდი, აკოკრდი, მზეო გაზაფხულისავ!
აბიბინდი, ატოკდი, ბედო დაჩაგრულისავ!

დავანთხიოთ გულიდან შხამი შენაქუჩები,
სიცოცხლისა ელფერით მოვრთოთ ფართე ქუჩები.

ვიშ! აი, იქ სართულში როიალი გრიალებს,
ქვემოთ სნეულ-ეული სიმშილისგან ხრიალებს.

ისმის მტვრიან ქოხებში მაშვრალთ მწარე გოდება,
დასასრული როდი აქვს დღითი-დღე მეორდება:

მწუხარება, ვაება, კენესა, ტანჯვა და წყრომა.
ზევით კი, სასახლეში ზემი და განცხრომა.

დავანთხიოთ გულიდან შხამი შენაქუჩები,
სიცოცხლისა ელფერით მოვრთოთ ფართე ქუჩები.

1920



სიყვარულის გალადა

~*~

სიყვარულს გულით ეფიცებოდნენ,
ლამაზ სიტყვებში დნებოდა სული,
ყრმობის დრო იყო და ამ ყრმობაში
მცირე მიზეზით გაცივდა გული.
და როს ერთმანეთს ხვდებიან ახლა —
თავს არიდებენ ცივ-მოკრძალებით,
აღარ ღელავენ მათი გულები,
აღარ ელავენ მათი თვალები.

იყო დრო, როცა ერთმანეთისთვის
გულცივ-გულძვირი აგრე არ იყვნენ,
წამს ვერ დათმობდნენ და არც შეეძლოთ
ერთად ყოფნით რომ არ დამტკბარიყვნენ.
მაგრამ ახლა, რომ მის სახეს ხედავს,
თავს ეკითხება: ნუთუ, ის არი?
და თუ ის არი, იმ თვალებიდან,
რატომ არ ხვდება მის გულს ისარი?
და ახლა, როგორც ალვისხე ორი,

როცა მათ არხევს შრიალით ქარი,
შორით უცქერენ ერთმანეთს ცივად,
მინდვრის სხვადასხვა ადგილას მდგარნი, —
აგრე ისინიც, თითქო უცნობნი,
დაშორებულნი ამ ვრცელ არეში —
შეურიგებლად, ვით მომღურავენი
ჩაეღენ უსიტყვოდ ცივ სამარეში.

ღამე სიმინდის სარჩევში

რა ღამეა, ცა კაშკაშებს,
კალოს პირად ხარობს გული,
ღრუბლებს შორის, ვით მწვევარი
გარბის მთვარე გათანგული.
იქ სიმღერა, აქ კოცონი
ხშირ-ხშირი და მოჯარული,
ურმები და ავტოები,
თან ყანები მოჩალული.
აგერ, ღველფის პირად ჰყრია
კვახები და ხაპერები;
სიმინდების ჰყინტი ტარო
ნასათუთებ-ნაფერები, —
იწვებიან ცეცხლის პირად,
იბრაწება ბწკარზე-ბწკარი,
კოცონების მიბნედილ ცეცხლს
აძლიერებს შუქი მთვარის.
ხოლო აქეთ, ნალიასთან
სპილოსფეხა ბოკონები
დგანან ბურჯად, იქვე ახლო
ვაყები და გოგონები —
წვავენ სიმინდს, თან ჰიქებიც
მაჭრით სავსე იცლებიან,
სიმინდს წვავენ, მაგრამ ტრფობით
თვითონ უფრო იწვებიან.
მეც აქა ვარ, ჩემს ტრფიალთან
ფუჩეჩ-ფუჩეჩ ვისვრი ტაროს,
შემწვარ სიმინდს შევექცევი,

რომ მით უფრო გავიხაროთ.
ხან ის მაწვდის, ხან კიდევ მე,
თავზე გვათოვს შუქი მთვარის,
ერთი ბწკარი მან ჩაკბიჩა
და მე კიდევ ორი ბწკარი.
მან კვლავ სცადა, მომაწოდა,
მეც ჩამოვფშეენ ერთი ღარი,
მარცვლებს წითლად შებრაწულებს
ასდიოდათ ორთქლის ღვარი.
ის სულ ახლო მოდის ჩემთან,
ახლო მიდგა გულთან გული;
სურვილს უფრო მიმატებდა
ცქერა ოდნავ გაბედული.
მისი ჩუმი, ხავერდის ხმა,
ჩემს ყურებთან ღულუნებდა,
ურმებზე კი, გოდრების ხმა
ქუხილივით გუგუნებდა.
ბოლოს, როცა რჩევას მოვრჩით —
გაიმართა განდაგანა,
ზოგი წინ და ზოგი უკან
ზოგიც კალოს თავზე დგანან;
და როდესაც მთვარე ოდნავ
კუზიან მთას მიეფარა,
ჩემი ტოლი, გულის სწორი —
ფეხაკრეფით მომეპარა, —
მომაწოდა კიდევ ერთხელ
ქყინტი ტაროს ერთი ბწკარი,
ბწკარს მე პირი ავარიდე
და მის ტუჩებს დავეკარი.
ის მყის შედგა, მეც გავქვავდი,
თითქოს გული გაიყინა,
თრთოდენ, ქუხილს აპირებდენ
ბაგეები პაწაწინა.
— ოხ, ეს რა ჰქენ?! — ეს თქვა მხოლოდ
და იმ წუთში კალო, ყანა,

მიატოვა გულმოსულმა
და შინისკენ გაექანა.
ო, წავიდა, მე კი დავრჩი
იქვე, ობლად, გულმოკლული,
ალარც მთვარე ანათებდა,
ალარც მკერდში ძგერდა გული.
და მეგონა ეს ქვეყანა
იყო ჩემთვის დაკარგული.
ასე მიდის, რაც რომ ჩვენთვის
ქვეყანაზე ძვირად ფასობს,
ზოგს საწუთრო ტკბილად ალხენს
და ზოგს გულში მახვილს ასობს.
და მას შემდეგ სულის სწორი
საავდარო ღრუბლის დარად
გაპირქუშდა, და იმ დღიდან
ჩამომშორდა, გამეყარა.
ალარ მხვდება, პირს მარიდებს,
აიყარა ჩემზე გული,
გამწყრაღია, შორისშორს ვართ,
ბავშვებივით გაბუტულნი.
ის კუშტად დგას, ქედს არც მე ვხრი,
თუმც ორივეს გვინდა ხლება,
ისე მტკიცედ, ისე მძაფრად
ზვირთი-ზვირთს რომ შეეხლება.
და ჰა, ახლაც იმ ფიქრში ვარ,
მაგონდება მე ის ღამე,
როცა მთვარე ანათებდა
ვარსკვლავებით მოკამკამე.
კოცონები, ღამის თევა
და ღიმილი სავსე მთვარის,
შებრაწული სიმიინდები
და შავი ზღვის ნიავექარი.
ის კი, თითქოს ახლაც აქ დგას,
არ ერევა არცერთ წყვილებს,
დგას ჩუმად და შემწვარ სიმიინდს

თითქოს ახლაც ანაწილებს.
და სურს მოსვლა, მომეახლოს,
მეც გავუღო გულის კარი,
განვაახლოთ ძველებურად
ჩვენი ტკბილი საუბარი.
მაგრამ გული, ეს ოხერი,
სიამაყით სავსე გული,
განა ვისმეს შეიცოდებს?
მან არ იცის სიბრაღული!
და დავშორდით ასე უღვთოდ
ჩვენ ერთმანეთს ორი გული,
როგორც ცუდად შეკონილი
ყვავილების თაიგული...

გამოთხოვნის სამძივარი

სალამო იყო მშვენიერი. გავსილი მთვარე
ზედ დანათოდა არემარეს
მკრთალი ნათელით —
და ლამაზ ჩრდილში ხვევდა
ჩუმად მძინარე მხარეს
გედისებურად მოღერილი
მთაწმინდის ყელი.
ამ დროს, ჩვენ ორნი,
მხოლოდ ორნი, ვიყავით ერთად,
სრულიად მარტო,
განშორებით ვისხედით ქუშად, —
შენ მდიდარი და ჩემზე უფრო
ცნობილი ქალი,
მე კი, უბრალო,
ჩუქურთმების მკვეთელი მუშა.
მიყვარდი ძლიერ,
მაგრამ ვგრძნობდი იყო სიშორე
მე და შენს შორის,
მეგობარო, ისე ძლიერი —
რომ ჭაბუკ მუშას
მიკარგავდა გაბედვის უნარს
სანდომიანი შენი სახის სიმშვენიერე!
კარგად გამჩნევდი სითამამეს,
მოგწონდა ვიგრძენ —
მხოლოდ ხუჭუჭი შლილი თმები შავ აბრეშუმად;
მიცქერდი თვალში გაბედულად

და მეც გიცქერდი,
ვიყავით დიდხანს ასე ორთავ
უნდოთ და ჩუმად!
რამდენი ღამე ჩვენ ამრიგად გვიტარებია,
გითქვამს შენ ჩემთვის, სასურველო,
რამდენი რამე!
მაგრამ სხვა იყო უცნაური და მიმზიდველი
უქანასკნელი უბედური შეხვედრის ღამე.
და მეც გავბედე რაინდული ფიქრი ამაზე —
ჩემ საყვარელ ქალს,
თუ რა ხერხით მოვინადირებ: —
როცა ის არის თამამი და მეტად ღამაზი.
და თვალებიც რომ უგავს ქურციკს,
უცოდველ ირემს!
ვიყავ ამ ფიქრით
დატვირთული და უზრუნველად,
ქვევით მოჰქროდა მტკვარი ზათქით
ზვირთებმქუხარე,
უიმედობის კაეშანით დაღონებული
გიცქერდი თვალში, და შენც
თვალში მიცქერდი მწარედ,
უცებ მოგკვეთე სალი ქვისგან
ძეგლი, რომელიც —
იყო პატარა, უცნაური;
როგორც რომ ბედი,
და შიგ, ამ ძეგლში ჩავატანე ყველა ტანჯვები
და აკვნესება სასიკვდილოდ დაქრილი გედის.
ეს ძვირფასი რამ, ჩემი ხელით ნაქანდაკევი,
მოგართვი დილით
გატაცებულ ვნებების მონამ,
და რა შეხედე, იმ წუთშივე მიგიხვდი უცებ —
არც ერთი ხაზი,
და თვით ძეგლი არ მოგეწონა.
ავლელდი ძლიერ,
და საშინელ ამდულარებით

ფეთქავდა გული,
უნებურად ელავდა თავშიც,
გაწამებულმა
და უბედოდ დაწუნებულმა
მე არ ვიცოდი,
თუ ესეც ბევრს ნიშნავდა მაშინ!

ვიყავ დიდი ხნით მოწყენილი,
მწუხარედ ასე,
გულში მეწოდა იარებად სევდის ჩქერები,
და მსურდა ახლა,
რომ მიმეპყრო ხატება შენი —
ჩემივე გულის სხვა ეშხით და სხვა სიმღერებით.
ხელში ავიღე მეტ-სიფრთხილით
წკრიალა თარი,
თითები მძაფრად
რომ შეეხენ მიზრაფით სიმებს,
იმ წუთში ვიგრძენ,
რომ შენს სახეს გადაეფარა
ქუფრი ნაღველის უნიათო ხაზები მძიმე.
და მე დავლონდი...
აკენესებულ თარის ტირილთან —
ვიწყე ქვითინი,
თითქოს ვიყავ ობოლი ბავშვი...
გაწბილებული და უბედოდ დამცირებული
რას მივხვდებოდი
თუ ესეც ბევრს ნიშნავდა მაშინ!

მე არ ვიცოდი, რაღა მექნა,
რით მომეხიბლე,
რით ვყოფილიყავ შენი გულის
სანდო მსახური;
და ერთხელ დილით,
სულ უბრალო, სრულიად მცირე
შემოგთავაზე მოკრძალებით მარჯუნის საყურე.

ჯერ გაგიკვირდა,
გადახედე თვალს საყურისას,
და რომ ზედ ხარბად
დაამტერდა თვალების ჩერო,
შენ გულს მიმიკარ
და მითხარი ტკბილი ღიმილით:
„ო, რა კარგი ხარ,
ქვირფასო ჩემო“!
მე ვერ გავიგე შენი ქცევა ეს უცნაური,
აღბათ, ვიყავი მაშინ კიდევე უჩვევი ბავშვი.
ასე ერთთავად,
ერთი თვალთ მოწონებულმა —
მე რა ვიცოდი,
თუ ესეც ბევრს ნიშნავდა მაშინ!

გავიდა ხანი,
ჩვენ დავიწყეთ ცხოვრება ერთად,
და მიდიოდენ უფერული დღეები ასე;
გვქონდა წუთები ერთნაირად ჩვეულებრივი
და სამღურავი არ გვეთქმოდა ამ ცხოვრებაზე,
მაგრამ ვხედავდი, ის არ იყო რაც მე მინდოდა.
ცივი სამარე საუბრობდა ყოველ შენს ხმაზე.
დიდხანს ვეძებე, მაგრამ შენში ვერ ვპოვე ოდნავ
ვერც სისპეტაკე, ვერც ხალისი, ვერც სილამაზე!
თუმცა არ გაკლდა მოხატული
თვალი და ფერი,
წარბებიც რბილი, ბროწეულის
შოლტებად შლილი,
გიმკობდა გულმკერდს
ორი კულა სადაფისფერი
და შუბლს თმა გიშრის
საკეკლუკოდ გადმოფენილი.
მაგრამ არ იყო მეგობრობა, კვდებოდა გრძნობა,

მიმზიდველობა ვნებებისაც არ იყო მკვეთრად,
და მე ვიგრძენი სისაძაგლე ამ ცხოვრებისა
როცა ერთ ჰერქვეშ იმყოფება
უცხონი ერთად!

შენ ვერ ისწავლე ჩემს მტრებთან ბრძოლა,
ველარ შეიძლე შენ ვერც დედობა,
და მეგობრობა სად მჭირდებოდა
იქ შენი ოდნავ არ მქონდა ნდობა.
თუმც იყავ ხშირად ბრძოლაში ჩემთან,
იქ, სად მრისხანე ქარბუქი ჰქუხდა.
ენტო ხანძარი — გულშემზარავი
და ზუზუნებდენ ტყვიები ყურთან.
მაგრამ, როდესაც გრიგალი ჩადგა.
და ცა სხვაგვარად გადაისუდრა —
შენ ჩამომშორდი, როდესაც დაღლილს.
მყუდრო ბინა და ალერსი მსურდა.
ღიახ, წადი და თან წარიტაცე
სუყველაფერი — დღენიც საერთო:
არ არის ძალა ჩვენ შეგვარიგოს.
და მით უმეტეს, რომ შეგვავართოს.
კმარა, რაც ენთო და რაც ეწვალა
უმსგავსობა უფერულ ფერთა.
აწ. არ იქნება ტანჯვა სულისა,
როს არ ვიქნებით უცხონი ერთად.
და ვით ორი კლდე მდინარისგან
მკერდგაგლეჯილი,
მოჩანს ნაპრალთა საშიშ სიღრმემდე.
ისე ჩვენც ახლა, უიმედოთ დაშორებულნი
ვართ სიცოცხლეში — სიკვდილის დღემდე!

სოფლის ბალადა

ღამეა, ჰყინავს ალაბი თოვლი,
გულშემზარავად ტრიალებს ქარი.
ის არ იღლება ქვეყნების მოვლით,
არის მეხივით დაუდგარი.
მის ქვეშ ზანზარებს გაშლილი ბარი.
თან იღუნება მთების ორწოხი.
თოვლის ქულა სქლად გადანათარი
ისევ წელმაგრად დგას გლეხის ქოხი.

ქოხში ჩოჩქოლი, ნახევრად ბნელა.
და, ახალგაზრდა ყმაწვილი ქალი —
გიტარის სიმებს აუღერებს ნელა
თვალეზგიშერი, გულმკერდფიქალი.
თან მღერის ეშხის გრძნობებით მთვრალი.
ქოხის კედლებს კი, მოკდელს ჩიხით,
რომელსაც შვენის ნაქარგი ხალი —
ჰკიდია რქები: ირმის და ჯიხვის.

ყმაწვილო ქალო, რად შეაჩერე,
დე, იწკრიალოს სიმებმა ისევ!
ნუ დაადუმებ გულს ანაძგერებს,
შხამნაწვეთ დარდებს ნუ შემომისევ!
დაუკარ, ჩქარა, დაუკარ, მყისვე,
სანამ სხეულში ცეცხლი ანთია;
სანამ ჯერ კიდევ ეს სიხალისე
აღმოდებული განთიადია!

ბედი ცბიერი, თუ ღღეს დაგცინის,
გული ხომ მაინც არ დაიშანთა?
აღმოდებული ვნება და ყინი,
რომელიც ღღემდე შენთვის არ ჩანდა —
მოვარდა უცებ, მოგხვია კალთა
და რაღას დგახარ — შორს გარინდებით,
ჩამოიხადე ადათის ფარდა,
მომხვიე მძლავრად ბროლის თითები!

მჯერა, კარგია მშობლების კერა,
გულს სიხარულის სხივებით ათბობს;
ზიხარ, გიცქერენ. შენი სიმღერა
ხიბლავს. იტაცებს ახოვან სატროს.
შენს გულსაც მისი ალერსი ათბობს!
მაგრამ სულ სხვაა გულისთქმა ცხელი,
და შენც სულ სხვა ხარ, ძველო ადათო!
რა დროს ეგ არის. მიეცი ხელი
სიძეს სიწითლე სახეზე ათოვს.

და მობრუნდება ამაყად სიძე
ყელმოდერებით. როგორც რომ შველი;
ხედავს, ღღეს ახალ სიცოცხლეს იძენს,
ხელში უპყრია დაუწურველი
საცოლეს ჩვილი, ფაფუკი ხელი.
და ფიქრობს, ერთხელ მაინც აკოცოს.
რადგან გრძნობები გიყი და ცხელი
აღვიძებს ტანში ჩაუქრობ კოცონს.

ზე წამოდგება მამა კეთილი
და მოკრძალებით დალოცავს შვილებს.
დედა კი, თითქო მუხლმოკვეთილი
სახეს იხოკს და ძალ-ღონეს იღვეს.
იწყვეტს ქობაზეც ღირკილს და ღილებს,
ქმარი კი ეტყვის: ქალო, ნუ ჯავრობ,
ანდა, რა შენი ცოდვა გაკივლებს,
ვითომ, რა უქირს უღვდვლოდ, უჯვაროდ?!

თანხმდება დედაც. ლოცავს. არიგებს
ტკბილ იმედებით შეუღლებულებს:
„იცხოვრეთ შრომით და სიღარიბე
რას უზამს სისხლით ანთებულ გულებს!
გწამდეთ თანხმობა. თან სიერთაგულე,
გაჰყევით მტკიცედ გულისტქმის ჯირითს —
და ვერ დაგაკლებთ სიკეთეს უღევს
კარზე მომდგარი ურვა და კირი!“

ქონში კი, ისევ გრძელდება ლხინი
და ფერადდება ჯმუხი ბუნება.
მწყობრი და ნელი ტკბილი ღიღინი
გულს სამკურნალოდ ესალმუნება.
იღვიძებს შფოთი, თან მოდუნებას
სურს თავის ძალა წარმოადგინოს;
ზოგს ეკარგება თრობის გუნება,
მაგრამ რას იზამს, მაინც სვამს ღვინოს.

ცეკვა, ჩოჩქოლი, ბუქნა და მღერა
ჩაღდება უფრო მხურვალე ტაშით.
მწვადი, მწვანილი და ტკბილისკვერი
როდი იღვევა უზუნდარაში.
დუმს მერიქიფე, სმის მოდარაჯე,
ზვერავს, ვით ქურდი ყველას მალულად,
აკარწახებულ მუქი ფარაჯით
დადის და დააქვს ყანწი და კულა.

- სცეცხლე, ეგ არის ძარღვების ზეთი
და მოქეიფეც ზედიზედ ყლაპავს.
- ჰა, ბიჭიც სწორედ უნდა ასეთი
ერთ ქვევრს დაღევს და პირს არ დაღაფავს!
- ხედავ, დავცალე, სხვა რაღა გიყო?
- გენაცვა სულში, ალალი იყოს!
- მაშ, ალავერდი შენთან ვარ, მიხო!
- კარგი, შენც ერთი, რა დროს ეგ არი,

იმდენს ვსვამ ლამის კუჭი გავიხმო!
— უ, რა ბიჭი ხარ, შე სახეძაღლო!
აქ მო, ტოლუმბაშს მოუჯექ ახლოს
და გადაჰკარი ყანწიც და კულაც,
თან მოიხსენე ბახუსის მადლი,
თორემ ჩემმა მზემ ყურებს აგათლი!
და სცემს ხმაური, გრგვინვა ზღვაური,
თითქო ცა სწყრება, თითქოს ჟამია —
ისე გუგუნებს: მრავალჟამიერ.

თამადა ამ დროს დგას, როგორც ქვევრი:
სტომაქში მიდის კახურის ღვარი,
თავის საქებად დალია ბევრი —
მაგრამ ჯერ კიდევ „მთვრალი“ არ არის!
თუმცა გულში ფეთქს ცეცხლი ღაღარი:
თვალეზსაც უკვე ჩაუჭრა სხივი
და მოღუნების ნიშნის სადარი —
სდის შუბლზე ოფლი ცხარე და ცივი.
ზოგი იძახის თავისთვის მხოლოდ:
— ჰმ, ვინ მიჰქარა. არა ვარ მთვრალი!
ყანწების ჯირითს აღარ აქვს ბოლო,
ახლა ჯამებმაც იწყეს ტრიალი.
ჩხუბი, გინება, ხანჯლის პრიალი,
— გამიშვით, მოვკლავ! — და ხმაღს უღირებს.
მოპირდაპირემ შეჰქმნა ღრიალი:
— გზა დამიცალეთ, ყოფას ვუტირებ!
გრძელდება კიდევ აურზაური
და აიშლება სულ მთელი სეფა,
ფანტასტიური და უცნაური
ღამე, ყინვა და ძაღლების ყეფა.
ავყია ქარიც კარს ენარცხება
და დაჰქრის ყველგან, როგორც აფთარი;
ხან ღრუბელთ ქულას მოაფრენს წყებად.
ხან სტირის, როგორც სიმები თარის.

ბნელა, სიჩუმე, სძინავს სუყველას,
ხოლო ქოხზე სქლად ნაყარი ისლი
დროგამოშვებით შრიალებს ნელა,
როცა აწვება ქარი და ნისლი.
გიტარის ჟღერაც შეწყდა, არ ისმის,
არც სირინოზი სასიმღეროსი;
უკვე იღვიძებს ვნება და სისხლი,
უკვე მოქმედობს ცხელი ეროსი.

მეფე და კოეტი

დიდი სასახლე მოქედილი
ძვირფასი თვლებით,
ანათებს ტახტი, როგორც დილა
ბრილიანტებით.
ფარჩა, ზარბაზი, დიბა, ნოხი
მრავალნაირი,
ზოგი ბალდადის, ზოგი ნუხის,
ზოგიც ქაირის.
ელავს კედელი, როგორც მდელი
ნაირ ხალებით,
სხედან ორმწკრივად საქართველოს
ამორძალები.
აქ არის ცეცხლი, ვნების ცეცხლი —
მწვავე და ცხელი,
ძვირფასი თვლები, ოქროვერცხლი
აურაცხელი.
ტკბილი მუსიკა და გრძნეული
ქართული თარი,
ატლასები და ფარჩეული
მრავალი გვარი —
ელავენ ისე, ვით უბრწყინავს
ფრთები ფერიას,
ამის გარეშე აქ სიცოცხლე
არაფერია.


ვის მოელიან, რომ მზადება
ასეთი არის?
იქნებ, ამალით მობრძანდება
შაჰი ირანის!
იქნებ, ხონთქარიც მოისწრაფვის
გულის ღრმა ძვერით,
რომ აქ გაერთოს ბანოვანთა
ცქრიალა ცქერით?!
მაგრამ ო, არა, აქ ზეიმი
სულ სხვაგვარია,
უკრავს მუტრიბნი და ხმამძიმედ
სტირის არია.
ნაზირ-ვეზირი თამარ მეფის
სულ აქ არიან.
ჩქექს შადრევანი ვერცხლის შხეფით
თითქოს ცვარია.
იღება კარი, მოდის თამარ
მზის ბრწყინვალეებით.
ცელქად ელავენ და თამამად
სათნო თვალები.
უკან მოჰყვება რუსთაველი,
ყმა ეშხნაკრავი.
ისმის მუსიკა, ხმები მწველი,
თარსაც უკრავენ.
მოცეკვავენიც ტანსაამოდ
ემზადებიან,
რომ ფხიზლად შეხვდნენ ამ სალამოს
ცხელს და ვნებიანს.
დიდებულები და ფარეშნიც,
მთელი ამაღა
აქ არის, ზეიმს მათ გარეშე
როდი აქვს ძალა!
ბოლოს, წამოდგა თამარ, გვიან
მწველი იერით,

ოქროს დარბაზში მოაფრქვია
სიმშვენიერე.
და ყრმას, რომელიც იდგა იქვე
ეშხით დამთვრალი —
მან გადახედა ანთებული
ვნებიან თვალით.
უთხრა: — „ქება და შესხმის სიტყვა
ბევრი მსმენია.
ჩემს ხელმწიფობას შეხებია
შენი გენია!
მსურს მოვისმინო, მაშ დანიწყე,
ნუ გერიდება,
თუ გულს ეამა, ვფიცავ გვირგვინს, —
გელის დიდება!“
ჰკადრა პოეტმა: — „დიდებულო,
მეფეთ-მეფეო,
ეშხით დამთვრალმა უნებლიეთ
დავიყეფეო.
მოვსულვარ შენთან და მსაჯულიც
შენ იყავ, მზეო!..“
თქვა ეს გრძნობით და წაიკითხა
მთელი პოემა, —
ახლა იმისი მსგავსი ძვირად
მოიპოვება.
თვით კი, კვლავ ფეხზე იდგა, როგორც
ირემი მთისა,
შუბლზე ეფინა აღმაფრენა
და სიხალისე.
უკვირდა ყველას, თვით თამარის
ამაყი გული
ღელავდა, ვით ზღვა ბობოქარი,
აზავთებული.
მაგრამ ჯერ იდგა მღუმარებით,
ვით მთაში ღვია,

დუმდა, სიჩუმე აქ ვერავის
 ვერ დაერღვია.
 ბოლოს, ისევ მან მოიღერა
 ლამაზი ყელი,
 თავის ტახტისკენ მიიწვია
 ყრმა საყვარელი.
 და იმის ნიშნად, რომ მოსწონდა
 ტკბილი შაირი, —
 პოეტს აჩუქა საბოძვრები
 მრავალნაირი.
 უთხრა: — „კაბუკო. ნუ მომაკლებ
 ლექსებს ტკბილზმიანს,
 ჩემი სასახლე შენთვის მუდამ
 იქნება ღია!
 და, რადგან ამგვარ ნიქს მადლიანს
 კიდევ არ ველი —
 ამიერიდან მე ვიქნები
 შენი მფარველი!“
 უთხრა ეს ვნებით და მხურვალედ
 შუბლზე აკოცა,
 მწველი ნაპერწკლის ისარი ჰკრა
 ანთებულ კოცონს.
 პოეტმაც ველარ მოითმინა
 და მოეხვია.
 თითქოს შეერთდნენ ერთი წამით
 დეკა და ღვია...
 ისევ თამარმა იგრძნო ბოლოს
 შეურაცხყოფა.
 კეთილ სახეზე ახლა რისხვა
 აენტო ცოფად —
 და სათნო პოეტს, რომლის გული
 დასერა ღამემ,
 ჰკადრა სიტყვები საყვედურის,
 აღსავსე შხამით.

განრისხდა ახლა თვით პოეტის
 ამაყი გული,
 ვით ზღვა აედარში ქარიშხლისგან
 აქაფებული:
 და ამდროს მისი აღელვება
 გრძნობა ზღვაური,
 იყო სათუთი, მიმზიდველი
 და უცნაური...
 — „მშვიდობით ჩემო, მე მივდივარ.
 მომეცით ხელი!
 მე ამის შემდეგ ვერ მიხილავს
 სამშობლოს ველი!
 ვერც ეს ძვირფასი გიშრის თვალნი
 ცოცხალს მნახავენ,
 დავშთები ასე, უტირებელ
 დაუმარხავი!
 თვით მოგონება ჩემზე ალბათ
 დარჩება ტკბილი.
 რომ ეს თვალეები ცრემლით დალბა.
 გული — სახმილით!
 გადაკარგულის გულს შებოჭავს ---
 სევდის ქამარი,
 ველარც სამშობლო გამახარებს,
 ველარც თამარი!
 და რაკი ვხედავ შენს გულს ახლა
 თავს ვერ ვაფარებ.
 სხვა ქვეყანაში გამეთხრება
 ბედკრულს სამარე!
 მშვიდობით, ჩემო, ეს ოხვრაა
 უკანასკნელი,
 აწ: არ იკვნესებს რუსთაველის
 ჰანგები მწველი!
 დაიმტკრა ჩანგი და უეცრად
 დაწყდა სიმებიც.

შორს გადაფრინდნენ პოეზიის
სერაფიმები.
რადგან სიტურფემ ეშხის ძალა
მოიგერია, —
კმარა, ძვირფასო, რაც რომ შენთვის
მე მიმღერია!..
აწ, ვერ იმღერებს ალტაცებით
პოეტის ღირა,
იგი უფსკრულში გადავარდა
და ჩაიძირა.
კმარა, ძვირფასო, მე მივდივარ,
ღმერთო, შენ მიცავ! —
მშვიდობით, ჩემო საყვარელო
სამშობლო მიწავ!..“



შირაჰიანი

1

ჩემო ძვირფასო, კახეთო,
ველებო ნარიყალაო,
ჯეირანების სანუკრევ.
გზადაგზა ხმელო ჩალო,
შიგ ფრთხილად მძრომო დურაჯო,
ტურფაო. ქალისთვალაო.
აქეთ — გრილა შირაქო,
იქით — ალაზნის ქალო,
ამდენხანს შემონახულო —
ნავთის ბრდღვიალა ძალო!

2

ქაბურღილების კოშკებო,
ცამდე გიწვდებათ წვერები,
თავზე გადგიათ ჯარადა
ვაუკაცნი მკერდმოღერებით.
ბურღი, როცა სჭრის ქვესკნელსა
ისმის გრიალი ძგერების,
მოდის და მოდის გამდნარი
ქვიშა სხვადასხვა ფერების,

დღეცა და ღამეც ფხიზლად დგას
მზით გადამწვარი სერები.

3

ღამეა, მთვარის შუქზედა
ბრწყინავს ყინული მინებად,
ქვევით კი, ისმის ჩხრიალი —
ნავთის მილებში დინება,
ბურღი სჭრის და ხრავს კარჩხალებს,
ჩასჭრის და ჩაერკინება,
აგერ მზემ წვერი ამოყო
და გაღვიძება ინება,
ჯერ გადახედავს ტრამალებს —
და მერე გაეცინება.

4

თუმც თოვლი სტირის ლანქერად,
ქარი მაინც ქრის საზარი,
კაბურღილებზე კოშკების
არის რყევა და ზანზარი,
მაგრამ ბრძოლისთვის ამდგარი
უკვე მუშებიც მზად არი.
დაჰკრეს, ჩაჰკაფეს ფერღობი
ზრაოკ-უღაბნოს სადარი,
მიწა ძვრიალებს შეტევით,
მოდის ღვეღვების ლადარი.

5

სალამი, თქვენდა გმირებო,
სალამი, თქვენდა მზიანი!
თქვენსკენ მოვქროდი იმედით,
როგორც ისარი ფრთიანი,
გამოვიარე მინდვრები,
ქედები უღრან-ტყიანი,
თქვენ კი, აქ ებრძვით მიწის კულს,
როგორც ჯიხვები რქიანი.

ჩასქერით, ჩააგრიალეთ,
მთების გულ-მკერდი ქვიანი!

6

რომ ნაცვლად მგელთა ყმუილის
ქვესკნელის მესმას ხრიალი,
ჩარხის უკუღმა ბრუნვამა —
წაღმა რომ იწყოს ტრიალი,
რომ ხმაურობდეს მუდმივად
მთებიც კარჩხალა, ტყიანი,
არსაით იყოს წუხილი,
ალარც გოდება ტიალი,
ხალისის ცეცხლი გვდაღავდეს:
ნდობით, გრძნობით და გრიალით.

7

აგერ, აი იქ, ბექობზე
კოშკი დგას რკინით ნაგები,
რკინით ნაჰედი ბოძებით
და რკინისავე თაღებით...
შემომცქერიან ქუშადა
ქვარტლის და კუპრის დაღებით.
ბურღი მიმედ სჭრის ყამირსა —
ცახცახით, ათახთახებით,
ზედ ახვევიან ჯარადა
ვაჟკაცი ამხანაგები.

8

და, როცა ასე შრომობენ,
მზეც კუნთებს ელამუნება,
აქებენ ცისკარაულსა
აქვსო ვაჟკაცის გუნება,

ჭირში არ იცის გატეხა,
არც შიში, არც მოღუნება,
მუდამ სიცოცხლით სავსეა
მისი ბავშვური ბუნება,
დღეცა და ღამე ტრიალებს,
წელშიაც არ იღუნება.

9

ენახე ევ ტანბრგე ვაჟკაცი
ლაღარ ცეცხლივით ღვიოდა,
სჭრიდა და კვეთდა მიწის გულს,
შუბლიდან ოფლი სდიოდა;
მოტორი იდგა გრიალით,
მიწა ყამირად ღიოდა,
მწვავე ცეცხლს ჰყრიდა სატეხი,
ფხას ნაპერწკლები სცვივოდა,
ტინი გაეხრა და მაინც
უვაჟკაცობას ჩიოდა.

10

„შაბაში“ არის, მუშებიც
სხედან ჯარად და ჯარადა,
ამ დროს კი, ცისკარაული
ზის ჰაბურლილთან წყნარადა.
მივუახლოვდი, წამოდგა,
რალაც ნაღველსაც ფარავდა,
ვთხოვე და მანაც მიაშბო
თავის წარსული წყნარადა,
ირემი მთასა მყვირალნი —
თუ რამ მოაგდო ბარადა.

დაიწყო და მოყვა წყნარად,
 მეც ვუსმენდი გულისყურით,
 იდგა მთებზე დახვეული
 ნისლები და შავი ბური.
 თითქო, კიდევ შვენოდა მთებს
 ეს შავლეგა მოსახური.
 ის კი, ისევ განაგრძობდა,
 ყურთან რეკდა სიტყვა თქმული,
 მაგრამ, როცა განცდილ ამბებს
 მოხვდა მწარედ კაცის გული —

12

მაშინ სახეც შეეცვალა
 თვალს მოედო ცეცხლის ალი,
 — მე მიყვარდა, — თქვა მან ბოლოს —
 მეც მიყვარდა ერთი ქალი,
 ნუ დამცინებ, განა ცოტა
 არის ქვეყნად ეშხით მთვრალი?
 დიახ, მეც ეს სენი მჭირდა,
 მწვავე ცეცხლში დნება რვალიც.
 ო, მას ვამბობ, რა თქმა უნდა
 მეც მიყვარდა ერთი ქალი.

13

მასაც ჩემებრ სწავდა ვიცი,
 გულს უღუღდა ცეცხლის ალი.
 მინათებდა, ვუნათებდი,
 ვით ღამეში მთვარე მცხრალი,
 ჩოხა მეცვა მოოკვილი,
 და ზედ მერტყა ბასრი ხმალი,

აყვავებას რაღა მიკლდა,
ცხენიც მყავდა — ქორებრ მალი,
ო, მას ვამბობ; მას ვუყვარდი,
მეც მიყვარდა იგი ქალი.

14

მაგრამ ქალის მშობლებს ჩემი
არ მოსწონდა სახლი, კარი,
მათ სხვა ყავდათ არჩეული,
გოროზი და თან მდიდარი;
გაფრინდაულს ეძახოდენ —
ასე იყო მისი გვარი,
მაგრამ ქალს ის არ უყვარდა,
ჩემკენ ჰქონდა ნდობის თვალი,
არად უჩნდა სიმდიდრე და —
უთვალავი მთაში ცხვარი.

15

ჰოდა, ერთ დღეს მოიწვიეს,
საქორწილოც დადგა დარი,
მზე ხალისით იცინოდა,
და ჩიტვიტ ქროდა ქარი.
დაპატიეეს მოკეთენიც,
ათიოდეც დაჰკლეს ცხვარი,
მწვადებს წერილად აკეპილებს,
მოსდიოდა ზეთის ცვარი,
იჯდენ, სვამდენ, იღვრებოდა
არაყის და ლუდის ღვარი.

16

აგერ, მოვიდა სასიძოც,
ხელი დაედო ხმალზედა,
ლალად მოჰქონდა მხარ-ბეჭი,
ყოველ მის შერხევაზედა.

უცებ ცხენიდან ჩამოხტა,
თვალი უპირავს ქალზედა,
მშობლებიც გამოეგებენ —
მოსულებს თოფის ხმაზედა.
ცხენებს უძღებენ ქერითა,
თივას აყრიან თავზედა.

17

ამ დროს, მე ვზივარ მწუხარედ,
ფიქრები მაწევს შხამისა,
ველი პასუხს და სანაცვლოდ
მესმის გრიალი ქარისა.
ბოლოს, გავიგე ამბავი,
მეც იმან წამახალისა,
ნანე მითვლიდა: მელოდე,
თუ შეეძელ მე ქმნა ამისა, —
გამოვექცევი ჩემს მშობლებს,
არ მეშინია ღამისა.

18

ღამე თეთრად გავათენე,
უძილობის თეთრი ღამე,
გულით ველი, ვეღარ ვხედავ,
აღარ მოდის ჩემი ნანე,
გული მეწვის მოლოდინით,
ნაღველს ვკლავ და ვებრძვი მწარედ,
მწარე ლუღში ვახშობ გრძნობას
ათრთოლებულს, მოელვარეს,
ველი გულით, მაინც არ ჩანს,
არვინ აღეზს სახლის კარებს.

ბოლოს კარიც გაიღება,
 გაეხსნება იმედს ღილი,
 გული ისევ მობრუნდება
 სასოება გადაჭრილი,
 მოდის ნანეს უმცროსი ძმა,
 ეს ნუგეში იყო თბილი,
 ბარათს მაძლევს, შეების ბარათს,
 აზვირთებულ გრძნობის შვილი,
 რომ დავხედე, ნანეს იყო,
 თავის ხელით მოწერილი.

მწერდა: — ვზივარ, შენს სიყვარულს
 გულში ვკლავ და ველარ ვამხელ,
 ვინ გამიგებს, რომ გავენდო,
 შემიყვარდა შენი სახე.
 მშობლებს ვფიცავ, გავგიჟდები,
 თუ ოდესმე ველარ გნახე,
 ან თუ მტერმა გიორგულა
 და დაგიგო შავი მახე,
 ვაი, ჩემი ცოდვის ბრალი,
 თავი როგორ დავიგლახე!

თუ გინდივარ, მოდი, გიციდი,
 და ცრემლები ჩამომბანე,
 დამანახვე ცის სინათლე,
 სერები და ტყენი მწვანე.
 თუ არა და სხვას მიყუევარ —
 თუ ოდნავად დაახანე;

გევედრები, ნუ შეიცდი,
სადაც გსურდეს წამიყვანე,
სიკვდილამდე ნუ დამტოვებ,
ამასა გთხოვ: შენი ნანე.

22

ასე მწერდა, — ნუ იფიქრებ.
კაცმა მოკლას დარდი დანით!
მას ვუყვარდი, მეც მიყვარდა
მისი სახე, მისი ტანი,
იქ კი, ამდროს ლხინი იყო,
მე კი, ვიყავ განზე მდგარი,
სისინებდა, გრიალებდა,
ორწოხებში ცივი ქარი,
გათენებას ცოტა აკლდა,
იდგა შავი ნისლის ღვარი.

23

დილით კიდევ მოდის კაცი,
ამბავს მეტყვის უფრო მწარეს,
— გაფრინდაულს შენი ნანე
მიყავს უკვე თავის მხარეს.
გული ცეცხლით დამედალა,
წამს ვივიწყებ წარსულ ალერსს,
საღეს ბროლად გადავლესავ
ხმალს მასათით პირანაღესს.
მოკვდეს ბიჭი, გაფრინდაულს,
თუ გავატან ახლა ნანეს!

24

ვთქვი ესა და გამოვვარდი,
წამს ღაგიღე ფერი მგლისა,

დილა იყო, შორს მოსჩანდნენ
შვიდნი მთანი ალმასისა,
არსად იყო, ჩამდგარიყო,
არ ისმოდა ჩქამი ხმისა,
ხოლო ქვევით, დაბლა ბარზე,
იდგა შავი ნისლი მთისა,
ერთმანეთსა ეხვეოდენ
სხივი მზის და მტვერი გზისა.

25

მომგვარეს ცხენი ისეთი,
იყო ძლიერი ჯანზედა,
სამ ვაეკაცს ხელში ეჭირა,
კიდევ დგებოდა ყალყზედა,
სამნივ დასძალა თავითა,
გადმოხტა მოედანზედა,
ფეხი შემოგვარ, გაფრინდა
გაფრინდაულის კვალზედა,
ისე მივქროდი ხრამებზე,
თითქოს ვიჯექი ქარზედა.

26

ბევრჯერ გაქროლე ლურჯაო,
დღე დაგაყენე მწარეო,
პირს გედვა მძიმე ლაგამი,
ოფლის ლეართქაფში გბანეო,
ქერივით ხრავდი ლაგამსა,
გიცვლიდი მალი-მალეო,
ახლაც გაფრინდი ჩიტვიით,
ქვესკნელშიც გამატარეო,
ნუ გეშინია ლამისა —
გზაზე გვინათებს მთვარეო!

თუმცა, ჯერ კიდევ ღამეა,
 და მთვარე ბრწყინავს ცაზედა,
 ჯარად და ჯარად გამფრთხილან
 ჯიხვები იალალზედა,
 აჟღერებულან ფრინველნი,
 ნისლები წვება მთაზედა,
 უცებ ხმაური მომესმა —
 თურმე მტერს მივსდევ კვალზედა,
 როცა შეჩერდენ, შევძახე
 სიტყვა ბრაზიან ხმაზედა:

გაქცევით — ვერ გამექცევით,
 იმედს ნუ იჭერთ ხსნისასა,
 დაგკრავთ და ცხელსა ტყვიასა
 ნამტვრევს გავატან ძვლისასა,
 ჩემი შაშხანის ქუხილი
 ჩამონგრევას ჰგავს ცისასა,
 ქალი დასტოვეთ, ნუ მიგყავთ,
 ვაი, ვაჰ დედას მტრისასა!

პასუხად კვებნა მომესმა,
 გულბოროტი და გვიანი:
 — არც ჩვენ გახლავართ კურდღლები,
 არც ჯიხვები ვართ რქიანი.
 წელს ჩვენც გვარტყია მახვილი
 პირალესილი ფხიანი,
 აბა, ენახოთ და გადმოდით,
 ვინც დარჩეს სახელიანი,
 სისხლი გადინოთ ღვარებად,
 მიწა გაქამოთ ქვიანი.

ეგ თქვეს და არც დაახანეს,
 თოფიც შემართეს წამზედა.
 ხმლებიც იშიშვლეს ისეთი,
 ბეწვ ეჭრებოდა ფხაზედა.
 კვამლი გახვიეს კვამლშია,
 ტყვია სკდებოდა გზაზედა,
 დააფრთხო ჭექა-ქუხილმა
 ჯიხვები იალაღზედა.
 თოფი ჭექს, ხმლებიც წკრიალებს,
 ცა მეხურება თავზედა.

მეც გადავეშვი ბრძოლაში,
 თვალი ელვისებრ ელდება,
 დავჭრილვარ, ჩემი სისხლისგან
 ჩემივე ჩოხა სველდება,
 მაგრამ, ვერა ვგრძნობ ნატყვიარს,
 ბრძოლაში გული მგელდება,
 გრიალებს ხმები, მიდამოც
 თოფის კვამლისგან ბნელდება,
 ამდგარი სისხლის ღვარებით
 ქალას არაგვი ღელდება.

ნუ გიკვირს, რასაც გიამბობ,
 მერწმუნე, სულ მართალია,
 მე კიდევ ვერ ვიმეტებდი,
 კაცის სიკვდილი ბრალია,
 მაგრამ როდესაც შევნიშნე,
 ქალს მოუქნია ხმალია,

ნანეც დაეცა უსულოდ,
მოჭრილი ქონდა მხარია,
თვითონ კი, მხეცებრ მყეფარი
ხევს გავდა ნიაღვარიანს, —

33

მაშინ აღარც მე დავზოგე,
კლდეს მოეფარა ხრამიანს,
კლდე ოთხად დავანაფოტე,
წვრილად დავფშვენი ქვანია,
ფარი უფარა, ვერ ფარობს,
ვერ დაიფარა ტანია.
ხმალი დაეკარ და გავგლიჯე
რკინით ნაჭედი რვალია,
ერთიც რომ გადავუქნიე —
მაშინ დახუჭა თვალია.

34

ისეთ ხრამს გადავუძახე,
ყვავი ვერ ჩაფრინდებოდა,
ბრაზით აღსავსე თვალებში
'მუქი ჯერ კიდევ კრთებოდა,
კვდებოდა, აღარც კვდებოდა,
სიცოცხლეს ეთხოვებოდა,
ნისლები მაღალ მთებისა
ცივ შუბლზე ეფინებოდა,
ზეზე აღგომას ცდილობდა —
მუხლები ეკეცებოდა.

35

სხვები გაიქცნენ დამფრთხალნი,
ლაჩრულად სირცხვილიანი,

მზე ამოვიდა, ფოთლები
ბრწყინავენ თვირთვილიანი,
მივედი, ნანეს დავხედე,
თვალეები ჰქონდა ღიანი,
მაგრამ სულს აღარ ითქვამდა,
არც გული ძგერდა ფრთქიალით,
შეეკრთი, გავშრი და გავქვავედი,
დღე დამიბნელდა მზიანი.

36

შავო, რას დუმხარ, სიკვდილო,
რალად არ იღებ ხმასო,
რად ეფინები შავადა,
შავო ღრუბელო, ცასო,
შავო, რას დახვალ, ყორანო,
შავად რად იქნევ მხარსაო,
ნაპრალეებს რომ ეტანები,
აღბათ, ეძახი სხვასაო,
მინც არ შეგახვრეპინებ
დაქცეულ სისხლის ღვარსაო!

37

ცხენი შემორბის როშკაში,
ოთხს მონათებს ნალსაო,
სიკვდილის მაუწყებელი
ამბავი მოაქვს მგზავრსაო:
ვერ გაუქრია პერანგი
გაფრინდაულის ხმალსაო,
ჩაუკლავს ვეფხვი ბუკლიანი
შაშხანის ცეცხლის აღსაო,
აწ ვერ ჩაიხვევს ლამაზად
თავის დანიშნულ ქალსაო.

მართლაც და, ამ დროს ხირჩლასას
 შავი ამბავი ხდებოდა,
 ისრაფილ გაფრინდაული —
 სიცოცხლეს ეომებოდა,
 სამს მოეყვანა ვაჟკაცსა,
 გველივით იკლაკნებოდა,
 ტახტზე გართხმული ვაჟკაცი
 ფეხზე ველარა დგებოდა,
 ნათელ-ძლიერი სიცოცხლე
 გულშემზარავად ქრებოდა.

39

ცალ ხელში ჰქონდა სანთელი,
 ცალშიაც ხმალი კრთებოდა,
 ლურჯაი ხრავდა ლაგამსა,
 წაღმა-უკუღმა ხტებოდა,
 სანთელიც მიღუულიყო,
 თან ხმალიც ძირს ეშვებოდა,
 — მოხკალით, — სკექდა ხრიალით,
 ძმაც ცრემლით ეფიცებოდა,
 ტკბილსა სიცოცხლეს ვაჟკაცი
 გულის წვით ეთხოვებოდა.

40

ვაი, რა დიდი ბრალია
 ტანჯვით დახუჭვა თვალისა,
 წვალეებით სუნთქვის შეწყვეტა,
 არ გათენება ხვალისა,
 განოსალმება უდროოდ
 შეყვარებული ქალისა.

აგრე რად იცი, სიკვდილო,
ქნევა უწყალო ხმალისა,
დაჰკრავ და მოშლი ვაჟკაცსა,
გულიც რომ ჰქონდეს რვალისა.

41

გათავდა, მოკვდა ისრაფილ,
თვალეზიც ჩაქრნენ შავადა,
— ვაიმე, შეილო, რა მიყავ.
ღედა სტიროდა ავადა,
იწყევლებოდა, გოდებდა,
შური ექცია ზევაათა.

42

ტირილის ღლეა, ჰგოდებენ,
ღლე ჩამობნელდა მზიანი,
ლურჯა შავებით მოსილი
კარზე დგას უნაგრიანი,
ღედა დასტირის ისრაფილს
მწუხარე ვერცხლის თმიანი,
მამა მკერდს იმტვრევს მუშტითა,
გააქვს წიბოებს გრიალი,
არის ტირილი, გოდება,
დგას ბობოქრობა ტიალი.

43

მთებსაც ნისლებს ბურუსი
შემოხვევია შავადა,
შემოხვევიან, ჩაუკრავთ,
თითქოს მთებია ავადა,
რა უცნაური ფერი აქვთ,
მეხიც კექს შემზარავადა,

სისხლის წვიმაც წვიმს, ხევებიც
აზმუვლებულან ზეაეადა,
მიაქვთ და მიაქვთ ლოდები
ქვესკნელში დასაფქვადა.

44

თავზე დასტირის ისრაფილს,
თავის ძმა თვალცრემლიანი,
— მოკვდეს ჯუთა, თუ დაბრუნდეს
როშკაში სირცხვილიანი,
ქვესკნელს მოვძებნი მოსისხლეს,
მთაც ვერ დაფარავს ტყიანი,
ვერც ღამე თავის ბურუსით,
დღე გათენდება მზიანი,
ვერ გაექცევა ჩემს რისხვას
ვეფხიც, რომ გახდეს ბწყლიანი!

45

ხირჩლა კი, თავის პირმშოსა
არიგებს გულისხმიერი:
— თოფს, შვილო, ნუ დაენდობი,
თოფი მელაა ცბიერი,
ნურც ხმალსა ნუ მიენდობი,
ხმალიც მგელია მშიერი,
ნურცა რა თავის ღონესა —
სხვასაც მკლავი აქვს ძლიერი,
მტერთან სიფრთხილით მისვლა სჯობს,
მით უფრო, თუა ცბიერი.

46

ხერხით დაუხვდი მოსისხლეს,
ფარი უფარე ფარზედა,

გული ნუ აგიჩქარდება,
ხმლით რომ წამოვა ხმაღზედა,
მაშინაც ნუ შეიბრალებ,
ხორცს რომ იგლეჯდეს ტანზედა,
სვავეები გვამს რომ უგლეჯდენ,
იჯდენ გამოხრულ ძვალზედა,
სისხლით ძღებოდენ ყორნები,
ყეფდენ სიკვდილის ხმაზედა!

47

ეს თქვა ხირჩლამ და დალოცა
შეილი განიერმხრიანი,
ჯუთამც აისხა ფარ-ხმალი —
პირალესილი, ფხიანი,
კვალს გამომიდგა ბოროტად,
მას მეც დაუუხვდი ჭკვიანი,
მთაში გავარდი ყაჩაღად,
ჯაგი მოვნახე ტყიანი,
შიგ დაებუნავდი ნადირი,
მხეცი შევიქენ ბწყლიანი.

48

მაგრამ ვაი, რა ცუდია
ტყეში გდება და ყიალი,
მომწყინდა მუდამ ყაჩაღის
შავი ცხოვრება ტიალი,
ღუშეთს ჩავედი, ქალაქში
შეველ ფორაჯა-ხმლიანი,
აღმასკომს თხოვნა მივართვი,
ეწერდი რაც მქონდა ზიანი,
შემირიგეს და დამითმეს,
კვლავ გავხდი ადამიანი.

კაცად ვიქეც და მას შემდეგ —
 ძველი დავკარგე იერიც,
 ახლა აქა ვარ, ხომ ხედავ,
 ვარ თითქოს მეც ბედნიერი,
 სულ დამავიწყდა ფიქრები
 გულღრძო და გულმანკიერი,
 ახალ ქვეყანას ვაშენებთ,
 მიწაც იჭრება ფხვიერი,
 მოსისხლევ ჩემი გვერდში მყავს,
 აქ არის ჯუთა ძლიერი.

50

ძალიან გიკვირს? მეც მიკვირს,
 დიახ, მეც მიკვირს ძალზედა,
 გაეგო ჩემი აქ ყოფნა,
 გამომყოლოდა კვალზედა,
 მუშად მოვიდა, მიიღეს,
 შური უკრთოდა თვალზედა,
 მეც კიდევ ვერიდებოდი,
 არსად ვხვდებოდი გზაზედა,
 არ მსურდა ჩემი ტალკვესი
 ანთებულიყო რვალზედა.

51

დიდხანს ვიყავით ამრიგად,
 დრო მიდიოდა გრიალით,
 ერთ დღეს კი, როცა ოთახში
 ლამპა ავანთე მზიანი,
 მოულოდნელად შემოდის
 ჯუთა განიერმხრიანი,

მეგონა სამტროდ მოვიდა,
ვეფხი წამოვხტი ბწყლიანი,
მაგრამ, თვით კართან გაჩერდა,
მომცა სალამი გვიანი.

52

მითხრა, დამშვიდდი, არ გერჩი,
მე არ მოვსულვარ მტრულადა,
ერთად ვიბრძვით და ვმუშაობთ,
სუფრაც ერთი გვაქვს ძმურადა,
შევრიგდეთ, ძველი იარა,
გულს რომ აჩნია წყლულადა,
მალე გაივლის ეს ბოლმაც,
გთხოვ, ნუ მიყურებ მტრულადა,
აი, შევრიგდეთ, არაბულ,
ხელს გიწვდი მეგობრულადა!

53

მეც ხელი მივეც, ეს იყო
დამშობილება მტრებისა,
შევრიგდით, შემდეგ ახალი
სიამე ვიგრძენ შევებისა.
გულს რაღაც ცივი ნატეხი
მოშორდა ღორლი ქვებისა,
მას შემდეგ ესლა მაწუხებს:
ნახვა მსურს მშობელ მთებისა,
მომნატრებია ქედები
ნამტვრევი ჯიხვთა რქებისა.

54

ახლა მქნა ნეტავ მთაშია.
მომცა იგი დრო სვიანი,

დილით ცისკარზე ადგომა,
ღამით დაწოლა გვიანი,
წელს მერტყას ლეკეთს ნაჭედი
სპილოს რგვალტარა ფხიანი,
ლურჯაბი გახელებული
ქარზე ფაფარის შრიალით,
ღორღებს რომ ხეთქდეს ტორებით -
ტახტას გაქონდეს კრიალი!

55

მაგრამ ვერ ვნახავ, მგონია,
აწ მთის გრიალა ნიავსა,
ალაღებულსა მდინარეს,
ტაფობებს ბალახიანსა,
არწივებს მხრებდაგრეხილებს,
ორღობეს ტალახიანსა,
ბექობებს ფრთხილი შურთხებით,
ამწვანებულებს ტყიანსა,
ნისლებით თავშეხვეულსა
ჩემ კუთხეს მთაგორიანსა!

56

ძვირფასო არსოტიონო,
გიგონებ გულის გებითა.
მუდამ ლამაზო არხვატო,
შემოღობილო მთებითა,
ჯიხვებო — საჯიხვეებზე,
ჯარო და ჯარო რქებისა,
ფრთხილად მავალნო კარჩხლებზე
წამი რომ არ გაქვთ შვებისა,
ალაღებულო მდინარევ,
მესმის გრიალი ქვებისა!

ეს ვთქვი და მეც გამოვედი,
ვიგრძენ სიამე შვეებისა,
ცა ქათქათებდა ფრიალო,
იდგა ჩრდილები მთებისა,
შირაქი ქუხდა, ისმოდა
ყრუ ხმები ტრამალებისა,
გალმა კი იდგა ნისლები,
ვით ფრთები არწივებისა,
მოქონდა ნიავეს სურნელი
ალაზნის ნაპირებისა.

58

ალაზნის წყალო ტიალო,
ლამიანო და ტყიანო,
ხან წყნარი ზღაზნით მდინარეც,
და ხან მყიფო და გრიალო,
ნისლები მაღალ მთებისა
შენს დიდ ქალაზე დიანო;
ცივად დაგყურებს გომბორი,
აღგეთსა თუ იქვიანობს,
შემოჰკარ ტალღა ტალღაზე
დუღუნით, ნულარ გვიანობ!

59

მეც შენით ალაღებული
სხვა ფიქრებით ვარ მწუხარე,
ნაღველის გასათანტავად
გადმოვარდნილი ტლუ მხარეს,
ბევრი მდენია ცრემლები
მლაშე, მღვრიე და მდუღარე,
მაგრამ მოსულსა მწარე ბედს
ჯერ ქედი არ მოვეუხარე,
ვღგევარ და გიცქერ იმედით
მეც შენებრ გულით მქუხარე!

ეს ხმები, შენი ხმებია
 ტკბილი და იმედიანი,
 ეს ჩვენი წინსვლა ყეფაა —
 მოტორთა მძლავრი გრიალით,
 ხან შეძახილი ტოროლას,
 მესმის მკვეთრი ხმის წკრიალი,
 ცა ვარსკვლავებით ნაჭედი
 დგას შუბლგახსნილი გვიანი,
 ელავენ მთვარის შუქზედა
 სიბი კლდეები ქვიანი.

და ვუცქერ დამშვიდებული
 მეც ამ ტევრს იმედიანი,
 დგას ნავით სავსე ბაკები,
 როგორც ჯიქნები რძიანი,
 ჩვენი წინსვლის და სიმაგრის
 ეს დულაბია ქვიანი.
 ვერ ჩამოანგრევს ქარბუქი,
 ვერც დღე ჩამოშლის მზიანი,
 შენ, საქართველოს იმედო,
 კოშკი ხარ ფოლადიანი!

თქვენც, ჩვენო დიდო იმედნო,
 კოშკნო ნაგებნო რკინითა,
 რვალთ ნაჭედო ბიჭებო,
 მზევ სხივმომდენო დილითა,
 შავლეგა ღვრია წყარონო,
 რომ მოჰქუხთ თუჯის მილიდან,

ყამირო, გადაქედილო
კარჩხლით, კუპრით და კირითა,
ჩაეჭიდენით ერთმანეთს
მტკიცე დულაბის ღილითა!

63

მეორე დღეა. გრიალი
კიდევ უფრო დგას ხშირად,
მოდის ყამირი ფხვიერი
გადაქცეული კირად.
არჩევენ, თან კითხულობენ
ვინ არის ახლა წბილადა,
ვის გაუღიმა იმედმა,
ან ვის თავს ადგას კირად,
ვინ შავ დაფაზე გააკრეს
ან ვინ გამოდის გმირად!

64

ორი ბრიგადა ერთმანეთს
შეჯიბრებია ძალადა,
შეჯიბრებიან შრომაში
ჩამწკრივებულან ჯარადა,
ერთს ხელმძღვანელობს არაბულ,
ცისკარაული გვარადა,
მეორეს ჯუთა გაჭკივის,
ქანგთა ბგერა დგას ზარადა,
კვამლი და ბური ტრიალებს,
ოფლი ჩამოდის ღვარადა.

65

განსაკუთრებით არაბულ
თავგამეტებით ტრიალებს,

დაზგაზე გარდამავალი
წითელი დროშა ფრიალებს,
ჩანები ორთქლით ბოლავენ,
ბურღი ქვესკნელში ხრიალებს,
შავი მდინარე კუპრისა
ისე, ვით სარკე კრიალებს,
მოდის და მოდის თქრიალით,
დიდ აუზებში გრიალებს.

66

ჯუთა კი, ცდილობს აჯობოს,
ხტის, როგორც ვეფხი ბწყკლიანი,
ჩასკრა და ჩააგრიალა
ორგან კარჩხალი ქვიანი,
უნდა დასჯაბნოს მეტოქე,
დაზგებს უმატა გრიალი,
ხან ისე დაიწურება,
როგორც არწივი მხრიანი,
მაგრამ ჯერ კიდევ არ ისმის
იგი ხმა იმედიანი!

67

მაგრამ არც ისე შორეა —
ხმა გამარჯვების მზიანი,
ჯუთასკენ გადაიხარა
დროშა კალთების ფრიალით,
ეს კი არ მოსწონს არაბულს,
მაგრამ უკვეა გვიანი,
დღემდე მის მიერ ნაშრომი
ჯუთას მიჰქონდა გრიალით,
მიჰქონდა თან იძახოდა:
— ბიჭი ვარ ფოლადიანი!

გუშინ მაჯობე, მაგრამ დღეს
 მე მხედა ზეიმი დილისა,
 დროშა წაგართვი წითელი,
 მკლავი მოგკვეთე რკინისა,
 ჩემმა ბრიგადამ შენს ბიჭებს
 ოფლი ადინა ქირისა,
 ჯუთა ვარ გაფრინდაული
 მკვიდრი ძმა ისრაფილისა!

ოცი წლის შემდეგ სურვილი
 უფრო გახდება ხმიანი,
 ამის პირობა აქვია:
 ცოცხალი ადამიანი,
 მირზანში — კერესელიძე,
 ჩათმაში — გოლეთიანი,
 მარტყოფში — დავით ბერიძე
 დგას ხმაურით და გრიალით,
 შორით გაჰკივის სივრცეებს --
 დიდი დაზგების თქრიალით!

დაიჭექს მძლავრად ქვესკნელიც,
 თუ მტკიცედ დავეჩემებით,
 წამოვა ნავთის მდინარე
 შევლევა ნავთსადენებით,
 ბათუმში შემოგვესევა
 მშიერ მგლებივით გემები,
 აქეთ რიონიც დაიძვრის
 მრავალ ათასი ცხენებით,
 შორ ტრამალეზსაც დასქედენ
 ხშირ ლიანდაგის ქსელებით.

და მაშინ, ჩემო თბილისო,
 უფრო იქნები მზიანი,
 წყლებზე გასდებენ ხიდებს
 ოწინარების კრიალით,
 მოირწყებიან ბალები,
 მოლი ამოვა რძიანი,
 სახლებიც ჩაირაზმება
 მუქ-ფორაჯა და ქვიანი,
 ახმაურდება ქარხნები,
 გრდემლებიც იჭექს ძგრიალით,
 შვიდი მთა, ზეცა ვარსკვლავთა
 თავს დაგვადგება ცქრიალით,
 აქეთ დიდუბე იყვირებს —
 იქით სამგორი მტვრიანი,
 შევალთ სასურველ მხარეში:
 ბრძოლით, შრომით და გრიალით!

ზ ე ლ ი მ ხ ა ნ ი

I

ჰქრის ჩრდილოეთის სუსხიანი ქარი, საზარი და მთებსაც ზურგი თითქოს განგებ უჩვენებია, რომ ავ ქარაშოტს დაახვედროს უზარმაზარი კლდის გალავანი და შეასკდეს წიბოებს ქვიანს. ასეთ ღამეში თვით ეშმაკიც ბრაზისგან წივის, სოროს დაეძებს ღამის მხეცი და თვით ყარყუმში აღარ იძახის გამარჯვებულ კომანდორივით, რომ კვლავ მოაწყოს ზეიმი და დიდი ალღუმი. სძინავს აულსაც, მაგრამ ყაჩაღ ზელიმხანს გული შავი ნაღველის და სიბრაზის შხამით ევსება. მაგრამ ამ ბრაზს და ამ შავ ნაღველს ვაჟკაცი, თული, თითქო უყვარსო, ისე ტკბილად ეალერსება:

— „რატომ ფართხალობ, გულო ჩემო, ჩიტივით ასე, იყუჩე-მეთქი, მეც დავწყნარდე იქნება ცოტა! სახიფათო რამ ხომ არ მოდის ამ ოხერ თავზე, რომ აგრე ერთად აირია მადლიც და ცოდვაც?!“ მაგრამ ზელიმხანს გულისყური როდი ღალატობს. განსაცდელის ჟამს წინათგარძნობაც ცოცხალი არის, და ჰა, ამდგარა სავერაგოთ და საჯალათოთ — გიორგი გურჯი, ყაზახ-რუსთა დიდი ლაშქარით.

II

მიჰქრის გიორგი, გულში უღევს იმედი ტკბილი: ააგურხანი სწერს: — ჩვენი მტერი სახლში არისო

და წარჩინების მომლოდინე თავადიშვილი
 მოიქრა მთაში, ვით გრიგალის მძვინვარე რისხვა;
 შემოკრა მთები, არსად არის გზა გასავალი,
 ზათქს სცვლის ყიყინა და ყიყინას დიდი ხმაური.
 სროლა თოფების და ამდგარი ხანძარის ალით
 იგვემებოდა აგურხანის მთელი აული.
 მაგრამ ზელიმხან რის გმირია, თუ მტერს აბუჩად
 თავს დაუდებს და მოადუნებს მკლავებს ძარღვიანს!
 ნახა რა საფრთხე, წამს მოახტა საყვარელ ლურჯას
 და მყისვე გაქრა, როგორც ცხელი ყურშუმის ტყვია.
 — როგორ გაიქცა, ეგ აბრაგი! — ყვირის აგურხან.
 თვით გიორგისაც ყელში შური ცეცხლივით უჭერს.
 ღრიალებს ქარი და აქა-იქ ცაზე ღრუბელი
 თითქო მთვარესაც მოკრძალებით თმას უხუჭუჭებს.
 — ჰოი, სირცხვილო, ამდენს ერთმა როგორ გვაჯობა?
 — ახლა ასე გვკირს, მაგრამ შემდეგ
 ვუტირებთ ყოფას.
 — ასეთ შემთხვევას კიდევ ეშმაც ვერ მოიგონებს!
 — დიდ არს ალლაჰი, მეთაურო, ის მოგვეცემს ღონეს!
 — კარგი, მაშ წადი და მომგვარე ცოლი იმ დათვის!
 — ამას ნუ ვიზამთ, მეთაურო, ღეთის გულისათვის!
 — როგორ, შენ კიდევ ეურჩები ბატონის ნებას?
 — ალლაჰი ხედავს, ვით ვასრულებ მე შენს ბრძანებას!
 — მაშ წადი მეთქი, და მომგვარე, გესმის თუ არა?
 მე ეს ასე მსურს, მოთმენა და დუზილიც კმარა!
 მე მინდა მძველად წავიყვანო აბრაგის ცოლი,
 ამბობენ ძლიერ ღამაზია, — მზგავსია ბროლის!
 და თუ აგრეა, მომგვარე, რომ ვიჯერო გული!..
 და ეს სურვილი წამსვე იქნა შესრულებული.

III

გათენდა დილა, ქარი ჩადგა, მზემ ოქროს სხივი
 დაღესტნის მთებში მოაფრქვია უცხო ხალისით;
 ხოლო გიორგი, როგორც წყალზე მცურავი ტივი
 ფარჩის ლოგინში გორაობდა აგურხანისას.

ზელიმხანი ხომ ტყედ გაიქრა, მაგრამ იმისი
ცოლიც და შვილიც დღეს მოსისხლე მტერის ხელშია.
თუ კი ისურვა, ვერ დაიქერს ალლაჰის რისხვაც,
მოჰკლავს და მორჩა, დაიამებს გულის ჯავრს მშვიერს.
მაგრამ გიორგის სულ სხვა ფიქრი გულს უტრიალებს,
იგი ელის, რომ ავი ხედრიც დადგება მალე,
როცა საწუთრო უღმობელი და სატილო
დაღესტანის გმირს დაუხუჭავს ორთავე თვალებს.

IV

დაჰქრის ზელიმხან ოსინოვის ავ ხეობაში,
როგორც ხანძარის დახვეული ირიბი ალი
და ახლა, მხოლოდ უტრიალებს ბურანად თავში
მძლე აგურხანის და გიორგის შემონათვალი.
როგორ? ყაჩაღმა თავი გასცეს თავისი ხელით,
თან იარაღიც აიყაროს, სად გაგონილა?!
უწინ ცა გასწყურეს და შეინძრეს ქვევით ქვესკნელი,
ვინემ ზელიმხანს გაუთენდეს ასეთი დილა!
მერე, ეგ რისთვის? როს მნახვენ უიარალოს
თავსაც მომკვეთენ, კარგად ვიცი მათი პირობა!
იქუხე მედგრად ზელიმხანის გულო ამაყო,
მთელ დაღესტანში ზღაპრად დადის შენი გმირობა.
ხა, ხა, ხა, ხა, ხა, ზელიმხანი უიარალოდ!
ცა უმეხოდ და დედამიწა — უპურმარილოდ!
რად არ გაიტკლევ, ჯოჯოხეთო, გულს უღარიბესს,
თუ შენც ასეთი ბედი გელის გაუხარელი!

V

მაგრამ ჰა, დადგა ზელიმხანის დრო სასურველს,
მოდის გიორგი ოსინოვის ვიწრო ხეობით
და გზაზე ახლა სამოსისხლოდ არავის ელის,
მოდის ამაყად და თან მოსდევს რაზმიც მხნეობით;
ზელიმხანი კი, ხიდისთავთან ჩააფრებული,
მოელის მტერს და გულიც მკერდში გორავს ლოდივით.

სად შეუძლია მას ამდენი ცდა და ლოდინი?!
უნდა ამოხტეს საფარიდან, მაგრამ ჰა, უცებ
თვალწინ გამოჩნდა ის, ვინც ასე ამლელვარებდა.
მყის შეასწორა ყარაბინა მოხდენილ გულზე
და ცხელმა ტყვიამ ამოხეთქა სისხლი ღვარებად.
მოკვდა გიორგი, ახლა რაზმმაც იბრუნა პირი,
ზოგი სად გარბის და ზოგი სად ვიწრო ხვეულით.
ზელიმხან ყვირის, როგორც ომში ძლევის საყვირი
და უსწორდება ყაზახ რუსებს ცოფმორეული.
მაგრამ, ვით ხშირად, როცა ვეფხვი უდაბნოსა
წამოეწევა ქარავანს და დაჰკრავს ტორს ძლიერს, —
ბედუინები კი, ამ უცებ მოვარდნილ რისხვას
უბედურებად და ალლაჰის წყრომადა სთვლიან, —
და, ვით უეცრად საზარელი იგი ნადირი
ერთ-ერთ ბედუინს მოიტაცებს მყლაპავი პირით
და გაქანდება შურდულივით — ისე ზელიმხან
მოჰკლავს რა უცებ ბოქაულსაც მახვილი დაშნით,
მყის გაიჭრება ხევისაყენ მქროლავი რაშით.

VI

სძინავს აულებს, შუალამეა, ამოდის მთვარე,
დაღესტნის მთები შევერცხლილა უკვე ქადარით.
და ამ ღამეში ბრაზიანი ქარი მშფოთვარე
დაჰქრის ზმულით ნადავლი და ნაყაჩადარი.
თვით ხის შტოებსაც წვავს და სუსხავს ყინვა საზარი,
მაგრამ ზელიმხან არ გაურბის სუსხიან ღამეს
და თავის ლურჯას მიაქროლებს დაუდეგარი,
რომ გაასწოროს ხშირი მთების ქიმი და ხრამი.
ყაბარდოელ ცხენს რა დაიჭერს ამაყს და ძლიერს,
მიჰქრის ზელიმხან, არსად გზაზე მარცხს არ მოელის,
იგი თავის ცხენს არასოდეს არ გაიმეტებს
და არც მერანი გასწირავს მას ყაბარდოელი.
ზელიმხანს უყვარს თავის ლურჯა, ქვეყანას ოხერს
აშკარად ებრძვის, ცხენსაც ესმის გმირი მხედარის.

ორთავეს გული ფოლადია და მეამბოხე,
 ორთავეს სისხლი ცხელია და დაუდეგარი.
 მიჰქრის ზელიმხან, მაგრამ აგრე რად მოიჩქარის
 მძლე აგურხანის აულისკენ, როგორც შურდული?
 შესაძლო არის სიყვარულის მგზნებარე ალი
 დაღესტნის არწივს გულზე ცეცხლის ზოლებად უვლას!
 მაგრამ აგურხან, ხომ მტერია ზელიმხანისა,
 ვით დღე და ღამე, ცა და მიწა, ცეცხლი და წყალი,
 როგორც ვეშაპნი და ნიანგნი ჰირკანიისა —
 არ შეუძლიათ გაუჩერონ ერთმანეთს თვალი.
 აგურხანს სისხლი უდღულს გულში ავი ძახილით,
 ზელიმხან კიდევ აგურხანის მტრობისგან ღელავს
 და გაცოფებულ ორი ლეკის ბასრი მახვილი
 ამოღებული ქარქაშიდან მრისხანედ ელავს.

VII

მთელ დაღესტანში განთქმულია მძლე აგურხანი,
 მას ვინ არ იცნობს, აქვს სასახლე სიკეთით სავსე
 და მთელ აულის მოყმეები, კაცი თუ ქალი
 მას როგორც ბატონს ევლებიან მორჩილად თავზე.
 ჰყავს ერთადერთი მას ლამაზი ქალი ლეილა,
 რომლის მშვენებამ აუძგერა ზელიმხანს გული
 და ამ ხანუმის სავსე სახე — ლაჟვარდი დილა —
 არის ძვირფასი ვარდყაყაჩოდ აყვავებული.
 სწორედ ამ დროზე, შარშან, როცა ყინვა სწურავდა
 ლეკეთის მთებს და მთაგორაკებს მსუსხავი ძალით —
 მივიდა ჩუმად ზელიმხან და დაუყურადა
 ხანის აულს, რომ მოეტაცა ლამაზი ქალი.
 მაგრამ შეუტყვეს ამაყ არწივს კარისკაცებმა,
 გადაუკეტეს ალაყაფი, შეჰქმნეს ქადილი
 და ამის შემდეგ ქალის ციხით გამოტაცება
 ზელიმხანისთვის აღარ იყო უკვე ადვილი.
 ეგ შარშან იყო, დღეს კი, გული ამაყ მთიელის
 აღარ ეტევა საბუღარში, გახელდა დათვი

და საყაჩაღო ასპარეზი და სარბიელი
მას აღარ ყოფნის გულის ჯავრის დაცხრომისათვის.
მაგრამ, ვით ხშირად მძლე გრიგალის მოვარდნის უწინ
შავს უღრან ტყეში მყუდროება დაისადგურებს,
აღარ სცემს ბინდი და ფოთლებიც დაწყნარდებიან
ისე, რომ მათი შრიალიც კი არ ესმის ყურებს —
და, ვით უეცრად ეს გრიგალი ამოვარდება,
გაარღვევს ხოლმე ამ სიჩუმეს, — ისე ზელიმხან
მიუხტა მთაში მძლე აგურხანს არწივის მსგავსად
და ახლა იგი არ ზოგავდა ცხენსაც და თავსაც.

VIII

ატყდა ყიჟინა, ატყდა ზათქი, ატყდა ხმაური.
ყვირის აგურხან, — ჩემი ქალი როგორ დანებდა?!
ამაო იყო ყველაფერი, გრგვინვა აულის,
თავის ლეილას ზელიმხან წინ მიაქანებდა.
— ორასი ოქრო, ვინც მიაწვდენს ტყვიას ყურშუმის!
— ხუთასი ოქრო, ვინც მოიტანს თავს მაგ ოხერის!
მაგრამ ყმებს შორის იდგა მხოლოდ ცივი სიჩუმე
და არ მოჩანდა ზელიმხანის მოსისხლე მტერი.
ყვირის აგურხან, თავშიც იცემს, აღმური დაგავს,
მაგრამ არავის ესმის ვიში და მწუხარება
და მოხუც სვავის მრისხანებით სავსე თვალთაგან
მოდის და მოჭქუხს მდღუღარება მლაშე ღვარებად.
მაგრამ ეგ ვიში მოხუცს უფრო მკერდში გულს უქამს.
მიჭქრის ზელიმხან შევარდენის მაგარი ფრთებით
და დაღესტანის გაწოლილი ხრამი და მთები
ყბარდოელ ცხენს თითქო თვალშიც აღარა უჩანს.

IX

გავიდა წელი, აღარა ჩანს კაცი მნახელი
მძლე ზელიმხანის, თითქო იგი დაინტქა კიდეც;
მაგრამ მოშულლე აგურხანის შავი ნალველი
ისე დიდია, რომ ლეკეთიც ველარ დაიტყეს.

გზაენის მეგზურებს და მწყემსებსაც იბირებს მწყრალი.
 არ ზოგავს დოვლათს, ოღონდ ხელში ჩაიგდოს მტერი,
 მაგრამ არსად ჩანს ზელიმხანის ამქვეყნად კვალი
 და მოხუც ვერაგს უსივდება ნაღველი ძგერით.
 — მონავ, მურტალო, უსარგებლოვ, სად გქონდა თვალი,
 რად არ შეაკვდი მომბღურ ვეშაპს, გეძინა განა?
 ჩაძლდღე უნდა, ანდა ბატონს მომგვარო ქალი,
 მთლად მოიარე მთა და ბარი, ცა და ქვეყანა!
 და თუ შენ შეძლებ, მომიტანო მტარვალის თავი,
 დაგასაჩუქრებ, ვფიცავ, ალლაჰს. რამდენიც გინდა
 ბაჯაღლო ოქრო, მამულები, ძვირფასი თვალი,
 ფარჩეულები და ზარბაბი, — ხასიდა წმინდა.
 მაგრამ თუ ოღნავ ვერ შეიძელ ესოდენ მწვავე
 ჩემი სურვილის აღსრულებას, ვფიცავ, ამ მეჩეთს,
 გიჯობს, შენივე ხელით გასჭრა შენი საფლავი
 და ცოცხლად ჩაწვე, ვინემ ფუჭად მოხვიდე ჩემთან,
 ოპ, ზეცის ძალნო, სასობავ უკვდავებისა,
 მომეშველენით, სანამ ქვის გულს გავიმეხავდე!
 მომეცით სისხლი, მტერის სისხლი, სისხლი მხეცისა,
 რომ ამ სისხლითვე შევიღებო თავით ფეხამდე!..

X

არ ჩანდა ქვეყნად ზელიმხანი, მღევრები ბრიყვი
 თავს არ ზოგავდნენ, მაგრამ ვერსად იპოვეს კვალი,
 რადგან საფარი ტყედ გაქრილი ვაჟკაცის იყო
 ხალხის გული და თვით ლეკეთის კაცი თუ ქალი.
 ესეც არ იყოს, ცოფიან ლომს ვინ შეეჭიდოს,
 მახის დამგებად, როცა მას თვით გმირობა ჰფარავს
 და შეუძლია გამორეკოს ყველა მღევრები
 ისე, ვით მწყემსი საძოვრიდან გამორეკს ფარას!
 — წყეულიმც იყოს სატანა და ეშმა ცბიერი!
 წყეულიმც იყოს ის დღე, რა დღეს მეყოლა ქალი!
 მაგრამ ეგ წყეულა იყო მცირე და წუთიერი
 და ისევე ხანის გულს ხვდებოდა მგზნებარე ალით.

შავრამ, ვით ხშირად შევარდენი კაკაბს მინდვრისას მოიტაცებს და გაქანდება, ვით ცხელი ტყვია, აღარ ჩანს მერე ცის გუმბათზე და ფრინველთ შორის ჩამოვარდება სიჩუმე და დაწყნარდებიან. და ვით უეცრად საზარელი ფრთის მიმოხაზვა ცის ლურჯ კამარას გადასერავს გრიგალის მსგავსად და გამოჩნდება შევარდენი, — ისე ზელიმხან მაღალ მთებიდან გადმოიჭრა, როგორც არწივი და ახლა უფრო მტკიცე იყო ფოლადი ცივი.

XI

აული. მთაში დღეობაა, ზეიმობს ხალხი თავის სახალხო დღესასწაულს ცეკვა-თამაშით. არის ჯირითი და მუსიკაც გულისყურს ალხენს, მძლე ზელიმხანიც მოისწრაფვის ამ დღეობაში. წამს ზედ მიიჭრა, ლეკს იზიდავს დღესასწაული. — გზა! დაიძახეს და გაიპო წყება მრავალი და ზელიმხანიც ნუგეში და თვალი აულის მოკდელულ წრეში შემოიჭრა, ვით ორთქლმავალი. ატყდა შედღული, გაიმართა ჯირითიც უცებ, გუგუნებს დაფი და გარმონიც დაუკრეს ჩქარი. აქ თვითეულ ლეკს გული წმინდა ხალისით უცემს, ბოღმა და სევდა აქ არ არი არავითარი. — ჯირითში ვინ ჯობს მოჯირითედ? — მძლე ზელიმხანი! — ტყვია ნიშანში ვისი მოხვდა? — ზელიმხანისა! და შეკრებილი მთიულები, კაცი თუ ქალი ენთო მთელი დღე ჩაუქრობელ სიტკბო-ხალისად. ბოლოს მოახტა თავის ლურჯას მთისა არწივი, მოზეიმე ხალხს გადახედა მახვილი თვალით და აქამომდე მოღუშული გულმკერდი ცივი — უცებ აენთო სიხარულის მგზნებარე ალით: — ხალხო, ხომ იცით, აგურხანი რასაც მიპირებს! — ვფიცავთ ალლაჰს, რომ იმ ვერაგს ჩვენ არ მივცეთ მხარი.

— იმას ჰგონია, ისე მომკლავს, ვით მთაში ირემს!
 — უწინამც მეხი თავს დაატყდეს მძლე ნიადვარით.
 — ხალხო, ზელიმხან ყაჩაღია, მაგრამ ძერწმუნეთ,
 იგი თქვენს ნამუხს და მთიელის სახელსაც იცავს.
 ძვირფასი არის მისთვის ხალხის ყოველი სიტყვა
 და უფრო ძვირი დაღესტანის კეთილი მიწა!
 — იყავ დღეგრძელი და იკურთხოს შენი მარჯვენა!
 — ხალხო, თქვენ იცით, ოჯახი მთლად გამინადგურეს,
 მაგრამ არ სჩივის უბედობას გული მაგარი.
 ჩემი სახელი ყველამ იცის მთელ დაღესტანში,
 თვით ამ სახელმა თქვას ზელიმხან რაც კაცი არი!
 — ვიცით, გმირი ხარ, ჩაგრულ ხალხის მოსარჩლე გმირი!
 — მაგრამ გმირობას ჩემსას, ხალხო, ტალახში სვრიან!
 კმარა მოთმენა. ჩემ თავს თვით მე ვუყავ ზიანი!
 დღეიდან ჩემი სიხარული მხოლოდ სისხლია
 და საყაჩაღო ყარაბინი პირმეხიანი!..
 თქვა ეს და გაჰქრა, რაშმაც ისე მოუსვა ფოლო,
 რომ თვით მხედარმა ქარის ცემით თვალი დანაბა;
 და ამის შემდეგ წერტილი-ლა მოჩანდა მხოლოდ —
 მიაქროლებდა ცხენი თითქო ცარიელ ნაბადს.

XII

შეჰკედლებია ზელიმხანი ძველ ციხეს მთაში,
 რომელიც თითქო ხელაპყრობით შეჰყურებს ალლაჰს
 და ბეჭობს ქვევით სძოვს უნაგირმობილი რაში,
 უხვად დაფენილ მობიბინე ნოყიერ ბალახს.
 უწინ ეგ ციხე იყო ქვეყნის მტკიცე ადგილი,
 ქვითკირის მკერდით ედგა ამ მთას სეტყვა-ქარიანს.
 მაგრამ დღეს იგი არის ჩარდახ-გადაგლეჯილი
 მხოლოდ ყაჩაღთა და აბრაგთა თავსაფარია.
 ლურჯა სძოვს ბალახს; ეგ ძმა არის ზელიმხანისა,
 როცა გრძნობს საფრთხეს
 და განსაცდელს დაიწყებს კიხვინს,
 და ზელიმხანმაც იცის მაშინ, რომ რაღაც რისხვა

ახლოვდება და წამს ყურს დაცქვეტს მამალი ჯიხვი.
 მაგრამ ჯერ ისევ სიმშვიდეა, აღარც ქარია,
 თვლებს მთის გარემო ღრმა წყვილიადში, ღამეა ბნელი
 და მკერდღალარულ მთაგორაკებს ნიაღვარიანს
 მოსდევს ქალები საოცნებო და საკვირველი.
 მაგრამ ვინ არის, აგერ ქალის ნაპირს რომ გასცდა,
 გზა მოუხვია და იბრუნა მთისაკენ პირი?
 რა დაჰკარგვია ამ ღამეში აბრაგს და ოხერს?
 იქნებ, ის ფიქრობს, მოჰკლას ჩუმად მთიელი გმირი!
 დიახ, ეს სწორედ აგურხანის ყმა ომარია,
 იგი აავსო ვერაგ სვავმა უხვი წყალობით
 და ამის შემდეგ ხარბი გული უცებ არია
 დიდ სასყიდელმა ვერაგობით და მტარვალობით.
 ბრიყვი ყოველთვის ბრიყვი არის, მოსისხნარ თავში
 ფიქრის საგანი ხანჯალი და მხოლოდ თოფია.
 მან უნდა მოჰკლას ზელიმხანი, სხვა შემთხვევაში
 სიტყვას გასტეხს და, ვით გადურჩეს ვერაგ ცოფიანს!

XIII

შუალამეა, ზელიმხანი ჯერ მოკრძალებით
 უცქერს სატურფალს შორეული ტბილი ალერსით
 და ლეკი ქალის ნამიანი ფართო თვალები
 იწურებიან მორცხვობით და ვნება-ალერსით.
 — ასე არაჲინ მყვარებია, ქვეყანაზედა!
 — ვით დავიჯერო, სასურველო, მატყუებ, ვხედავ!
 — ო, ვფიცავ მეჩეთს და თვით ყურანს, ხელთ რომ მჭერია.
 — კიდევ არ მჯერა, თუმც ეს ფიცი დასაჯერია!
 — ენღე ჩემ სიტყვებს და არასდროს ინაღვლებ, ქალო!
 — სიტყვას ვით ვენდო, თუ კი გული აღარა მწყალობს!
 — გულიც გწყალობს და ზელიმხანიც,
 მიყვარხარ ძლიერ!
 — მერე, ეგ შენი სიყვარული რამდენად მძლეა?
 — ესე მტკიცეა, ვით კაშხალი, ქვა და ფოლადი
 — ამას სისხლი სჯის, რასაც გული მოჰკლავს ბოლომდე.

- არ გეწყინება ქვის გული, რომ გამიქრას ტყვიამ?
 - მანამ თვით მოვკვდე და უწინამც დღე დამლევია!
 - მაშ, გყვარებივარ! ოჰ, მომეკარ გულმკერდზე ასე!
- და წამს ტუჩებიც ირიბულად გადაირაზეს.

XIV

- როს ხვევნის ცეცხლში ტრიალებდა ქალიც და ვაჟიც და სიყვარულის გახელებას გრძნობდა ამური, უცებ მთის ძირში აკიხვინდა ერთგული რაში და ზელიმხანმაც მყის დაცქვიტა მახვილი ყური.
- ვგონებ, რალაცა უნდა იყოს, ჯობს რომ მივხედო,
 - არაფერია, ნუ მიდიხარ, ჩემო იმედო!
 - ვაჰ, თუ მტერია და შესცვალოს ხალისი გლოვად,
 - ასეთ ღამეში სამტროდ მთაში ქაჯიც ვერ მოვა!
 - მაშ კარგი, ვრჩები, თუ მტერია, მეც გავცემ პასუხს.
 - შენი ღონე და ვაჟკაცობა. მჯერა, ძვირფასო!
 - ოჰ, დიდებულო, ქალთა მეფევე, დაღესტანისა, მათბობს და მათრობს სურნელება შენი ტანისა!
- და ზელიმხანმა გაათავა რა ეს ალერსი, —
ლეილა ხანუმს ჩაეკონა ვნებაალესით.

XV

სძინავს ზელიმხანს, ქალსაც სძინავს მთვლემარე ძილით, ცა მიბნედილა და მიწასაც ცასავით სძინავს. მაგრამ არ სძინავს ღამის ოხერს ბასრი მახვილით და ციხის გულში ზელიმხანის დაეძებს ბინას. აგერ, მიაგნო მწოლიარეს. ღამის ვერაგი, ისე მტკიცეა, თითქო გულში ჩანჩქერი უცემს, მაგრამ ამაყი მთის არწივის მარტო სულისთქმამ ომარს ღონე და ნებისყოფა მოჰკვეთა უცებ. ცეცხლით აენტო, მეხის ქექამ გულს დაუარა, დგას აქ ბოროტად ჯოჯოხეთურ ქანდაკის მსგავსად

და ველარ ბედავს, აღმართული ფხიანი ხმალი
დაარტყას მკვეთრად ზელიმხანის მძინარე თავსა.
მაგრამ, ვით ხშირად მძინარე ლომს უღრან ტყისასა
თავს წაადგება მონადირე მოულოდნელად,
უკან დახევის დროც არ არის და ისევ იგი
მოემზადება შებმისათვის უკახანსკელად —
და, ვით უეცრად მონადირე თოფსაც შემართავს,
რომ მყის გაგმიროს მხეცის გული, ისე ომარმაც
აღმართა ხმალი, ბასრი ხმალი, მაგარი მკლავით,
რომ ერთი დაკვრით წააკვეთოს ზელიმხანს თავი.
აგერ, მივიდა, სულ ახლოა, თანაც ყოყმანობს,
მაგრამ ბოროტი როგორ დაძლევს თავის სიბრაზეს,
არ მოერიდა, არ დაინდო და ბასრი ხმალი
დაჰკრა ზელიმხანს აფრასავით აღმართულ თავზე.
და ჰა, შეიძრა თითქოს ერთხელ მორგვი მიწისა,
შემდეგ დამშვიდდა ოდნავ არე ქუში და მწყრალი,
და როცა გული განგმირული კიდევ ქელავდა
აღარ ელავდა მრისხანებით მძლეველი თვალი.

არსენა ჯორჯიაშვილი

თავი პირველი

არის თბილისში, როგორც ელადა,
უძვირფასესი ლამაზი მხარე,
და მასში სისხლი მაქრად მდულარე,
მოდის და მოჰქუხს უზრუნველადა.
აქ, როცა ცხელი მზე სხივნაყარი
ტიტველი გულით დაჰყურებს მიწას,
ასე მგონია, მხურვალე დარით
მშობელ ქვეყანას მტრებისგან იცავს.
ეგ არის ჩვენი ნაძალადევი,
მისი მზე ახლაც სხივების ღვარებს
უხვად შლის ირგვლივ და როგორც დევი,
იცავს ამაყად თბილისის კარებს.
რამდენ წვალეებას და მწუხარებას
ამ მიდამოზე მიწა უთხრია,
მაგრამ მებრძოლებს მძლე მქუხარებით,
მტრების წინ ქედი არ მოუხრიათ.
არ მოუხრიათ და ამ კიდილში,
ბევრნიც დანთქმულა ბრძოლის მშვენიებად.
მაგრამ, სად არის გმირთა სახელი,
ხალხში დღეს რატომ არ იხსენება?
ვხედავ, ბრძოლებიც თითქოს წავიდნენ,
უწინ, რომ ჰქუხდნენ ტალღებად თერგის,
მაგრამ დღეს იგი არ წალეკილა,
ვით რუს ნაპირზე მიყრილი ხერგი.
რადგან ამ ბრძოლებს ოდნავ არ ჩრდილავს,

დღეს ისტორიის ხმები მყვირალი, —
იმან იტიროს, ვინც ღვარძლი სთესა,
თორემ, ჩვენ რა გვაქვს დღეს სატირალი?
წარსული ჩვენი ნათელი არის
და მომავალიც ისე ბრწყინვალე,
როგორც მზის სხივთა მომსკდარი ღვარი —
მწველ ცქრიალით რომ აბრმავებს თვალებს!
ესეც არ იყოს, დაჩაგრულ ძმებში,
ჩვენც სასახელო ხვედრი გერგებია
და სასახელოდ მრავალ ბრძოლებში
წითელი დროშა გვიტარებია.
თუმცა ეს დროშა დაფლეთილია,
ვით ძველი ყოფა და იდილია,
მაგრამ თქვენ იცით, ამხანაგებო,
ეს მოგონებაც რარივ ტკბილია!
ის დაიცრიცა თან მებრძოლები
სისხლით რომ იყვნენ მკერდდაბანილი
აღარ არიან დღეს ჩვენს ქუჩებში
სხვა დროშებია გამოტანილი.
ჰქუხს ახლაც ჩვენი ნაძალადევი
და შრომის შვილთა ძლევის არია
მე მომაგონებს მდინარეს ხევის,
მომსკდარს, მოვარდნილს, ნიაღვარიანს.
რომელიც მუდამ ღმუის და ყვირის,
როგორც დაჭრილი ავი ნადირი
და ჟამთა ცეცხლის წვას და სიაფთარეს,
იგი თავისი მხრებით მიათრევს.

თავი მეორე

ტრიალ მინდორზე უხვ სილამაზით
გადაშლილიყო წყნარი დაისი
და სავსე მთვარე კრიალა ცაზე
ვიდოდა ჩუმი სიდარბაისლით.
ტყე უდაბური, ტყე გულზვიადი,
ახლა მდუმარე ამაყი გულით —
გარემოცული ავ სიწყვედიადით

იყო საოცრად ჩაფიქრებული.
 ხოლო ვარსკვლავნი მოკაშკაშენი
 ღამის იღუმალ ფერით ნალესნი —
 გადმოჰყურებდნენ მთელემარ ქვეყანას
 დაუსრულებელ ჩუმი ალერსით.
 მიწურულიყო ხალისი დღისა,
 თითქო მთებსაც კი ჩასძინებოდათ,
 და უზრუნველი ჩხრიალი წყლისა,
 მივარდნილ ხევში ისმოდა ოდნავ.
 იყო მოწყენით ასე გარემო
 და ასეთივე მკრთალი იერით
 ზედ დანათოდა თვალებგაშლილი
 ცა უღრუბლო და ცა მშვენიერი.
 ხოლო მწყემსი კი, იქვე ტირიფთან,
 თავდავიწყებით თავის სალამურს
 ხან აკენესებდა, ხან ატირებდა,
 მარად ტკბილსა და მარად საამურს.
 რა უნადვლოა ცხოვრება მისი,
 ტკბილი განცდები ათასგვარ ხმაზე!
 უვლის ნახირს და არცერთი ბოლმა
 მას არ აწუხებს ამ ქვეყანაზე,
 მაგრამ ჰა, უცებ, გუშაგი ძალლი,
 მოულოდნელად წამოხტა ზეზე.
 და მორთო ყეფა, რა დაინახა
 მოძრავი შავი წერტილი ველზე.
 მწყემსმაც გაჰხედა გარემოს მღუმარს,
 და რა იხილა მგზავრი გვიანი,
 ძალღს გაუჯავრდა და უცხო სტუმარს
 წინ მიეგება ხალისიანად.
 — მწყემსს გაუმარჯოს! — ეცოცხლე, ძმაო,
 თუ გულს კეთილი განზრახვა გიდევს!
 — დუშეთელი ვარ, ჯორჯიაშვილი,
 დიდი გზა დარჩა მცხეთამდე კიდევ?
 — ათიოდ ვერსი, მაგრამ ამ ღამე,
 ჯობს რომ აქ დარჩე, მეც შენთან ასე,

დროს გავატარებ და რომ იცისკრებს,
გაგალვიძებ და წახვალ შენს გზაზე!
ნუ გერიდება, ხომ იცი, ძმაო,
„ყველი და პური, კეთილი გული“
მამა-პაპიდან მოგვდევს ქართველებს,
როგორც ადათი მოწონებული.
აი, ეს არის რასაც აქ ხედავ,
რაც ქვეყანაზე მე მბაღია —
და ვეთხოვები ტანგაუხდელი,
აქ ყოველ ღამეს შეენაბადიანს.
ვუვლი ნახირს და ერთგული ძალიც
კეთილ მეგობარს ჩემშიაც ხედავს.
იმისი შიშით ულრან ტყის ნადირს
ჯოგზე დაცემა ვერ გაუბედავს.
ბევრი რამ არის აქ სახალისო,
მაგრამ მოწყენაც საკმაოდ არის.
მაგრამ მერწმუნე, ძმაო, მთელ სოფელს
ჯობს ტყეში გდება მშვიდი და წყნარი.
ეს მაინც რად ღირს, რომ ბოქაული
დაუნდობელი, ბოროტი ხელით,
რომ არ მადგია თავზე ყოველ ღღე,
გულზეიადი და ჯავრის ამყრელი.
კმაყოფილი ვარ, ვცხოვრობ აქ ჩემთვის,
ნაცნობთ, ნათესავთ, ძმათ მოკლებული,
მაგრამ ყველაფერს აიტანს, თურმე,
ძმაო, კაცის ქვა, ამაყი გული.
განა ოდესმე წარმოვიდგენდი,
მარტოკა გდებას ამ ულრან ტყეში,
ჩემი სიცოცხლის ნათელ ღღეების
ასე ჩაქცნობას სიყმაწვილეში?
მაგრამ, რას ვიზამთ, ბედი ყოფილა
მეფე, თვით ჩვენი ნების გარეშე
და გვხუთავს ყველას მისი ზვირთების,
მქუხარება და სიავთარეშე.
მწყემსი ვარ, ძმაო, მაგრამ ვარამი

ჩემი ქვეყნისა აქამდეც აღწევს.
ჩემთა მოძმეთა მწუხარე ხვედრი
მეც გულზე მძიმე ლოდივით მაწევს.
შენ ახლა მიცქერ მე როგორც მწყემსსა,
მაგრამ გენახე, ძმობილო, მაშინ,
როცა ქალაქში ყაზახ რუსებთან
და ცხელ ტყვიებთან მქონდა თამაში?!
დიახ, მეც ვიყავ ერთხელ მებრძოლი,
ერთ ღროს მეც მქონდა გული კლდესავით,
და ხალხის მტერი სადაც კი შემხვდა,
არ დამრჩენია გაუსრესავი.
მაგრამ მომწყინდა ცხოვრება მგლური
და სულ მშფოთვარე დღეები რთული,
ახლა, აქა ვარ, ვცხოვრობ, ვით მწირი
ტყესა და ველებს შეფარებული!
— განა ქალაქი ისე ცუდია,
რომ იქ ცხოვრებას ტყეში ჯობს ყოფნა?
— არ იცი განა, იქ ჩვენი ხალხი
მძიმე შრომაში იღვრება ოფლად?!
ქალაქი, ძმაო, პირდაპირია,
თანაც გულქვაა და უღმობელი,
ჯავრის ამყრელი და გულზვიადი
ოფლის და სისხლის მარად მდომელი.
მარად მოძრავი და ბობოქარი,
ნიაღვარივით დაუდგრომელი,
და მისი გული კერპად ქცეული
ვერაგია და დაუნდობელი.
ბევრი მინახავს მისგან წამხდარი
და უფრო ბევრი, ცრემლით მტირალი;
შენ ეს გაოცებს ვხედავ, ძმობილო,
მაგრამ როდია გასაკვირალი!
ახლა, სოფელსაც გეტყვი რაც არი:
იგი სიმშვიდის თითქოს მწყემსია,
მაგრამ იმისი ღველფის ნაცარი,
თვით ჯოჯოხეთზე უარესია!

ჩუმი, მკბენარი და არგამტანი,
სიხარულშიც კი, ნაღველი შეაქვს.
აქ თვითეული გლეხის სიცოცხლე
ბოქაულის და გზირის ხელშია.
მაგრამ მე გირჩევ, მაინც აქ დარჩე,
გავიყოთ ერთად ქირი და ლხინი,
როცა გული-გულს შეუთანხმდება —
მას ვერც ზამთარი დააზრობს ყინვით!
— არა, გზა უკვე არჩეული მაქვს,
მე, აქ, ძმობილო, არ მეცხოვრება!
მივალ ქალაქში, თუმცა სოფელიც —
სიკვდილის დღემდე მემახსოვრება!
მჯერა, ეგ ხსოვნა იქნება მწარე
და გულს სევდების ზღვა დააღონებს,
მაგრამ რაც დროა, ჩაჰკლავს ამ ნაღველს,
ახალგაზრდული ძალა და ღონე.
სხვა რა არის ძმავ, ამ ქვეყნად კარგი,
რომ ესეც ჩვენთვის კეთილი იყოს!
ცხოვრება მოჰქუხს, როგორც მდინარე,
ჩვენ კი, ქვეები ვართ თვალუწვდენ რიყის!
და ამ ქვებს ტალღა ავი მდინარის,
რომ მიაგორებს თავის ნებაზე —
ქაფი დუღს, ტალღა კლდეს შეჰღრიალებს,
ქვა კი არ ფიქრობს დამარცხებაზე!
მშვიდობით, ძმაო, მადლობელი ვარ,
რომ მესაუბრე გულთბილად ასე,
ღმერთმა ჰქნას, კიდევ შევხვედრილიყოთ
ერთმანეთს, ჩვენი ცხოვრების გზაზე!
თქვა ეს და ღამის სიწყვილიადეში
წამს გაექანა, კეთილი მგზავრი.
მწყემსი კი, იდგა თავის კარავთან
დაღონებული, აღვსილი ჯავრით.
და შორს ტყისაკენ მიმავალ ლანდურს,
ისე უცქერდა ჩუმი ხალისით,
რომ ამ დროს იგი სასომიხდილი,

ცოდვა იყო და შესაბრალისი.
ვინ იცის, გულში რა მდულარება
უტრიალებდა ნიაღვარივით?!
იღვა მარტოკა, იღვა მოწყენით,
ვით უთვისტომო ვინმე ყარიბი!
და არემარეს მოკრიალებულს,
მინდვრებს ცვარნამას და უტალახოს,
იგი უცქერდა ისე მშიერი,
როგორც ირემი საიალადოს.
მგზავრი კი მიდის შეუჩერებლივ,
და მისი ცეცხლით აღსავსე სული
წინ ეზიდება მოქანცულ სხეულს,
ახალ ცხოვრებას მოწყურვებული.

თავი მესამე

უკვე ახლოა დედაქალაქიც,
ხოლო პირქუში ნაძალადევი,
როგორც ამაყი არწივი მთისა,
წამოსკუპულა ფერდობის ზევით.
აქ ერთი სახლი ირჩევა მხოლოდ
მნათობის შუქზე, ვით ანარეკლი
და იგიც ისე დგას მდუმარებით,
ვით მივიწყებულ საფლავზე ძეგლი.
ამ სახლში ახლა სძინავს გიორგის,
მუშას, მხნე მებრძოლს, ვაჟკაცს და ზვიადს,
სძინავს და მკერდი ამირანისა
რა უდარდელად გაუღელია! ()
მთელი დღე შრომით მოღლილი ოდნავ,
ახლა სხეულიც ეძლევა ძილსა —
და რა იცისკრებს, მსწრაფლ უნდა ადგეს,
ქარხნის საყვირის მძლე დაძახილზე.
თუმც განთიადი კიდევ შორს არის,
ცისკრის ვარსკვლავიც არა ჩანს ცაზე,
მაგრამ ვინ არის, ასე სიფრთხილით

რომ უკაცუნებს გიორგის კარზე?
 — ვინ აკაცუნებს? — მე ვარ, არსენა!
 — არსენა? — დიახ, ჯორჯიაშვილი!
 — ჰა, მოდი, მოდი, ჩემო არსენა!
 და უცებ გაფრთხა თვალთაგან ძილი.
 — საიდან, ძმაო, რამ გაიძულა,
 რომ წამოსულხარ ფეხით ამ ღამე,
 იქნებ ცუდი რამ ამბავი მოგაქვს
 ჩვენი სოფლიდან, მითხარი რამე?
 — ძალიან ცუდი, ჩემო გიორგი,
 არაფერს არ გავს ცხოვრება ჩვენი;
 ყაზახ-რუსების ავმა თარეშმა
 მთლად მოგვისწრაფა სიცოცხლის დღენი!
 ზოგს ცივ ციმბირში უკრეს ძმავ, თავი,
 ზოგიც საცანში ახლაც ზის ობლად,
 რა სურათია, რა გულსაკლავი.
 ოხ, რომ იცოდე, გიორგი, სოფლად!
 სულ წახდა, ძმაო, ცხოვრება ჩვენი
 და გაითელა ხალისიც თემის,
 ვაჭარი გვღლეტს და ბობოლა გვხუთავს,
 ბოქაული კი, მათრახის ცემით
 დაივლის სოფელს და სადაც ნახავს,
 კაცს შეამბოხეს და მეფის მძრახავს
 ჯავრის ამოყრას არ აგვიანებს —
 და თხრის მთელს ოჯახს ძირბუდიანად.
 რამდენი კაი ვაჟკაცი წახდა
 ასეთ ბრძოლაში იმ ვერაგ ძალღთან?
 რამდენის დედა ატირებულა,
 მხეცის წინაზე ბრალად და წყლულად,
 მაგრამ ჰე, ძმაო, ვერაგი გული,
 შხამით და გესლით ადუღებული,
 მეც მწვავედ დამწვდა განზრახვით ავით
 და მასთან ბრძოლით წავაგე თავი!
 — შენთან აბა, მას რა ხელი ჰქონდა?
 — ის ხელი ჰქონდა, რაც სხვებთან, ძმაო,

განა ღრინკელს თუკი საკმაოდ
ნეშტარში გესლი მოეპოვება
დაგზოგავს რითმე? მეც, ძმაო, ისე,
გულში ჩამიკლა მან სიხალისე
და ჩემი სიყრმის გაფურჩქვნილ იმედს
რკინის ურდული დაადო მძიმე.
დღეს ისევე ვხარშავ ამ უბედობას,
ბოღმას, ნაღველს და უიმედობას,
ცეცხლსა და ზავთსა ჩემივე გულის —
ერთად რომ არის ადუღებული.
ვხედავ, რომ გიკვირს, მაგრამ ჰე, ძმაო,
ახლა ჩემს გულში ხანძარი ავობს,
რომლის გუგუნი შესაძლო არის
არც კი გესმოდეს ესოდენ მწარე,
მაგრამ მე ვხედავ, რომ შენ გულშიაც
მას ღრმად ფესვები გადაუშლია,
რადგან სახეზეც კმუნვისა სხივი —
დახანძრებული ელფერიტ ჰლვივის.
ნუ მიწყენ, ძმაო, რომ აგრე უცებ,
ჩემი ვარამი გატაკე გულზე!
იყო დრო, როცა მზარავ ღვარებად
იგი სხვა გულსაც ამღელვარებდა!
თუ კი მომისმენ, ყველაფერს გეტყვი,
თუ, ვით გაფუქდა ცხოვრება ჩემი.
ეს თქვა და უცებ შემოტრიალდა,
ცეცხლით ანთებულ თვალების მჩენი.
— ეს იყო წრეულს, ცხელი მკათათვე
იდგა, ვით ღველფის მწველი ლაღარი.
უჭირდა კაცს და ნახირსაც მინდვრად,
გულს უწუხებდა მცხუნვარე დარი.
შემომწყვდეული ასეთ ხრიოკში
ტოროლაც სევდის ხმით დაგვტიროდა:
ხან კი გვესმოდა ჩხრიალი წყლისა,
ჩვენი მდინარის სანაპიროდან.
უწინ ეს მხარე, მწვანეთ გაშლილი

ჩვენი მდინარის ლამაზი ქალა
თემს ეკუთვნოდა საიალალოდ.
მაგრამ ვერაგს და უსისხლო ჯალათს
გულს ეყრებოდა, რომ ეს ველები
იყო ძველადვე გლეხების ხელში;
ბრაზი უჭერდა მგელსავით ყელში,
და ეს ველები პაპისეული,
ბოროტმა ჩვენდა გულისაკლავად
გადასცა თემის დამღუპველ თავადს.
ბევრი ვიყვირეთ, მაგრამ ჩივილით
არაფერიც არ გამოვიდა რა;
მზეს დაეფარა შავი ღრუბელი
და შემდეგ აღარ გამოიღარა.

ეს იყო შარშან, წელს კი, როს ავი
მოგვხვდა მკათათვე ცხელი და მწვევე,
გადახმა მდელი, ხმა მისწყდა რუსაც
და ველი მზისგან გადაიტრუსა, —
ჩვენ ბოქაულის დაუკითხველად
საძოვრად ჯოგი მივრეკეთ ველად.
ბოქაულთან კი, წესის მიხედვით,
ამოგვიჩიეს სამიოდ კაცი,
რომ მოგვეტეხა თხოვნით იმ მხეცის
ტლუ ხასიათი ავი და მკაცრი.
ჩვენ რომ მივედით, სამხარი იყო,
მზე გადასული წითლად ელავდა;
ბოქაული კი, ეზოში მარტო
ბოლთას სცემდა და ძალზედ ღელავდა.
თურმე, გაეგო იმ სატილოს,
რომ დავბანაკდით მდინარის პირად.
ვაი, თქვენს მტერსა, რაც იმან გვიყო,
მისვლისთანავე შემოგვიბღვირა:

— როგორ გაჰბედეთ, არამზადებო,
 ნახირის აყრა დაუკითხველად?
 განა, არ იცით, რომ საძოვრები
 თავადის პაპას ეჭირა ძველად?!
 თითქო ეს არის ძლიერი მეხი
 თავს დაგვეცაო, ამგვარად ჩვენა
 ვიდექით ყრულ და აღარ ეძროდა
 არც ერთს ჩვენთაგანს მეტყველი ენა.
 მაგრამ, ვით ხშირად ქუხილის შემდეგ,
 ტყე შებერტყილი ცოცხლდება ისევ,
 მეც აგრე გულმა არ მომიტმინა
 და ბოქაულთან მივიჭერ მყისვე:
 — როგორ! შევეყვირე: — ჩვენ იმ საძოვრებს
 არვის დაეუთმობთ ცოცხალი თავით!
 იქ ჩვენს წინაპრებს ჩაუთესია
 ოფლი და სისხლი, ღონე და მკლავი!
 — შეხეთ ამ ლეკვსა, როგორ ყუფს აქა?!
 იყვირა მხეცმა და მისი გული
 ისე გასივდა ავ ბრაზისაგან,
 ვით მოშხამული გესლისგან წყლული.
 — მაშ, როგორც ვხედავ, შენ არც კი ფიქრობ,
 საწყალ ხალხზე რომ იბრუნო გული!
 რა დავაშავეთ, ჩვენ ხომ არა ვართ
 ტყეში გაჭრილი ყაჩაღი, თული?!
 ჩვენც ხომ კაცნი ვართ, ამ ქვეყანაზე,
 დღე და ღამ ვშრომობთ, არ დრკება მკლავი.
 თუ ბრძოლა არის, ჩვენც შეგვიძლია
 ცხარე ბრძოლაში გავსწიროთ თავი!
 — შეხეთ ამ რეგვენს, რაებსა რომაეს,
 სულაც არ ესმის ამ ხეპრეს ჩემი!
 — როგორ არ გვესმის? შენ სასაცილოდ
 ვხედავ არ გყოფნის წუხილი თემის!
 თორემ ეს რას გავს, მოვსულევართ შენთან,
 შენ კი, ღრიალეებ, ვით ტყის ნადირი.
 თუ საქმე მხოლოდ ყვირილი არის

ჩვენც შეესძლებოდა ასეთ თავხედურ ყვირილს!
ვთქვი ეს მწარედ და ის იყო ბრაზით
უნდა ვცემოდი იმ მხეცს, ვით ელდა,
რომ უცებ თავზე დამკრა ყაზახმა
და მხეც იმ წუთში ჩამომიბნელდა.
ო, რა ტკივილი ვიგრძენი მაშინ,
სულ მთლად ამემღვრა გულიც და ტვინიც;
ხესაც მოთხრიდა ეს ერთი დარტყმა —
თუნდაც ფესვები ჰქონოდა რკინის!
შემდეგ არ მახსოვს მე იქ რაც მიყვეს.
ალბათ საკმაოდ იჯერეს გული,
გონს რომ მოვედი საკანში ვეგდე
დამტვრეული და დალურჯებული.
— შემდეგ? — რაც მოხდა, ნუ მკითხავ, ძმაო,
გულის დამტვრეული ამბავი არის;
სოფლის დასჯის და აოხრებისთვის
ჩამოაყენეს ყაზახთა ჯარი.
ბევრიც გადასწვეს, ააწიოკეს,
ბევრ კარგ ვაჟკაცსაც მოუკლეს გული,
მთელი სოფელი, ჩვენი სოფელი
დამწვარია და გადაბუგული!
გული რაც უნდა სალი კლდის იყოს
ამდულარდება სისხლად და წვიმად,
როს შენი ქვეყნის მშრომელთა იმედს
უცქერი, როგორც გატეხილ რკინას.
მაგრამ, ეს რკინა კვლავ გამრთელდება,
კვლავ შემოიკრებს ბრძოლებში იმედს
და მტერს, დღეს ასე გაბოროტებულს
თავს დაეცემა ლოდივით მძიმე.
მეც სხვებთან ერთად საკანში ამ დროს,
ვით გალიაში ბოკვერი ლომის —
ვიჯექი ობლად და გულს მიკლავდა
წუთები მძიმე ტანჯვის და კვდომის!
მაგრამ, ვით ხშირად დატყვევებული
რკინის ხაფანგში გული ლომისა

შფოთავს და კბილით ღუნავს სალტეებს —
 უკანასკნელად მცდელი ღონისა, —
 ისე მეც, ძმაო, აღშფოთებული,
 ვით გავარდნილი ვერაგი მხეცი,
 დავსწვდი კედელს და რაფი ლანძვისა
 გამოვამტვრიე და გავიქეცი.
 — შაბაშ, ბიჭობას, ჩემო არსენა,
 ეს კი, ნამდვილად გივთქვამია!
 — მაშ, სხვა რა მექნა, თუ არა ესა,
 ცხორება, ძმაო, ძალზე მკაცრია!
 თავს თუ დაუდებ, ისიც უხეშად,
 დაგიბრიყვებს და დაგიწყებს თელვას,
 არ შეიბრალებს შენს კარგ ბიჭობას
 და არც შენს კაცურ გულის ღრმა ღელვას.
 ახლა, შენ თვითონ იგრძნობ ყველაფერს,
 ჩემი ცხოვრება წინ დგას ვით სარკე.
 ერთი გზა მქონდა გადაუჭრელი,
 და ეს გზა იყო ქალაქისაკენ.
 ახლა, შენთან ვარ, გულიც მაშვრალი,
 ერთ დროს მღელვარე, მწველი ვით ალი,
 დამშვიდდა ოდნავ, მაგრამ ჯერ კიდევ
 განცდილ წამების ბოღმებს ვით ვიტევ;
 ის გულში ღვივის და რაც დრო არის —
 გადმოიღვრება ცეცხლის მთოვარი.
 მაგრამ რაც არის დე, დარჩეს ასე,
 გულს მარტო სევდა ვერ ამოავსებს.
 მასში სხვაც ბევრი გრძნობაა წრფელი,
 სიკვდილის დღემდე დაუშრეტელი.
 მაგრამ რაც დროა, ამ გრძნობებს გულის,
 ერთად რომ არის აღუღებელი —
 ვერ დააკავენს სალი კლდე მწირი,
 ვერც ზღუდე მტკიცე ქვისა და კირის,
 გახეთქს თვით რკინას, ამაყი გულით —
 ამ ცხოვრებაზე ამხედრებული.
 მსურს შენთან დავრჩე, ცხოვრება მძიმე

აქ ვერ ამომგლეჯს გულიდან იმედს!
 არაფერია იყოს წუხილი,
 ორ ტანჯულ კაცის გულის დუდილი,
 ახლა რომ გვაჩენს დაღივით ღარებს,
 აღარ იქნება ესოდენ მწარე.
 მეც შევეჩვევი შრომას და ბრძოლას,
 ავი ქარიშხლის სუსხიან ქროლას.
 და მძლე ბრძოლებში მეც თქვენთან ერთად
 ვიქნები მარად, მრისხანე ბედთან.
 — მაშ კარგი, დარჩი, რაკი გასურს ასე,
 ერთად ვიართო ცხოვრების გზაზე.
 მაგრამ ხომ იცი, ჩვენი ცხოვრება,
 არა ჰგავს, ძმაო, შენს განვლილ დღეებს!
 აქ ბრძოლაც არის და შემდეგ გული
 იგრძნობს ათასგვარ სხვა სიძნელეებს.
 შრომობ მთელი დღე და, როგორც გრდემლი,
 გავარვარებულ რკინებთან დგებხარ:
 თქრიალებს ოფლი და მანქანებიც,
 აქ სულ მთელი დღე გრიალებს მეხად.
 წუთი არ არის მოსვენებისა,
 თითქოს მკერდიდან რკინა გულს თხრიდეს,
 თავი მომიკვდეს, თუ რომ ასეთი,
 გამწარებული ცხოვრება ღირდეს!
 შენ, ახლა გიკვირს, მაგრამ მე მჯერა,
 შენც შეეჩვევი ჩაქუჩის ჰერას;
 გულს მოიბრუნებ, შეხედავ სხვებსაც —
 მწარე ბედის ქვეშ მყოფ ჩაგრულ ძმებსაც
 და მათთან ერთად ჰაპანის წყვეტაც,
 გახურებული რკინების კვეთა —
 რომ გეჩვენება შენ ცეცხლებრ მწველი
 აღარ იქნება ესოდენ ძნელი.
 მაშ ასე, დარჩი, ჩემო არსენა,
 მე ხვალ მოგიწყობ დეპოში რამეს.
 უნდა ოფლს ღვრიდე, შრომაშიც ძმაო
 არის ერთგვარი რაღაც სიამე.

შემდეგ გაგაცნობ ჩემს ამხანაგებს,
 საერთო საქმეს მომავალ დღეთა,
 თუ როგორ უნდა ბრძოლა ხსნისათვის
 გათავხედებულ და ვერაგ მტერთან.
 თუ როგორ ვიბრძვით, ან რისთვის ვიბრძვით,
 ან როგორია ეს ბრძოლა ახლაც,
 რომლისთვის გული უძგერს ათასებს
 და არ იციან რა არის დაღლა!
 დიახ, ყველაფერს გაიგებ, რადგან,
 შენს მებრძოლ გულშიც კვლავ ცეცხლი ჰკვესავს.
 შეერთებული მუშური ღონით,
 თუკი შევეუბნეთ, — გავარღვევთ კლდესაც!
 დიდხანს, სულ დიდხანს ორივე ასე
 ლაპარაკობდნენ ლხინსა და ქირზე,
 ხან მღელვარების ცეცხლი მგზნებარე,
 გადაურბენდა არსენას პირზე.
 მაგრამ, როდესაც მათ საუბარში
 სულ მისწყდა ბოლოს გრძნობები ტკბილი,
 მძლე დაღლილობის იფეთქა ძალამ
 და მოეკიდა ორივეს ძილი...

თავი მეოთხე

ნაძალადევი, როგორც დევი ნაიარალი,
 არის ერთგული მოდარაჯე წითელი დროშის,
 ბევრი ბრძოლები მას უნახავს სხვადასხვა დროში.
 შეგებებია მშრომელთ დღეებს ქუფრს და მწუხრიანს,
 მაგრამ მას ქედი არასოდეს არ დაუხრია.
 აქ. ხარ-კამეჩებს სოფლის ბიჭი აღარ აძოვებს,
 ს მაგიეროდ მანქანები კუპრის ტბას სწოვენ.
 და თუ შენ ხედავ, მეგობარო, აქ, უბირ ქოხებს,
 ნაძალადევი კვლავ გმირია და მეამბოხე,
 რომლის ძარღვებში ღელავს სისხლი — ქვის გამკვეთელი
 და მღელვარება სანაქებო, დაუშრეტელი.

იგი გმირია და მის ნებას ქლიბით ალესილს,
ვერ იმორჩილებს მრისხანება და ვერც ალერსი.
უჭირავს დროშა, სისხლისფერი, მრისხანეც არი,
ვით მთის ფერდოდან გამძაფრებით მომსკდარი ღვარი.
და რაც არ გლიჯონ გრიგალებმა, ის მაინც არი
დაუძლეველი, საქართველოს ბაირახტარი.

თუმცა არ გვესმის ტკბილხმოვანი ჰარი-ჰარალი,
მაგრამ გულები ნასეტყვი და ნაიარალი
მარსელიეზას დანთებული ხანძარით აბება.
მომავალს გული გაუშლია, წარსული კვდება,
და დღეს, ვით დევი, გულმხურვალე ნაძალადევი,
რომ ქუხს და ლელავს, აღარა ჰკავს მკენესარ იადონს, —
ამხანაგებო, ჩვენც ვიმღეროთ საგანთიადოდ!

სად დაიკარგა ხალხის ხალისი,
ნუთუ, მან სწრაფად გზები მოლია,
და ცხრაას ხუთის მომსკდარი ძალა,
ცხრაას ექვს წელმა გაიყოლია!
მაინც სად არის ეს ვაეკაცები,
მარსელიეზაც რად არ გრიალებს,
რომ ხალხში ჰქუხდეს ტრიბუნნი ისევ,
თავგანწირულად მოხეტიალე?!
მაგრამ პასუხი ვინ თქვას, როდესაც,
ჰქრის ცხრაას ექვსის მსუსხავი ქარი.
გრიაზნოვი კი, თავაშვებული —
თარეშობს ყველგან ყაზახთა ჯარით.
აგერ, მიუხტა გაფიცულ მუშებს,
გააფთრებული, ვერაგი სვავი.
გაჩაღდა ბრძოლა უთანასწორო,
ბრძოლა ფიცხი და გულის საკლავი.
არც ერთი მხარე არ თმობს ბრძოლის ველს,
გულშემწარავი გრიალი არის.
უიარაღო მუშებს არტყია
მშიერ მგლებივით ყაზახთა ჯარი.
მაგრამ, ვით ხშირად, ზაფხულის სეტყვა,
დაიგრიალებს ქუშად და ბნელად,

თვალუწვდენ ველის არემარეზე
დარეგვავს ჯეჯილს დაუზოგველად, —
ისე მუშებსაც ყაზახთა ჯარი
თავის ძალღონის დაიმედებით,
თავს დაესხა და დარეგვა უცებ
გაცოფებული ვეფხის კვეთებით.
და ჰა, ღრუბელი მწუხარებისა,
კვლავ გაიშალა სამშობლო მხარეს;
ჰქუხს მღელვარება, გრიალებს ხმები,
შურისძიებით აღვსილი, მწარე.
ყველგან ტირილი, გლოვა და ზარი,
ქუჩის კიდურზეც სისხლის ხაზია:
აქეთ ხარხარებს შავი ძალები,
იქეთ ნებივრობს ბურჯუაზია.
მუშები გმინავს, ყრუდ ისმის ხმები:
კოშკიც ინგრევა რკინით ნაგები.
არ ხმაურობენ სახელოსნონი,
არ გრიალებენ, ლიანდაგებიც.
და, ვით ბრძოლაში მძიმედ დაქრილი,
წევს ფრაკიელი გლადიატორი,
ათასი უცხო გარეშე თვალი
მას, რომ დაცინვით უცქერის შორით, —
ისე თბილისიც ღარიბ-ღატაკთა,
რომ არ ხედავდა არსაით იმედს,
უთანასწორო ცხარე ბრძოლაში,
თავგანწირული დაეცა მძიმედ.

ნაძალადევი მაინც ჰქუხს მედგრად,
შურისძიება ახლა მეტია;
მრავალი წლობით ნაგუბი ბოდმა,
ხალხს უკვე გულში არ დაეტია
და როგორც მხეცი დატყვევებული,
გარეთ რომ იწევს მეხივით მალი,
ენტება ბრაზით, ურტყამს ტორს კარებს,
საკუთარ ბედზე შმაგი და მწყრალი.

ლეწავს სალტეებს, ზაფრის თვალებიც
 აქვს ამღვრეული, ვით წყალში ღვინო,
 უნდა გავარდეს გარედ, რომ შემდეგ
 ივითონაც წახდეს, სხვაც წაახდინოს, —
 ისე მრისხანე ნაძალადევიც,
 შურისძიებით მთლად ანთებული,
 ადგა ბრძოლებით შთაგონებული,
 რომ გრიაზნოვზე იჯეროს გული.
 — ვინ მოჰკლავს მტარვალს, იძახის ვადაც.
 — მე, მე, მე, — არის პასუხი ბევრი,
 და კვლავ ბობოქრობს აღშფოთებული,
 დაუცხრომელი ტალღების ტევრი.
 ჯალათის მოკვლის მსურველთა შორის
 არის არსენა ჯორჯიაშვილი,
 არწივის სახეს შვენის სიმკაცრე,
 და შუბლს — შავი თმა ხუჭუქად შლილი.
 ზღვა ხალხის ტალღა გასჭრა მან ისე,
 ვით ძლიერ ქარბუქს სჭრის შევარდენი,
 და დამშვიდებით დადგა კრების წინ,
 ლამაზი სახის ამაყად მჩენი.
 — ამხანაგებო, მე დამავალეთ,
 ეგ ჩემზე იყოს ვერაგი სვაფი.
 თუ შეგარცხვინოთ, — მოკვდეს არსენა, —
 თუ არ გავწირო ხალხისთვის თავი!
 მე არ წავახდენ ჩვენს წმინდა საქმეს,
 სანამ გული ძგერს მართალი ძგერით;
 სანამ არ მომკვეთს თავსა და მკლავებს.
 ბასრი მახვილით ვერაგი მტერი!..
 — ვაშა არსენა, დაიგრიალეს,
 მუშებმა მტკიცე მჰქეპარე ხმებით
 და მას გაბედულ გულწრფელობისთვის
 გადაეხვიენ ჩაგრული ძმები.
 და, ვით მშობელი დედა მტირალი —
 შვილს ეთხოვება სიკვდილის წინა,
 თვალებიდან სდის კოკისპირული

ღრმა მწუხარების ღვართქაფა წვიმა, —
ისე მუშებიც, ახლა არსენას,
რომ აღარ სურდა ცდა და ლოდინი,
წასვლის წინ, როგორც ქირისუფლები,
ეთხოვებოდნენ გულდაკოდინი.



ვინ არის იგი, ნაბიჯით ჩქარით,
რომ მიისწრავის შურდულის მსგავსად,
ტანს რომ ფარაჯის კალთებს აფარებს
და ყაბალახით რომ მალავს თავსაც?
ვინ არის იგი, აგრე გაბედვით,
რომ სურს დაუდგეს გრიაზნოვს წინა?
ქვა ხომ არ არის ეგ დალოცვილი,
ანდა, უტეხი ხორასნის რკინა?
მაგრამ, ეგ ხომ ის არსენა არის,
თავდადებული მებრძოლი ცხარე,
ბევრჯერ რომ ცეცხლის წვიმა უნახავს,
და უფრო მეტჯერ დღეები მწარე!
ყუმბარით ხელში, ის მტარვალს უცდის,
რომ თავზე დასცეს გლოვა და ზარი.
ზამთარი ბრაზობს, და სუსხიანი
დასავლეთიდან გრიალებს ქარი.
მაგრამ, ის მიჰქრის შურდულის მსგავსად,
არ ერიდება მიმავალ მგზავრსაც;
ისევ ვით ვეფხვი ბასრ კლანკითება
მსხვერპლს რომ მოსხლეთით გაეკიდება
დაუზოგველი, ფიცხი და მწყრალი,
თუკი შორიდან მოჰკრა მას თვალი.
და ჰა, გამოჩნდა ქუჩაში ეტლიც,
რომელშიაც ზის ვერაგი სვავი.
კლდეზე მიჯაჭვულ ამირანის მკერდს
რომ არ აკლებდა კორტნას და ჩხავილს.
არსენაც უცებ გასწორდა წელში,

როგორც უღელში მამაცი ხარი.
შიში არ იპყრობს? კითხულობს ვილაც:
— სრულიად არა, — იძახის მტკვარი.
ეტლიც თანდათან უახლოვდება,
არესაც. ზამთრის ებურვის თალხი.
ახლაც არა კრთის? — კიოხულობს ვილაც.
— სრულიად არა, — ღრიალებს ხალხი.
და ვით ყაჩაღი ჩასაფრებული,
მტერს დაუხვდება ამაყს და ზვიადს,
რომ ჩუმად, თოფის ერთი გასროლით,
თავის მოქიშპეს აგემოს ტყვია, —
ისე არსენაც ჯალათ გრიაზნოვს,
რომ გაუსწორდა ქორივით მალი,
დასცა ყუმბარა, და უცებ ეტლსაც.
მოედო მწვავე ხანძარის ალი.
მძიმედ დაიჭრა ხალხის მგვემელი,
კენესოდა მწარედ, უწუხდა გული
და ასეთ დუხჭირ მწუხარებაში
დალია თავის ცოდვილი სული.
ხოლო არსენა თავის საშველად
მირბის ძალღონე დაუზოგველად,
მაგრამ დამქაშთა მთელი კრებული
მისდევს მას უკან ამხედრებული.
და ვით უდაბურ ტყის განაპირად,
სულგანაბული ზის მონადირე:
მეძებრები კი ყეფენ ბრაზისგან,
მისდევენ ტყისკენ გაქცეულ ირემს,
არის გრიალი და ტყის შრიალი,
დაფეთებული ზანზარებს არეც,
ბოლოს, რომ თოფი იჭექებს სადღაც
და ძირს ირემიც ეცემა მწარედ, —
ისე არსენაც, მტრისგან დევნილი,
წინ რომ მიჰქროდა, ვით შევარდენი,
უცებ იგრძნო, რომ წამოეწია
გაცოფებული ყაზახი ცხენით.

ჯალათმა დაჰკრა კონდახი თავზე.
და ამ დარტყმამაც ისე იქუხა,
რომ ძირს დაეცა გულშელონებით
არსენა, როგორც მოთხრილი მუხა.

თავი მეხუთე

ამაყი თბილისი, როგორც მდუმარება,
მძიმე ფიქრებშია ჩაფლული ღრმად
და ყოველ უბნიდან, ქარის მქუხარებით,
მოდის მღელვარებით მუშების ხმა.
თითქოს ცრემლებია დედის დაღვარული,
ისე იღუშება უღრუბლო ცა.
და ტკბილ იმედებს გული დაღარული,
თითქოს განუზომელ გრძნობებით წევას.
რომელმა საგულემ უნდა აიტანოს,
ესოდენ წველება ნათელი დღის,
როდესაც ჯალათი ყოველ მოედანზე,
გულებს საგულედან წამებით თხრის.
როდესაც ძლიერი სწრაფვა იმედისა,
და უძვირფასეს სიტყვების თქმა,
რჩება უდაბნოსა შინა მლაღადებლად
და იმედს შორეულს უფსკრული ნთქავს.
როდესაც, ეს ცეცხლი უხვად მოვლენილი,
თვით ჯოჯოხეთის ცეცხლებსა ჰგავს,
როდესაც უსისხლოდ არ გადარჩენილა,
თბილისის ქუჩებში არც ერთი ქვა,
როდესაც ელეტაა მებრძოლთა რიგების
და სისხლის ღელეც, რომ ტრიალებს ღრმად,
სად არის ასეთ დროს მძლეველი მახვილი,
სად არის ასეთ დროს სიმართლის ხმა?!

სცრის ნელი წვიმა წვრილ მარგალიტებს,
ხან თოვლის ბრტყელი ფანტელიც ცვივა,
და ცივი ქარი ყრუ დაღონებით,
ციხის ლანძვებში საბრალოდ წივის;

ხოლო არსენა ოთხ კედელს შორის,
 განშორებული საყვარელ არეს,
 ზის მარტოდმარტო, დაღონებული,
 მშფოთვარე გული უკვდება მწარედ.
 ციხევ, მოგიკვდეს ამშენებელი,
 შენ ხარ ვაჟკაცის დამღონებელი,
 შენ ხარ წვალების დილეგი მარად,
 ბევრი მებრძოლი შენით წამხდარა
 და როგორც ჩვარი, წამხდარი მწარედ —
 დაცემის შემდეგ გისვრია გარეთ!
 რა ცუდად გივლის შესაზარები,
 ქვის კედლები და რკინის კარები,
 ეგ რომ არ გქონდეს, ტყვე უბედური,
 მთელი დღე თავის ხედრს რომ ემდურის —
 ხომ უზრუნველად გაიპარება,
 სადმე მთის ძირას დაიმალება,
 იქ, სად ყოველდღე კარგი დარია,
 სად მისი ნახვა, რომ უხარიათ:
 ციკაბო კლდეებს, მინდვრებს და ველებს,
 დიდი ხნით მწყურვალ საყვარლის ხელებს,
 იქ, სად ძმებსა და მეგობრებს შორის,
 კაცს შეუძლია იცხოვროს შრომით.
 აქ კი, საკანში მთელი დღე მარტოდ,
 ზიხარ და ისევ შენს თავზე დარდობ —
 მოშორებული სახლ-კარს და დედას.
 მზეც დღეში ერთს არ შემოიხედავს
 თავის სხივებით, ელვარე — მწველით,
 რომ ოდნავ გაშრეს კედლები სველი.
 და ზიხარ ასე, და ზიხარ მარად,
 ხან აღშფოთებით, ხან კიდევ წყნარად.
 არვის აწუხებს ვარამი შენი,
 მოღის და მიღის წვალების დღენი,
 და ამ ყოფაში ილევით ისე,
 როგორც ზაფხულში ყინული მთისა!
 არსენაც ასე, ნახევრად მკვდარი,

საკანში ზის და არ უცემს გული;
შეუბრალებელ ცემა-გვემისგან
აქვს მთელი ტანი დაღურჯებული.
ხოლო მის გვერდით, ზის ტყვე ყაჩაღი,
წუხს, რომ კაცს ხედავს იგი ამ დღეში.
თავზე ევლება, ვით ძმას საყვარელს,
რომ გაამხნევოს ოდნავ ნუგეშით.
— მოცოცხლდი, კაცო, რა გემართება,
სულ ხომ არ უნდა იყო, ძმავე, ასე?
— ა, შენ ხარ, სიკო? ცუდად ვარ, ძმაო,
თითქოს ვილაცა ყელს მიჭერს თასმებს.
ძვლებიც სულ მტკივა, თან მიდის გულიც,
ამდენ ცემისგან დაღურჯებული.
გუშინ შენ, ძმაო, ძლიერ მაამე,
ახლაც იმგვარად მოპყევი რაზე!
თუმცა, ჯერ არა, ჩემია ჯერი,
მეც მსურს, როგორმე თუ კი შევძელი —
გაგაცნო ჩემი მწუხარე ბედი,
ჩემი წახდენის წინამორბედი.
თავს არ შევაწყენ, გეტყვი სულ მოკლედ.
როგორ გასტეხეს და როგორ მოჰკლეს,
ჯანსაღ ხალხით აღსავესე გული,
ახალ ცხოვრებას მოწყურებული.
რალა დავმალო, მეც, ჩემო სიკო,
ბევრჯერ მიგრძენია უმეგობრობა,
აი, თუნდ, როცა ვიყავი სოფლად,
მაშინაც ვგრძნობდი თავს მე, იქ ობლად.
არა მხიბლავდა არც შინ, არც გარეთ,
ერთფეროვანი ცხოვრება მწარე,
თავდახრილობა, მდორე და მკვდარი.
მე მიზიდავდა ცხოვრება ჩქარი,
და ერთ დღეს, როგორც ნადირი, მხეცი,
მშობლებს სოფლიდან გამოვეჭეცი.
ბევრი რამ ვნახე ქალაქში, ძმაო,
არ ჩაუვლია სულ მთლად ამაოდ,

აქ, ახალგაზრდულ სულისკვეთებას,
გულს რომ ეხვია ცეცხლის ღვედებდად,
აქ იყო ოფლი, შრომა, ქმედობა,
ბრძოლა აქრობდა უიმედობას.
აქ, მანქანებიც ავი ხმაურით,
რომ გვაერთებდა კვამლით და მურით,
ცეცხლს ჰყრიდა შრომა, ელავდა რკინაც,
ვაქცევდით უხვად ჩვენ ოფლის წვიმას,
და ერთ ჰერის ქვეშ, რკინით ნაგებნი ---
ვიყავით ყველა ამხანაგები.
მე აქ გავიგე, თუ რატომ არის,
ჩვენი ცხოვრება ესოდენ მწარე. —
თუ რატომ უნდა იყოს ყარიბი,
ზოგი მდიდარი, ზოგი ღარიბი,
და რკინის გულმაც შეკრულმა რგოლად
ისწავლა მტერთან მედგარი ბრძოლა.

იმ დღეს, როდესაც ჩვენ ბრძოლა გვექონდა,
გვაგებდა ხიშტზე, გვირტყამდა კონდახს
ბრაზმორეული ყაზახთა ჯარი —
მე იქ ვბრძოდი, როგორც აფთარა.
მაგრამ ჰე, ძმაო, დავმარცხდით ძლიერ,
უიარაღო მუშები გვეძლიეს,
და ამ ბრძოლაში ამდგარი ღვარით,
ცხრა ამხანაგი დაეცა მკვდარი.
მათ შორის იყო მებრძოლი ქალი,
მაგრამ მას ბედი უნდო და მწყვრალი
არ მოერიდა, სრულიად არა
და სულ უდროოდ დაასამარა.
და, ვით ირემი დარჩება მარტოდ,
მეუღლის მოკვლას სტირის და დარდობს,
აღარც ხტის მთაში, აღარც ბალახობს,
თითქო ჯავრი აქვს საიალალოს, —
ისე მეც, ძმაო, დამეჭრა გული
მკერდიდან ბოლმით ამოგდებული.

მე იგი ქალი მიყვარდა ისე,
 როგორც ორაგულს ჩხრიალი წყლისა —
 როცა გრძელ ქაელებს აზვირთებს ქარი.
 და გრძნობა ახლა, იმისი მწარი,
 რომ ის ცოცხალი აღარსად არი —
 ფეხის ფრჩხილამდე მიუონავს მწარედ.
 დიახ, მიყვარდა, მასაც ამგვარად,
 ტრფობისა ცეცხლი იპყრობდა წყნარად.
 შენ ალბათ იცი, მშრომელი ქალი
 არის მებრძოლი და მასთან დედაც.
 იმისი გული ოჯახთან ერთად
 თავისუფლების იმედსაც სჭედავს.
 ის, ჩემო კარგო, არა ჰგავს ლამპარს,
 თუ რომ აენთო, უცებ რომ ქრება.
 ბრძოლაში იგი ვეფხვია ფიცხი
 და მამაკაცთან უტეხი ვნება.
 ბრძოლის ცეცხლს უფრო ამშვენნიერებს
 ბროლის მხარ-ბეჭზე დაყრილი თმები,
 თითქოს ეს არი ორად გაშლილი
 ცის მკრთალ ტატნობზე ყორანის ფრთები.
 როცა მშრომელებს ჭირის დღე ადგას,
 ისიც მხარდამხარ იბრძვის ვით გმირი
 და გადადიან ასე მის თავზე
 კაეშნიანი დღეები ხშირი.
 ან, როცა მებრძოლს ქმარს გლეჯენ მკერდით
 და განშორების წუთები არის, —
 იგი აცილებს მას არა ცრემლით,
 არამედ გმირულ სიტყვების ღვარით.
 ასეთი იყო იგი, ვინც ასე
 აღმანთო ჩემი ცხოვრების გზაზე,
 იუოს ის ანლა ცოცხალი ისევ,
 გამრთელდებოდა ეს გულიც მყისვე,
 მაგრამ მას სძინავს მთელემარე ძილით,
 აღარ ახარებს სიცოცხლე ტკბილი,
 არც მზე ცხოველი ზაფხულის დღეში.

წევს იგი ახლა ცივ სამარეში.
და მეც, რაც დროა, ვხედავ რომ მელის,
გულის განგმირვა მტარვალის ხელით.
მაგრამ მტერსაც ხომ დაუსვი ძვირად,
ვერც კი მოასწრო, რომ დაეყვირა —
თავის დაღუპვა საზარელ ხმებით.
ირგვლივ დაიფშვნა ხეცა და ქვებიც,
და მთელი არე თეთრი, ვით ჩალმა —
დაჭფარა უცებ ყუმბარის ალმა.
შენ ახლა მიცქერ მე, როგორც ძერას,
ამას ამტკიცებს ეგ შენი ცქერა, —
მაგრამ მე ჩემი რწმენის და ბედის,
ვიყავ ერთგული სიკვდილის დღემდი.
შენ ჯერ არ გესმის ხალხის მძლე ბრძოლა,
რომ გრგვინავს ახლა მეხივით მწველი.
კაცს ეგ ხან ისეთ გზითაც წაიყვანს —
სად ვერ გაივლის ვერც ერთი მგელი!
შენ კაცი მოჰკალ? მეც ხომ ვარ მკვლელი?!
ორთავე კაცის სისხლის ვართ მღვრელი!
მაგრამ მე ხალხის მტარვალს, ვით თული —
დავაღევინე ცოდვილი სული.
იგი უნაღვლოდ მიჰქროდა ქვევით,
მე კი, გულის თქმის და შურის ნთხევით
ვიყავი იქვე ჩასაფრებული —
სიხარულისგან ტოკავდა გული.
და როგორც ხშირად, ავდრიან დღეში
ქარი ღმუის და ელავს ცის თაღი,
ქექა-ქუხილიც გრგვინავს საზარლად,
როგორც სალ კლდეში გამსკდარი ნაღმი.
და შემდეგ ასეთ გრიალ გრუხუნში,
მეხი რომ დასქექს დაუნდობელი,
გააპობს მუხას თავით ფესვამდე
ცეცხლი ფოლადის გამადნობელი, —
ისე მეც, ძმაო, მტარვალს ყუმბარა
დაუზოგველად ვესროლე მწარედ,

და რა იფეთქა ბოლმა ნაღმისამ, —
შავ ღამესავით დაფარა არე.
კმაყოფილი ვარ, ჩემს საყვარელ ხალხს,
რითაც შემეძლო ვეცი პატივი.
არ დავიშურე მისთვის სიცოცხლე
და ნორჩი გული ანდამატივით.
და ახლა, როცა ნაცემ-ნაგვემი
სოსხლი აწვება გულის მხნე კარებს,
ვყვირი: — სალამი თავისუფლებას,
სალამი ძვირფას სამშობლო მხარეს!
დე, ჩემი სისხლი დაიქცეს აქვე
და შეუერთდეს აქ მტკვრის ნაპირებს,
სამაგიეროდ წარმოშობს იგი
ბრძოლის უნარით აღსავსე გმირებს.
მე ხვალ ცისკრისას აღარ ვიქნები,
ვერ დამიტირებს ძვირფასი იმეები.
ვერც საყვარელი ამხანაგები —
მხურვალე გულის მწარე ნადებით.
მაგრამ შენ გახვალ აქედან მალე,
გთხოვ შემისრულო, რასაც გავალებ!
— მონახე ჩემი საბრალო დედა —
მას მე აქ, თითქო ჩემს თვალწინ ვხედავ,
და განწირულ შვილს, ფეხქვეშ გალესილს
თითქო მეხვევა იგი ალერსით.
მაგრამ მას უთხარ, რომ შენი შვილი
საფლავში წევს-თქო მთვლემარე ძლით.
ნულარ იდარდებს, ნურცა იკვნესებს,
ნუ გადაჰყვება ადათს და წესებს,
ნურცა მოთელავს საჩოხე შალებს,
ნურც სიტყვას მისცემს გასათხოვ ქალებს,
ნურც იტირებს და ნურც ივალალებს,
ნუ ჩამოიშლის ვერცხლის დალალებს,
კრემლით რასა იქმს, სულ ერთი არის,
მე ხომ იმ დროს ძმავ, ვიქნები მკვდარი!
ჩემს მეგობრებსაც უთხარ, რომ გული

ჰქონდა-თქო თქვენზე აჩუყებული,
მაგრამ ისიც თქვი, რომ მე ვით რკინა,
ვიდექი მტყიცედ სიკვდილის წინა.
და ამ სიტყვებზე ჯანმიღებული
დაეცა იგი ძირს ისე მწარედ,
რომ ერთი წუთით შეინძრა უცებ
მულამ მდუმარე საკანის არე.
მაგრამ კვლავ ოდნავ მოსულიერდა,
რომ მორჩა გული დაგუბულ შხამებს.
გარეთ მძლე ქარი ღმუოდა ისევ,
იდგა იანვრის მსუსხავი ღამე.
ჯერ კიდევ კარგად არ გახსნილიყო
აღმოსავლეთის ლურჯი ცის კარი,
რომ რაღაც მძიმე ღრმა მწუხარებით
მთებს გაჰკიოდა მშფოთვარე მტკვარი.
ხოლო მთები კი, ორთაჭალისა
ნარიყალასკენ მიწვენილ ველებს —
თითქო ვედრებით მისჩერებოდნენ
და თბილისისკენ იშვერდნენ ხელებს.
რა გაუჭირდათ ნეტავ ასეთი,
ხომ არ მოსულა მრისხანე ხანი,
რომ გული მებრძოლ საქართველოსი,
შემოპარულმა ამოსჰკრას ღამით?!

მაგრამ, დღეს სპარსი როდი გვთელავდა,
როდი ელავდა მათი მახვილი.
ჯალათს მიჰყავდა ბნელი ხევისკენ,
ნაძალადევის მებრძოლი შვილი.
და იქ, სად ახლა მტკვარის ტალღები
ელავს მზის შუქზე პირმოციმციმედ —
ჯორჯიაშვილიც, მტარვალის ხელით
მკერდგახვრეტილი დაეცა მძიმედ.
ხოლო ის, რაღაც ხმა უცნაური
რომ აწვალებდა იმ ღამით არეს,
შემდეგ მწველ ხმებად გადმოიღვარა
და სევდის მოთქმა შეიქნა მწარე:

— მე ვარ არსენა ჯორჯიაშვილი,
მიყვარს ყუმბარის ხელში ტრიალი,
მიყვარს მშრომელი და მის გულისთვის,
თავიც გავსწირე, ოხერ-ტიალი.
ცავ, ნუ პირქუშობ ასე მწუხარედ,
მამავ, ნუ სწუხარ, დედავ, ნუ სტირი,
ჩემო სამშობლო, მშრომელო მხარევ,
ხომ აგაშორე თავიდან ჰირი!
სანამ იქნება წვალეზა ქვეყნად
და იგვემება ჩაგრული ძმები,
მანამდე სული ვერ მოისვენებს,
ვერ მოისვენებს საფლავში ძვლებიც.
მაგრამ დრო მოვა, იქექებს რისხვა,
მოიხსნის ხალხი თავიდან ურევებს
და მის მტარვალებს, პირსისხლიანებს
ძლიერი დარტყმით გაანადგურებს.
მაშინ მე მჯერა, ჩემი სახელიც,
ახლა რომ მტერი დასცინის მწარედ,
აღმობრწყინდება ხალხის გულიდან
როგორც ნააელი, პირბადრი მთვარე.
ცავ, ნუ პირქუშობ ასე მწუხარედ,
მამავ, ნუ სწუხარ, დედავ, ნუ სტირი,
ჩემო სამშობლოვ, მშრომელო მხარევ,
ხომ აგაშორე თავიდან ჰირი?!

1930

მეფისქვილე

I

კავკასიონის მაღალი ქედი
ამაყად უცქერს ხევის ყრუ ხრამებს
და მისი რბილი, თეთრი საყელო
მუდამ ელვარებს: დღეცა და ღამეც.
თერგი ღრიალებს, ღმულის, ვით მხეცი,
სალ კლდეებს შორის ძლივსღა ეტევა,
ქვებს ემუქრება დაშლა-დაცრეციტ
განუწყვეტელი მძლავრი შეტევა.
გრგვინვა ზღვაური, შფოთი და ექო,
მთები, კლდენი და წყალვარდნილები,
ვიწრო ბილიკი, — გზა საცალფეხო —
მიდის და მიდის, აღარ იღევა.
აგერ, მწვერვალი ნათელი შუბლით
უზარმაზარი ვეება, დიდი,
აღწვანებულ ხევს ჭილოფად იფენს,
კლდე ზედ აბია, ვით ყურსაკიდი.
თერგი კი მირბის და მიპლრიალებს,
თითქო ვეფხვია და მისდევს ნადირს.
შორს, შორს ყრუ ხევში გადავარდნილი
ისმის მკვეთრი ხმა მისი ჩხრიალის.
აი, ამ ხევში წისქვილი ობლად
შეკედლებია გულქვა გარემოს.
ფქვავს და ფქვავს სიმინდს, ხან კიდევ ხორბალს,

თითქოს, იგიც გრძნობს ამ ფქვაში გემოს!
წისქვილში ფქვილის ბუქი და მტვერი
და დოლაბების მძაფრი ტრიალი
ისმის მთელ ხევში შეუჩერებლად,
როგორც დაკრილი მხეცის ღრიალი.
აქ დღეც კარგია, მზე მოკრძალებით
მცხუნვარე სხივებს აფენს ხევს თავზე,
მთები სხედან, ვით ამორძალები,
თვალებს აშტერებს ეს სილამაზე.
დიდი ხანაა, რაც აქ წისქვილი
ხევის ბინადართ ხალისით ართობს,
მის ლამაზ ბანზე მთა-გორად ჩრდილი
მოჩუქურთმებულ სურათებს ათოვს.
აგერ წისქვილის გაილო კარი,
გარეთ გამოდის ქალარა ჯიბუ,
ეტყობა, გულს სწევას ნაღველი მწარე
და ვნებიანად აბოლებს ჩიბუხს.
აგერ, წისქვილის ზემო ბანიდან
ქალმაც კისერი გადმოაღერა
და ნორჩ აისის სუნთქვა და ძგერა
მისმა თვალებმა ისე დასწურა,
რომ ძნელი იყო გასარკვევადა —
ამ ხევის არეს — ცაღ შემაერთი
მზე აძლევს სითბოს, თუ ეს ქალ-ღმერთი?!

II

ეგ ცოლ-ქმარია ამ ობოლ ხევში,
მათ არ იციან ჯერ ავი კვნესა.
ჯიბუ გართული არის საქმეში,
მზია კი მთაში ცხერის ფარას მწყემსავს.
ჯიბუ მოხუცდა, ახალგაზრდული
ცეცხლიც მკლავებში თითქოს მიხელდა,
კვლავინდებურად არ ერჩის გული
და ეს ტყვილით უღვიძებს ელდას.

მზია კი ცეცხლით სავსეა ისევ,
სახემზიური, ნაზი და ქორთა,
ორ გიშრის ტბაში ზის სიხალისე
და უზრუნველი ლამაზი ყოფა.
— მზია ქალაუ, დროა, რომ ცხვარი
დილაადრიან შერეკო მთაში!
— ჰო, კარგი, ჯიბუ! — და, როგორც ქარი,
მზია გავარდა ცხვრების ფარაში.
მიდის მზია და ცხვრებს იალაღზე
ველურ ხალისით მიერეკება.
მთები, ეს მიწის ცივი მუშია
ქალის ბროლის ტერფს ფარჩად ეგება.
თან მომხიბვლელი თბილი ალერსით
ყურს ჩასჩურჩულებს რაღაც ტკბილ ამბავს,
მზია გნოლოვით წამს გაინაბა,
უსმენს ამ ჩურჩულს ვნება ალესით.

„— ქალო, ისე ლამაზი ხარ,
ვით ვერხვის ფოთოლი.
არ მიჯერი? ამ ჩვენ ხევში
არავინ გყავს ტოლი!
ჰყავხარ ამ ხევს ერთადერთი,
აფრქვევ სიხალისეს.
ქალო, ქმარი დაგიბერდა,
შენ ცეცხლი ხარ ისევ!
ტანი, როგორც თერგის ქაფი, —
თვალის შავი გუგა, —
აღნობს მთის თეთრ წამოსასხამს,
ხევიც გადაბუგა.
მკერდზე ორი ზვირთის ქავლი,
ორი ქორთა ლედვი —
არ ჩანს, კარგად გადიწიე
ეგ ფარჩის ელედი!

შუბლი კლდია, მის ქვემო ქიმს
აზის ორი გველი,
ორთავეა რქანაყარი,
გულის მიმზიდველი.
ანდა, კიდევ ეგ გიშრის ტყე
დალალებად შლილი,
ხშირია და გაუვალი,
გრძელია და გრილი.
კულასავით მოყვანილი
ეგ ლამაზი წვივი,
გულში ცეცხლის კოცონს აჩენს,
გიზგიზებს და წივის.
ბაგეს ღარში გახეთქილა
მწიფე ბროწეული,
და შიგ თეთრი წნელის ღობე
ბროლის სალტედ უვლის...”

III

შეწყდა ჟეცრად ტკბილი ჩურჩული,
თითქოს სიზმარი იყო ეს ხმები.
ისევე უძრავად ელაგნენ მთები,
ხოლო ყველაზე უმაღლესს მათში
წამოეხურა თეთრი ნაბადი
ამოქარგული ბუნების ფარჩით.
მზია გაოცდა, დგას მდუმარებით,
სახეს უხვად რწყავს ოფლის ღვარები.
ვერ გარკვეულა, იქნებ ეს ხმები
ზეშთაგონების ნაყოფი არი,
თორემ კლდე ასე ტკბილმოუბარი
ჯერ არ უნახავს და არც სმენია;
იქნებ ეს იყოს გველის გენია,
ან ხევის ჯოჯო, მავნე, ეული

თავის ხოკოდან გამოთრეული!
 მაგრამ ვულმა ეს იჭვიც გადილო,
 თითქო საავდრო ღრუბელი იყო,
 და მიდის მზია, გზა მოფარჩული.
 ფარა თავისით მიერეკება.
 ვიმ, კიდევ ისმის იგი ჩურჩული,
 გულის წარმტაცი ხოტბა და ქება:
 — „ქალო, ასე მიმზიდველი,
 მითხარ, როგორ გაქო!
 ატრიალებ მაგ შავ თვალებს,
 ვით საქსოვი მაქო!
 ტანი, — ლელვი გარჩეული,
 სახე — მწიფე ატმის,
 სხეულს ჰფარავს ფარჩეული
 და გულს, — ანდამატი.
 წელი, როგორც დოქის ყია,
 ფრჩხილი, — მკერივი მინა,
 მხოლოდ ეს ვერ შემიტყვია,
 ქალო, სად გაქვს ბინა?
 სად იძინებ, ან ვის მკლავზე
 გიდევს თავი ღამე?
 ვინ დაატკბე ბროლის მკერდით,
 ანდა, ვინ აწამე?!.“

IV

შეწყდა ჩურჩული, მზია კი მიდის,
 ცხვრის ჯოგიც მთისკენ მიექანება,
 დგას გაზაფხულის კარგი ამინდი
 და მთა დამსკლარი მრავალქანებად,
 თითქო ვერ იტევს თავის სიმძიმეს,
 მისი მწვერვალეც კრთის და ციმციმებს,
 მზის სხივებს კოცნით ეალმასება,
 როგორც საყვარელ ძვირფას არსებას.

აი, მთის ძირი! აქ მწვანე მოლი
 მისდევს ზოლებად გაწოლილ ხრამებს.
 თერგიდან შხეფი ამონასროლი
 ბრწყინავს, ვით მზეზე დილის ცვარ-ნამი.
 მზია კი, დახტის, როგორც ტყის ქალი,
 მკერდაბურთული, შუქმოიფე.
 გული დარდისგან თავისუფალი,
 აჩენს ავხორცულ მხურვალე ვნებებს.
 უნდა დაცხრომა, ხტის ქვიდან ქვაზე,
 ხან ცხვარს წაავლებს ხელს ბოძალ რქაზე,
 ხან მწვანე მოლზე გაიშხვარაება,
 აწუხებს სისხლის წვა და ანთება,
 მაგრამ რას იზამს, რჩება მწყურვალე
 ამტყდარი ვნება და სიმხურვალე.
 ცხვრები, ამ დროს მას, სულაც არ ახსოვს,
 გულს ავიწყდება კერაც და ქმარიც, —
 ის იყო ერთხელ, ახლა არ არი.
 და ნატრობს იმ წუთს, როს უცხო ვაჟი
 მას შეეყრება სადმე აქ, მთაში.
 ჩაიხვევს გულში ამაყი მკლავი
 და აღტყინების კოცონით ნავი
 შორს გაიტაცებს ორთავეს ღელეცთ,
 რომ გადააქდონ ურთიერთს ყელი.
 ნატრობს ის ამ წუთს, მაგრამ სად არი,
 თვალწინ ეხატვის მოხუცი ქმარი.
 და მხოლოდ ფიქრში განზრახულ ღალატს
 მზია მოენდო და დაიღალა...

V

სძოვს ცხვარი. ხევი ხმაურობს ისევ,
 გულდამშვიდებით იძახის გნოლი,
 და მთის მწვერვალზე ღძრავი ბროლი
 ბრწყინავს და ელავს მსურვალე მზისგან.
 ჩუ, ეს ხმაური საიდან მოდის?

თან ლაპარაკიც გაისმის კენტად.
 მზია შიშისგან სულ მოითენთა,
 აქ ადამიანს არ მოელოდა.
 უკვე გარკვევით ირჩევა ხმები:
 — ხედავ, მუდაყან, მარტოა ქალი,
 დავიცხროთ ვნება, წავასხათ ცხვრებიც,
 რას დუმხარ, ბიჭო, ხომ არ ხარ მხდალი?!
 ეს უთხრა ფიდომ მუდაყანს ისე,
 რომ მისი ბოხი ხმის დაძახილი
 თითქოს იყო მთის ნადირისა,
 როს დაჭრილია იგი მახვილით.
 — მხდალი არა ვარ, მუდაყანს შიში
 გულზე ოდნავად არ ეკარება.
 მე მთაში ვცოცხლობ და ჩემს მძლე კუნთებს
 ჰკოცნის ხალისით მზის თაკარება.
 თუნდ იყოს აქვე ლაშქარი კახთა,
 ის ვერ მომიკლავს შეტევის ხალისს,
 მაგრამ გაძარცვა, ნამუსის ახდა
 და ისიც, ასეთ უმწეო ქალის
 ჩვენი მთის ადათს აღემატება!
 შენ ბარელი ხარ, მე კი, მთიელი,
 ორთავეს გული კლდეა ძლიერი,
 მაგრამ მთამ, როგორ გაკადნიერდეს —
 ისე, რომ მოჰკლას თავის იერი,
 მიიღოს სახე მშიერი დათვის
 პატარა ნუკრის გაჰყლეტვისათვის!
 — მუდაყან, კიდეც არ შემესიტყვო,
 მე შენ მეგონე მთიელი ბიჭი,
 ამოირეცხე გულიდან იქვი,
 თორემ, მზეს ვფიცავ, მზის სიბრწყინვალეს,
 ჩვენ ორში, — ერთი დახუჭავს თვალებს!
 — ნუ ცხარობ, ფიდო, შენ კარგად იცი,
 ჩვენი დიდი ხნის აღთქმული ფიცრ.
 მას შემდეგ ჩვენი ორთავ გულები
 სავსეა ძმობით და ერთგულებით.

დავდივართ მუდამ მთასა და ღრეში,
ვით დაგეშილნი მონადირენი.
უძილო ღამე: ნიაღვარ-თქეშში
და ჩვენც დამფროზხალი, როგორც ირემი
ვნატრობთ ბავშვობას, მშობლიურ კერას.
დედის ალერსს და მამის სიმღერას.
შენ, შენს კახეთს და მე ჩემს ხევსურეთს,
სად უკეთესი გვიგრძნია წუთი,
სად გრძნობა წმინდა, გრძნობა სათუთი
იყო ჯერ კიდევ შეულახავი,
როგორც მყინვარის კრიალა თავი.
მაგრამ სადღაა ახლა ის წამი,
ძველი ხალისი მაინც სად არი?
დაპბერა უცებ, მოვარდა ქარი
ის თან გადაჰყვა, ვითა ლერწამი.
ჩვენ დღეს ორთავე რამ გაგვახაროს,
თუ არა ძმურმა ნუგეშმა ისევ,
რითაც სიამე და სიხალისე
დასთესს ჩვენ შორის სიკეთეს ულევს
და გადაჯაჭვავს ორთავეს გულებს!
მიყვარხარ, ფილო, და შენს მუდაყანს
გული ბავშვივით აქვს ლმობიერი.
ვარ მიმნდობი და მოსიყვარულე
და მძულს ბოროტი, ქუში, ცბიერი;
მანკიერება, ღალატი, ცოდო,
შორით ანთება, განზრახვა მტრული, —
ეფიცავ, არასდროს გამომეცადოს!
ხომ იცი, ძმა ვარ, შენი ერთგული!
— შენ კიდევ ურჩობ, მაგრამ გეტყობა
არ იცი ჩემი ძლიერი ნება!
შეკუმშე ძალა და ნებისყოფა,
აქ სახიფათო არა იქნება.
გაშალე შუბლი, ბეჭი და მხრები,
რალას უდგეხარ? წაეასხათ ცხვრები!
— ო, არა, ფილო, ამას არ გირჩევი!

ჯობს, გავანებოთ ამ საქმეს თავი!
 რაც უნდა იყოს, ქალია მაინც
 და ქალის მიმართ აღმართვა მკლავის
 როდი შეშვენის ხევსურელ რაინდს?!
 — მუდაყან, წერას აუტანიხარ!
 — ნუ მემუქრები, შენი მუქარა
 ჩემს გულს არ ხედება სუსხიან ქარად.
 შენც კარგად იცი, ჩემი მკლავები,
 თუ გულიანად მტარვალს შავები —
 არ მეშინია; ამის ამარა
 მტერს მყის გაუთხრის შავსა სამარეს!..
 მზია დგას, ესმის ეგ შესიტყვება,
 გულგახეივანი კრთის და კანკალებს.
 ძარღვებში სისხლი შიშისგან ღებება,
 ცრემლი უნამავს მაყვალა თვალებს.
 უნდა გაიქცეს, მაგრამ სად, როგორ?
 უცებ ფილოც წინ გადაედობა
 და გასაქცევად შემართულ მზიას
 იგი ძალუმად გადაეხვია.
 ვაჟი ვერ იქერს მოვარდნილ ვნებას,
 ღრიალებს, ოფლის აღმურში დნება,
 მზიაც იბრძვის, ვით ხაფანგში თავვი,
 თან იკეცება, ველარ შლის მკლავებს;
 მის კვილს ისმენს მხოლოდ არაგვი,
 რომელსაც ხევში უდევს სათავე.
 მაგრამ უეცრად, მოულოდნელად,
 თითქო ერთ წამით ცამ გაიელვა,
 მუდაყან ფილოს მიუვარდება —
 მოჭგლეჯს, ვით ბალახს და გადაისვრის,
 ფილოც ეცემა უძრავ ლოდს კისრით.
 აქ უკვე გაწყდა კავშირი ძმური,
 ორთავეს გული აივსო შურით.
 ფილო ბრაზისგან სულ მალად კანკალებს,
 დაბეჭდილი აქვს მთელი სხეული.
 წამოდგა ზეზე, ძლივს ახელს თვალებს,

გულში მწვავედ გრძნობს, — არის ძლეული.
 მაგრამ შეებას მუდაყანს მკლავით,
 შემუსროს, ანდა, შეაკლას თავი —
 ვერ ჰბედავს და ეს ძლიერ აღონებს,
 რადგან გრძნობს მკლავში ლალატობს ღონე-
 მაგრამ, ბოლოს ეს მაინც შეჰბედა:
 — კარგი, დამაცა, გიტირებ დედას!
 ჩვენ ამასშემდეგ შეეხვდებით კიდევ!
 ახლა კი, ამ მარცხს გულში ჩავიდებ,
 და ვაი იმას, ვისაც ჩვენ ორში
 აღარ დაურჩეს კეთილი ბოლო,
 იგემოს მარცხი და ჩაიქოლოს!
 ეს სთქვა ფიდომ და შემოტრიალდა,
 გასწია თერგის ნაპირისაკენ,
 სად მყინვარს თავის დაეშვა კალთა
 და მწვერვალი კი კრთოდა, ვით სარკვე-
 მუდაყან თითქო დაიძრა კიდევ,
 რომ ფიდოსათვის ხმა ჩაეკმიდა,
 მან დააპირა გამოდევნება,
 მაგრამ მზია სთხოვს დარჩეს და ისიც
 ემორჩილება მთხოვნელის ნებას.
 — ო, ჩემო მხსნელო, შენი სახელი?!
 — ჩემი სახელი — მუდაყან გახლავთ!
 — ჩემი კი, მზია, არ მოგწონთ განა?
 აჰ, თითქო გულზე დაჰკრეს ვაჟს დანა,
 დაება ენა, მაგრამ სულ ბოლოს
 გასცა პასუხი სახის ანთებით:
 — მშვენიერია, მაგრამ სახელზე
 ულამაზესი თვითონ ბრძანდებით!
 აჰ უკვე შეწყდა კითხვა-პასუხი,
 ახლა ზვერავენ ერთმანეთს თვალით.
 ვაჟი ტანადი და თვალებრუხი,
 იდგა ქალის წინ ეშხით დამთვრალი.
 ორთავეს გული სავსეა ვნებით,
 ველარ ძღებთან მხურვალე ცქერით,

ქალის გულმკერდზე ბროლის მტევნები
 მუდაყანს მკერდქვეშ გულსაც უძგერებს.
 მას არ უნახავს ასეთი ქალი,
 სულ ყველაფერით უხვად შემკული,
 ქცევა და ცქერა თავისუფალი,
 და, ვით ფიქალი სპეტაკი გული
 მწველ სილამაზით შემოქარგული
 იჩრდილებოდა სახის იერით,
 რადგან აქ სჩქედდა სიმშვენიერე.
 მზიაც უცქერის ქვეშ-ქვეშ და ჩუმად
 ვაჟის აშლილ თმას შავ აბრეშუმად,
 ხან შუბლს, რის ქვემოთ კრთის როგორც ალა,
 არწივის ორი მახვილი თვალი.
 ქალს მოეწონა ნატიფი ვაჟი.
 ზვერავს მკლავებს და განიერ ბეჭებს,
 რომელიც ჰკვეთავს ყოველგვარ ეჭვებს
 ქალის ვნებიან გულისცემაში.
 დიდხანს, სულ დიდხანს აგრე უძრავად
 იდგა ორთავე გარინდებული
 და მათი ცეცხლით აღსავსე გული
 სიჩუმეშიაც გრძნობდენ ტკბილ ალერსს,
 ვნებას უწმინდესს და უმხურვალესს.

VI

ბოლოს, გაბედვით წარმოსთქვა ქალმა:
 — წავიდეთ ჩემსა, შორს კი არ არი,
 შინ დაგვიხვდება მოხუცი ქმარი
 და მას ვუამბობ, რაც აქ გადამხდა,
 რომ ამაშორე დღეს განსაცდელი,
 მაგ შენ დალოცვილ, მადლიან ხელით!
 — კარგი, წამოვალ! იყო პასუხი
 და ვაჟის გული სიკეთით უხვი
 ისევ აენტო, როგორც აბედი,
 თითქო ლოყებიც წითლად იწვისო;
 გული კი, გრძნობდა, რომ ჰპოვა ბედი
 ახალცხოვრების წინამორბედი.

ჯერ კიდევ არც კი დაღამებულა,
 და მთვარის შუქით არ ბრწყინავს ხევი,
 რადგან ჩამოწვა ნისლი შავ ქულად,
 როგორც ზღაპრული ბაყბაყი დევი.
 მალალ მყინვარის ქუში მწვერვალიც
 აღარ ანათებს მელოტი თავით,
 მხოლოდ ხმა ისმის მყვირალი თერგის,
 ხმა მრისხანე და გულისაკლავი.
 არც არშის ციხე აღარ ჩანს უკვე,
 არც მისი ძველი ნაჩარდახალი,
 რომელიც მყინვარს თითქო ჯიბრს უწევს:
 შენ, ჩემზე უფრო, რად ხარ მალალი?!
 ჩაბნელდა არე ჯოჯოხეთივით,
 ნისლის ქულებიც ცურავს, ვით ტივი,
 მაგრამ ამ ხევის ავი ნადირი
 თავგამოდებით, ძალუმად ჰყვირის.
 ეგ არი თერგი; მდინარეთ მეფე,
 მულამ მრისხანე, სწრაფი და მღვრია,
 მის ტალღათ მიერ ასროლილ შხეფებს
 მყინვარის მკერდიც გაურღვევია.
 ის მულამ მიჰქრის თავდაქანებით,
 თვით მერანია, მთა კი, — მხედარი,
 ღრიალებს ძღვევით და მრისხანებით
 კლდეების ვეფხვი დაუდევარი.
 მიყვარხარ, თერგო! ეგ სიყვარული
 არის სპეტაკი, ვით დილის ნამი,
 არ გძინავს, ფხიზლობ, შენი არული
 მულამ მძლავრია დღეცა და ღამეც.
 ვინ დაგაკავებს? შენი ჯებირი
 რკინაც რომ იყოს, გასჭრი, ძლიერო!
 მთა გაწევს, როგორც ცხენს უნაგირი,
 ლეჩაქად — ზეცის დასალიერი.
 თავდაღმართისკენ დაქანებული

შენი ზვირთების მკვეთრი ჩანჩქერი
 არის მულამ უამს აქაფებული
 და მთის გრძელ ზღაპრებს ლექსებად მღერი.
 ბევრჯერ უგრძვნია მგზავრს შენი ჯადო
 სიმღერა იგი, ტკბილია მეტად,
 აქვე, მთის ძირში ამირანია,
 რომ ემზადება ქვის გასაკვნეტად.
 იქუხე, ჩემო! თან იღრიალე,
 იყოს თუნდ დილა, იყოს თუნდ მწუხრი,
 ამ წუთისოფლის ავი ტრიალი
 შენ ვერასოდეს ვერ შეგაწუხებს!
 ვერ შეგაწუხებს, მაგრამ ხომ იგრძნობ
 ავსაც და კარგსაც სამშობლო მხარის,
 და ამ ტკივილს შენ გარკვევით ამბობ,
 როცა ზვირთს — ზვირთზე აამქუხარებ!
 მე მიხარია, რომ ჩვენში ცოცხლობ,
 რომ ჩვენი მთიდან იწყე სათავე
 და შურდულივით გაქანებული
 გოროზ სიცოცხლეს სხვაგან ათავებ!
 მზე ჰქარგავს შენში უხვ ელვარებას,
 გუშინ ქედანიც შენ გიმღეროდა
 და მთის გულგაშლილ მაღალ წვეროდან
 გერთვის ლანჩერი მღვრიე ღვარებად.
 აქვე არაგვი — ბროლის ჩანჩქერით
 შენი უმცროსი ძმა მოყვარული
 გულდამშვიდებით ტკბილ ხმაზე მღერის
 და უხვ სიკეთით სავსე აქვს გული.
 მისი აღმასივ ნათალი ტანი
 თავდაღმართს ფრთხილი კლაკნით რო უვლის,
 თითქო ქალწულის ხელები არი
 მთის ხალიჩაზე გადაშხვართული.
 მგზავრს, როცა ესმის მისი ჩხრიალი
 იქვე ეცვლება გულიდან ბოღმა.
 სალი კლდეც ნაპირს გაღმა-გამოღმა
 მწვანე ხვერდიც უხვად შრიალებს.
 წყლის სწრაფი ღენით ნაკვეთი ქვები

მოჩანს ლითონის მკვირვ ასოებად,
აქ, ხალისია და სინარული,
აქ არის მადლი და სასოება!

VIII

ნისლმა კალაები ამოიწია,
მზემ ოდნავ თვალი შემოაპარა,
ხევის ბურუსში დამფრთხალ ცხვრის ფარას
თითო-ოროდ აღროვებს მზია.
აქ ქალს მუდაყან წამოეშველა,
რომ უფრო ჩქარა მორეკონ ცხვარი.
ხტის ქვიდან-ქვაზე, მზია ვით შველი
და მისი მკერდი სულ მთლად შიშველი
ორ ბურთულს შორის ფართოდ მჯდომარე
ანათებს, როგორც ღამეში მთვარე.
მოგროვდა ცხვარი, უკვე დაისი
თავის ოქროს შუქს ასხურებს არეს.
მყინვარი დგას, ვით აღონაისი
და უსმენს ყუჩად არაგვის ალერსს.
ალერსი იგი შორს იფანტება
ხევის მივარდნილ არემარეში,
სად შვლებს, ჯიხეებს და არჩეების ჯოგებს
აქვთ გამართული რბენა-თარეში.
ცხვრებიც დაჯგუფდენ, ამათში ვერძი
დაწინაურდა, როგორც ბელადი,
მისი მკვეთრი რქა დახრილი გვერდზე
ბრწყინავს და ელავს მრავალფერადად.
ფარა მას მისდევს ობოლ ბავშვივით,
ვიწრო ბილიკზე არ არის ტევა,
ხევში ტრიალებს ნიავე ცივი
და მცენარენიც შეიპყრო რხევამ.
სულმთლად პატარა ცა, ვით ქილოფი
ხევს გადმოჰყურებს მოლურჯო თვალით
და ზედ ვარსკვლავი, როგორც ქრილობა,
აზის ფერმკრთალად ამონათალი.

მზე ახლა არც მთებს აღარ აბრაზებს,
 ის დაიძირა, ვით მიძიმე ტივი,
 ზევით მკერდტიტველ მტრედისფერ ცაზე
 მობობლავს მთვარე ყვითელ ლოდევით.
 მაგრამ, ამისი ობოლი თვალი
 ვერ სწვდება გულში ხევის ნაპრალებს,
 ისე სიბნელეს უჭირავს ხმალი
 და აპრიალებს განიერ თვალებს.
 სვლა საშიშოა ასეთ დროს ხევში,
 აქ უნდა გქონდეს ჯიხვის ფეხები,
 თუ მოსწყდის უცებ დაკლავნილ ბილიქს
 შორს, შავ უფსკრულში გადიჩხები.
 მაგრამ მუდაყან ქუში და მკერივი
 მიდის მტკიცედ, ვით უდაბნოს ლომი.
 მისი ფოლადით ნაქედი წვივი
 ნაჩვევი არის რბენას და ხტომას.
 სადაც ხრამია და ნაპრალები,
 სად ერთის გასვლაც საფრთხილო არი,
 იქ მას ხელთა ჰყავს მზია, ვით ბავშვი
 და ასე გადის უფსკრულის არეს.
 ორივე გულში ამ დროს სხვაგვარად
 ტოკვენ და გრძნობენ დაუშრეტ ხალისს,
 თითქოს აღმური იქცაო ღვარად,
 ისე ენაება გულმკერდი ქალის.
 ვაჟიც იწვება მგზნებარე ალით,
 თითქო ამ აღში იყოს მცურავი,
 და ამ დროს ქალის მარმაშა სხეულს
 მისი მკლავები მედგრად სწურავენ.
 სწურავენ, მაგრამ ჯერ მოკრძალება
 ვაჟს ქალისადმი ეტყობა მაინც,
 თუმცე გიშრის ფართე მწველი თვალები
 წარმართულ ცქერით ადელვებს რაინდს.
 ქალსაც ადელვებს ვაჟის იერი,
 ტანის ნაკვთების სიმშვენნიერე
 და მისი ნდომა ხარბი და ქუში

უფრო ინთება ვნებიან გულში.
 ამ დროს ვის ახსოვს დაკარგვა ცხვრების!
 გული ორთავეს ცეცხლის ალს უნთებს,
 ქალი კი, უფრო თავდავიწყებით
 მიენდო ვაჟის შეკუმშულ კუნთებს.
 ინთება ცეცხლი. ახლა ვაჟაკიც
 შეიპყრო ქალის მწველ სითამამემ.
 ხევში ხმაურით მირბის არაგვი,
 მთაში ჯერ კიდევ ბრძანებლობს ღამე.

IX

მიდიან, განვლეს დიდი მანძილი,
 მაგრამ წისქვილის სმა ჯერ არ ისმის,
 ხევს აღარ ჰბურავს ლობრედი ჩრდილი,
 ღრმა ნაპრალებში ჩამდგარა ნისლი.
 ხოლო ნაძვნარის დაღუნულ ტოტებს
 გრილი ნიავი რონინით არხევს;
 იქვე გულის წვით იძახის კოტი —
 მუდამ რომ მწარედ დასტირის ამ ხევს.
 მისი ძახილი თვით მთას ნადირსაც
 ხედება ღრმად გულში მწველი ნაღველით
 და ამ ღამეში კენტი სიმღერა
 იღუმალეებს გამომსახველი, —
 თითქო არისო ხანგრძლივი წყევლა,
 მრისხანე მეტად, უნდო და ავი,
 და ამ წყევლაში ჩქეფს შადრევანად
 ქვეყნის სიმუხთლე, წყვილიდებრ შავი.
 ამ დროს კი, ჯიბუ წისქვილში მარტოდ
 ზის და ნაღველით ევსება გული;
 თან წუხს: — ნეტავ ქალს რა დაემართა?
 და შიშისაგან ატაცებულ
 ხან წისქვილის ბანს ეცემა შმაგად,
 ხან გორაკიდან გადაიძახებს,

მაგრამ პასუხად წინ ეგებება
 მთვარიან ღამის ფერმკრთალი სახე.
 — აუ, გეძახი, სადა ხარ, მზია?
 აუ, არ გესმის? პასუხი გამე!
 მაგრამ არ ისმის გამოძახილი,
 თითქო, ამ ძახილს იჭერდეს ღამე.
 — აუ. გეძახი საბრალო ქმარი,
 აუ, ვინ გიჭერს ოხერტიალი?
 მაგრამ პასუხად მოისმის მხოლოდ
 ქოტის კვნესა და თერგის ღრიალი.
 ეძახის კიდევ, მაგრამ ამ ძახილს
 ახშობს მრისხანე მთების ქუხილი,
 აქ მოაგონდა საბრალო მოხუცს
 თუ რა სიზმარი ნახა წუხელის.
 და გული, ისეც შეღონებული,
 სულ მთლად აიღო შიშმა და ზარმა,
 თითქო ეგ არი, აიტაცაო
 მთიდან მოვარდნილ გრიგალის ქარმა!
 აი, სიზმარიც: მზია ცხვარს მწყემსავს,
 მზე ახალისებს ბუჩქნარს და ტყესაც.
 უცებ მყინვარზედ დაიძრა კუშტად.
 არწივი, იგი ფრინველთა ღმერთი,
 და მწყემს ქალისკენ, დაუნდობელი,
 გამოეჭანა მახვილი მკერდით.
 გაჩაღდა ბრძოლა, ავ მტაცებელმა
 მომართა მყისვე მახვილი ბრჭყალი
 და ახლა ცდილობს ბრაზმორეული,
 ქალს ბასრ ნისკარტით დასჩიქნოს თვალი.
 ჯიბუ ხედავს ამ საზარელ სურათს,
 ცოლს რიჟამე მაინც უშველოს უნდა,
 მაგრამ შველა მან როგორ შეიძლოს,
 თითქო ფეხებიც სულ დაეკუტა!
 სწორედ აქ, ამ დროს, ამ მწარე წუთში
 გამოირბინა ლაღმა ირემმა
 და იქვე ხევის ქვემო ორწოხში

თავი გამოჰყო მონადირემაც.
იგი დაჭრილ მსხვერპლს მისდევდა უკან,
რომ ხელში ეგდო ნანადირევი,
მაგრამ ხევის ერთ სალკლდოვან შუქას
მყის შეეფარა ლალი ირემი.
დაინახა რა ვაჟმა აქ ქალი
და მისი ბრძოლა არწივთან ცხარე.
თოფი მიზანში შეასწორა და
მყის არწივს გულის გაუპო ფარი.
გადარჩა მზია, ჯიბუს სიზმარი
ანით გათავდა ესოდენ მწარე
და დილას, როცა ზეზე დგებოდა,
განცდილი ჯავრი გულს ედო ლოდად.
საბრალო ჯიბუ ტოკავეს და ლელავს,
ახლა იგონებს საშინელ წუთებს,
ხან გულს ცრემლებით აისათუთებს:
ნადვლობს: მთაში რად გაგზავნა ცოლი
და ჯავრი კვენესად ამონასროლი
გულში ხედებოდა ამ ხევის არეს,
როგორც მახვილი, მჭრელი ისარი.
წუხს ჯიბუ ასე, მაგრამ უეცრად
გამხიარულდა წისქველის ეზო,
თვალი მოჰკრა რა მომავალ მზიას,
ჯიბუს გულს შეების შუქი დაესო.
წამს მიეგება წინ გულის მურაზს,
გადაეხვია ცრემლმორეული
და დიდხანს აგრე უძრავად იდგა,
ვით მონუსხული და მთვარეული,
ბოლოს იკითხა ლმობიერებით:
— რად დაიყოვნე ესოდენ, ქალავ?
გელოდე, გული ამევსო დარდით,
მოხუცს სადა მაქვს ლოდინის ძალა!
ვფიქრობდი, ხევში გადაიჩეხა,
ანდა, ნადირი შეჭამდა სადმე.
მზიამ უამბო მოხუცს თავისი

შემთხვევა იგი სიკვდილზე ავი
 და ქმარის გულის სანუგეშებლად
 ნაზ ცბიერებით დაჰხარა თავი.
 მან უთხრა: — ჩემი სიცოცხლის მხსნელი
 უნდა შეიტკბო შენც თვალის ჩინად!
 და თან გააცნო ჰაბუკი იგი,
 რომელმაც ავ მარცხს გადაარჩინა.
 მოსუცმა მხოლოდ ახლა შენიშნა
 მუდაყან, იქვე ჩუმად რომ იდგა,
 რომელიც ქუშტად გადმოჰყურებდა,
 ვით გნოლს, — არწივი მაღალი მთიდან.
 — შენა ხარ ჩემი. მეუღლის მხსნელი?
 — დიახ! — გაიამა ხმა უღარდელი.
 და ახლა, ჯიბუმ მოხვეურ მადლით
 დაუწყო ჰაბუკს კურთხევა. ლოცვა,
 გადაეხვია და გადაჰკოცნა!
 ჰაბუკმა გული გადუხსნა მოხუცს
 ტკბილ მზრუნველობით და სიხალისით.
 უთხრა: — არა ვარ, ძვირფასო მამავ,
 ესოდენ ლოცვის და მადლის ღირსი!..
 მაგრამ, ჯიბუ აქ როდი ცხრებოდა,
 რომ მის ღარიბულ ოჯახის ჰერქვეშ
 თუნდაც, ეს დიდად საძნელო იყოს, —
 ერთ ღამეს მაინც დარჩენილიყო.
 დასთანხმდა ვაჟი, გაჰყვა მასპინძელს,
 მისი თვალები ელავდნენ მკვეთრად,
 მაგრამ ეს იყო მხოლოდ პირველი
 და უცაბედი თბილი შესხვედრა.

X

ღამეა წყნარი, პირბადრი მთვარე
 მიცურავს ცაზე ალისფერ ტივით.
 მყინვარის არეც მუდამ მშფოთვარე
 აღარ გრძნობს სევდით ანთებულ ტკივილს.

აქ კი, წისქვილის შუა ადგილას,
 გიზგიზებს ცეცხლი გაომებულო,
 ამდგარი ბოლი დაგრაგნილ ჩრდილად
 ქერსა და ჩარდახს ზოლებად უელის.
 ჯიბუ წვევს მწვადებს, ტრიალებს მზიაც:
 ა, ვახშამიც მომზადდა უცებ!
 ცხვარს ცალი გვერდი სულ დაჰბრაწვია,
 ცხიმი ლივლივით უსველებს მუცელს.
 აგერ, სუფრა და სუფრაზე ღვინო
 კიაფობს წითლად მარჯანისფერი.
 ოჰ, რა ტკბილი ხარ. ქართულო ლხინო,
 როცა შენს გულის სიმებზე მღერი!
 აქ. კიქებით და აზარფეშებით,
 არ ერიდება ღვინოს არავინ;
 თრობის შემდეგ კი, საურთიერთო
 შურსა და მტრობას ველარ ჰფარავენ.
 სად მთვრალი მისებრ დამთვრალ მოქიშპეს
 ღვინით სავსე ბოთლს ბრაზით რომ სტყორცნის
 და, როცა გულის ჯავრს ამოიყრის.
 შემდეგ გალახულს ტირილით ჰკოცნის!
 სადაც ცეცხლია და მძლე ხალისი,
 სადაც არავინ ფიქრობს ხვალისთვის,
 სად ყველა ლხინში არის გართული,
 თუმც ბევრი რამ აქვს უკულმართული, —
 მაინც კარგია სუფრა ქართული!

XI

მოუსხდნენ სუფრას. ჯიბუმ პირველად
 სავსე ჯიხვის რქით ახსენა ღმერთი.
 შემდეგ გადასცა იგი მუდაყანს:
 — ჰა, შენც ჯეელო, გადაჰკა ერთი!
 შეექცენ სუფრას. კეთილი გული
 უფრო და უფრო გადახსნა ღვინომ.

მზიას ვნებების აღმური უვლის,
 ჯიბუც გულგაშლილ ხალისით ლხინობს.
 ხან სტუმარს ზვერავს... ვაჟის მკლავები
 მოხუცს წიფელის ტოტებს აგონებს,
 რომლებშიაც დგას გასაოცარი
 მამალი ლომის ხალასი ღონე.
 წელი წერწეტი, ვით ბეჭდის თვალი,
 მკერდი განივრად ამობურთული
 და იმის ქვეშ მძლედ მფეთქავი გული
 არის ლალი და თავისუფალი.
 ზვერავს მოხუცი მუდაყანს ჩუმად,
 შუბლზე ნაკებშემოგარსული.
 ბოლოს, სთხოვა მან: — გვიამბე, შვილო.
 შენი აწმყო და შენი წარსული!
 ჩვენ ყურს დაგიგდებთ, ვფიცავ ქალარას.
 მოხუც გულისყურს აამებ ამით;
 თქვი, რაც ყრმობიდან გამოგივლია:
 ლხინი და ჭირი, სიტკბო და შხამი!
 ჯიბუს სიტყვებზე მუდაყან უცებ
 მოიღუშა და ეცვალა ფერი.
 თითქოს, ამწუთში იგრძნო მან მხოლოდ,
 რომ იგი არის ამ ქვეყნის გერი.
 მაგრამ ვაჟკაცმა სახის ნაკვთები
 კვლავ შეასწორა თამამად ისე,
 რომ აღადგინა მან წინანდელი
 დარბაისლობა და სიხალისე.
 დაიწყო ვაჟმა, — მკვეთრი სიტყვები
 შრიალებს რბილად, საამო ხმაზე,
 ყრმის ბადრ სახეზე კი უხვად სტოვებს
 ძველი ნადველის ირიბულ ხაზებს:
 — „მაშინ ჯერ კიდევ ვიყავ პატარა,
 როცა მომიკვდა საბრალო მამა.
 და ეს შემთხვევა, ვარამი მწარე
 გადიქცა ჩემთვის გესლად და შხამად.
 არ მყავდა დედაც, ის უფრო აღრე

გარდაიცვალა, დამტოვა ობლად
 და მაშინ ჩემზე უბირი ბედით
 არავინ იყო ამ წუთისოფლად.
 დაღონდა გული, ჩემს მეგობრებში
 მხოლოდ მე ვიყავ ასეთი ბედით;
 ვეხეტებოდი ხევსა და ღრეში,
 როგორც ისარით დაჭრილი გედი.
 მაგრამ, ერთ დღით, მოულოდნელად,
 როცა ასეთ ავ ყოფაში ვიყავ,
 როცა კეთილის მრჩეველიც ჩემთვის
 არ იყო, ბედმა ისე გამრიყა, —
 შემხვდა ბილიკზე სათნო მოხუცი,
 მან ჩემი ჭირი გაიზიარა
 და ამის შემდეგ გულიდან უცებ
 ამოიწურა მწველი იარა.
 მიშვილა, მეც მას მივენდე გულით,
 მანამდე სევდით გარემოცული.
 გზას გავუდექით, ირიბი მთები,
 რაც არ ვიარეთ, მაინც წინ გვედო.
 მწვერვალები კი, ჩვენ დაგვყურებდა
 სასიამოვნო და საიმედო.
 წინ მიმიძლოდა მოხუცი იგი,
 მე მას მორჩილად მივსდევდი უკან.
 ვიარეთ მთები, ამ მთების იქით
 მრავალი ხევი, მრავალი შუკა,
 მაგრამ ჩვენ წინსვლას არ ჰქონდა კიდე.
 მზე გადიხარა, ბოლოს მოხუცი
 შემოტრიალდა ვეფხვივით უცებ,
 და შემეკითხა: — იქნება, შვილო,
 დაიღალე და მგზავრობა გიჭირს?
 თუმცა გეტყობა თვალის სხივზედაც.
 რომ უნდა იყო ყოჩაღი ბიჭა!
 — არა, ჯერ კიდევ არ მოვქანცულვარ! —
 გავე პასუხი, ჩავლუნე თავი.
 თუმცა ჯობს, ახლა მაინც გამოეტყდე, —

ფების ტერფზე სულ მძვრებოდა ტყავი.
უცებ, მთის მწვერვალს რომ გავუსწორდით,
გამოჩნდა ქვემოთ პატარა ხევი,
სადაც ხარობდა მდელი და კორდი
გრილი ნიავის ლამაზი რხევით.
დავეშვით კიდევ, ძვირფასი არე
იყო გაშლილი მთების მახლობლად.
ხოლო, ყველაზე ხალისიანად
კრთოდა ამ ხევის ერთი მალღობი,
სადაც ორ ნაძვის სქელ ტანთა შორის
იდგა კარავი, როგორც ურემი
და მისი მკრელი თვალები ქორის
ხევის ორწოხებს გადაჰყურებდა.
სოფლის მზეთვალა ყმაწვილქალები
ამ მთის ფერდობზე ჩამომსხდარიყვნენ
და იშვიათი მათი გალობა
ატკობდა შორით ატეხილ რიყეს.
ერთი იწყებდა, ხავერდოვან ხმას
ველარ ჰკვეთავდა ნიავი ცივი
და მეტად ტკბილი სიმღერა იგი
სმენაში ახლაც ჰანგებად წივის.
აი სიმღერაც. აქ მუდაყანმა
დაიწყო მისებრ წკრიალა ხმაზე,
თუმცა ვაჟის ხმა, ვით შეედაროს
ქალის მოსდენილ ხმის სილამაზეს!
მაგრამ სიმღერა იგი საამო
მაინც აფრქვევდა ტკბილხმოვან ჰანგებს,
თითქო სიტყვები ნაკვეთი თაფლით
შეუსწავლია მუდაყანს განგებ!
— კავკასიონის მთებო,
ბარს მხოლოდ ეს ახარებს,
რომ კლდის ცხიმი და თებო,
მოაქვს ლანქერის ღვარებს.
ვხედავ, რომ დავაქვაცდი
ცის ტატნობების მოვლით,

შენს მწვერვალს როგორ ასცდეს:
წვიმა, სეტყვა და თოვლი!
ამირანივით გული
ცის მკერდზე აღმართული,
არის სარტყელი ბროლის
მადანით მოქარგული.
არე ძვირფასი, კარგი,
ნაძენარის ხშირი ტყეა.
აქ დღე საამო არი,
სალამო აქ თვით დღეა.
ხშირი ნისლების ქულა,
რომ მოდის ქარავნებად,
იგია ხევის სისხლი,
იგია ხევის ვნება.
გადახლართული გზები,
სად ჯიხვსაც გავლა უჭირს,
ამბობს, რომ ჩვენი ყოფა
ამაოა და ფუჭი.
მაგრამ ამ ხევის გული
თითქო მეხია მაინც,
რადგან ყოველდღე გხედავს
დაუმარცხებელ რაინდს.
ქარი ხან ღმუის ავად,
არხევს თელას და იფანს;
მთვარე გედია თითქო,
ღრუბლებში ტანს რომ იბანს.
ორწოხებს იქით ხევი
ფიქალმკერდღანახევი
ჯიბრს უწევს ცის კამარას,
შენ რათ ხარ ჩემზე ზევით!
აქ, მზის ობოლი სხივი
უხვად რომ ეფინება,
მთების მწვერვალი ცივი
მყისვე ლანქერად დნება.
ნეტავ, სად არის ახლა

ამ ხევის მონადირე?
 ხომ არ ეტყობა დალლა,
 რატომ არ მისდევს ირემს?
 მოხუცდა, მაგრამ გული
 მაინც ქვაა და ლოდი,
 თუ სანადიროდ მიდის, —
 მსხვერპლს არ დაუწყებს ლოდინს.
 წამს გააბოლებს ლულა
 ნისლების შავი ქულით
 და მის წინ უკვე ჯიხვი
 გდია მკერდგაფატრული.
 ნატამალ-ნაოხარი
 ქუხს მთის ლანქერი ხევში,
 ო, შიგ რამდენი არი
 სილა და წვრილი ხრეში.
 პატარა რუ მთის პირას,
 ხაზს რომ მიჰყვება ირიბს,
 ყოველდღე ტუჩზე ჰკოცნის
 შტოებდახლარაულ ტირიფს.
 ტირიფი იგი ტირის,
 როცა რუ არ ჩხრიალებს,
 მოკლებულია რადგან
 ხვეენას, კოცნას და ალერსს.

XII

აქ უკვე შეწყდა ხმა საამური,
 მუდაყან იჯდა განცდებით სავსე
 და წითელ ღვინით დალალულ თასებს
 თითქო ზედი-ზედ სცლიდა ამური.
 სუფრა საოცრად მიბნედილიყო,
 ჯიბუც დაღლილი ხშირი მთქნარებით
 იჯდა მოწყენით. წისქვილის ხულას
 შუქს ჰფენდა კვარის ჩირაღდანები.
 დოლაბები კი, თავგამოდებით

სცემდა ზათქსა და ყიჟინას ზღვაურს,
თითქო ეგ არი: სკდება ლოდები
და იგი უშვებს შემზარავ ხმაურს.
ზის მზია წყნარად. თან გარინდებით,
თუმცა გულში ღრმად ცეცხლი ინთება.
და მუდაყანის ვაჟკაცურ ცქერას
იგი ცბიერი სინაზით ზვერავს.
ჯიბუც აქვე ზის, მაგრამ მოხუცის
თვალები თითქო დახუჭვას ცდილობს.
ბოლოს წარმოსთქვა: — შენი მოთხრობა
ჩემს გულს ეამა, განაგრძე, შვილო!
აქ მზიაც ჯიბუს სურვილს მიემხრო,
მუდაყანს ამბვის განგრძობა სთხოვა
და თხოვნის შემდეგ ბროლის სახეზე
ვნების აღმურმა ჩამოათოვა.
დაიწყო ვაჟმა. მისი სიტყვები
წისქვილის ხმაურს უერთდებოდა
და ნაამბობი სათნო მსმენელებს
სელს სიღრმეში რჩებოდათ ლოდად.
თქვა მან: — მოხუცი, რომელიც შემდეგ
შეიქნა ჩემი მზრუნველი მამა —
იყო განთქმული მონადირე და
წელს უმშვენებდა თოფი და ყამა.
ხშირად, როდესაც საღამო გრილი
ანთებდა შორით ვარსკვლავთა კრებას,
შეგროვდებოდა ყმაწვილქალები
და ამ მოხუცზე მღეროდენ ქებას.
ზოგს, მისი სროლა მოსწონდა მხოლოდ,
ზოგს კი, სირბილი არჩევით სწრაფი,
ხუჭუჭი თმა სქლად დაყრილი ბეჭზე
ელავდა, როგორც მდინარის ქაფი.
მიყვარდა იგი, მასაც ვუყვარდი,
თითქო ის იყო ჩემი მშობელი;
თავის ალერსით მან სულ დამიხშო
გულში კოცონი ჩაუქრობელი.

მოხუცს ყოველდღე დაჰყავდი ტყეში,
ჩვენს ნადირობას არ ჰქონდა ბოლო.
ტყე ჩვენთვის იყო ედემის ბალი
და მას მდინარე წელს ერტყა რგოლად.

XIII

ერთ ღღეს, როდესაც ცხოველმა მსხემა
დასავლისაკენ იწყო ტყეება
და უზარმაზარ მთების ჩრდილები
ხევში ჩამოწვა უძრავ დევებად.
მოხუცი იგი სახემცინარე
მოიქრა ჩემთან ტკბილი ხმიანი
და მითხრა: — შვილო, სანადიროთა
დროა წავიდეთ, ნუ მაგვიანებ! —
მეც მოვემზადე, მყის საქურველი
მოვირტყი წელზე, ვით მონადირემ.
გულში კი ვნატრობ: ო, რა იქნება,
რომ ერთხელ მაინც მოვკლავდე ირემს!
შევეყვით ბილიკს ვიწროს და ირიბს.
ფეხაჩქარებით ვიარეთ ბევრი.
ქვემოთ სალი კლდის ნაპრალი ხშირი
მოჩანდა, როგორც უძირო ქვევრი.
მივდივართ ასე, ბოლოს, მთის ფერღსე
ვხედავ: — ბალახს სძოვს დედალი შველი.
სტყორცნა მოხუცმა, მაგრამ ამაოდ.
ახლა მე ვსცადე უცდელი ხელი.
დაეცა შველი, მაგრამ უეცრად
წამოხტა, ისევ გასწია მთისკენ,
სად ჯადოქარი და ელმობელი
იყურებოდა კლდეების სისქე.
გამოვუდექით, თავს აღარ ვზოგავთ,
შველი კი, მიჰქრის თავგამოდებით.
ხან კი, საბრალო ღრმა კრილობისგან
ამოიოხრებს მძიმე გოდებით.
მაგრამ უეცრად, მოულოდნელად

იქ, სად იღება ამ მთების კარი,
 მყის შეაფარა საბრალომ თავი.
 მაგრამ მიიხარით, რა გადურჩება
 მონადირის თვალს ხარბსა და მსუნაგს?
 მივსდიეთ უკან, ბოლოს კლდის ძირას
 თავს წავადექით ნადირის ბუნაგს.
 აქ, თბილი სისხლი ბლომად ესხურა
 კლდის მახვილ ქიმზე გადაზრდილ სუროს;
 რა დაგვინახა, შეკრთა საბრალო,
 მაგრამ, არ ჰქონდა გაქცევის ღონე.
 ისევ თავის ნუკრს უკანასკნელად
 თავდავიწყებით გადაეკონა:
 ..— ოჰ, გტოვებ, შვილო, ობლად,
 ვინ მოგაწოვებს ძუძუს!
 საბრალო დედაშენსა
 ხომ ხედავ გული უწუხს.
 აღარ ვარ, ჩემო კარგო,
 რაც რომ ვიყავი გუშინ,
 ცივი ყურშუმის ტყვია
 მწვავედ ტრიალებს გულში.
 გემშვიდობები, ჩემო,
 მიმყვება შენი სევდა,
 გაიზარდ-გაიხარე,
 ნუ დაივიწყებ დედას!
 ვფიქრობდი, ამ უხვ მთების
 გულ-მკერდს აღმართულს ცამდე.
 გაძოვებ, მაგრამ მორჩა,
 ვერ მივალწიე წადილს!
 მიმუხზოლა ბედმა, ამ ტყის
 ვედარ ვიხილავ რტოებს.
 საბრალო დედა-შენი
 ოჰ, რა ცუდ დროზე გტოვებს!
 და ეს ვარამი მწარე
 გულს, მგზნებარე ცეცხლს უჩენს.
 მიდის მთავარი სული,

რაით ვერ გინამავ ტუჩებს!
 რა იქნებოდა, ბედო,
 ამ ტყეში მეც მერბინა,
 მეც მქონებოდა ცის ქვეშ:
 სიცოცხლე, თბილი ბინა?!
 გემშვიდობება, შვილო,
 საბრალო შენი დედა.
 აწ, ვერ იხილავ მშობელს
 გადმომდგარს ამ სერზედა!
 ველარ მოგაწვდის ალერსს,
 ვერც ტკბილ რაით სავსე ჯიქანს.
 დაიმსხვრა სულ მთლად უცებ
 იმედით სავსე კიქა.
 ახლა, რაღა ვარ, ვკვდები,
 სიხარულს მოკლებული,
 აღარც თვალები მიჭრის,
 თანდათან მწყდება გული.
 ყელში წყურვილი მიჭერს
 სულ მთლად ამოშრა ხახა,
 ოჰ, საყვარელო მთებო,
 შემდეგ ნუთუ ვერ განახავთ?!
 ნუკრი ჯერ კიდევ ჩვილი
 ისმენდა სიტყვებს დედის.
 გულს უფატრავდა მწველი
 მშობელის მწარე ბედი.
 და ისიც გულმოკლული
 ცრემლს ღვრიდა უხვად ცხარეს
 და ამ მღვლარე ტირილს
 ისმენდა მთელი მხარე.
 ვერხვს რტო ძირს დაეხარა,
 თითქო მოსთქვამდა გნოლიც
 და მთის მწვერვალზე ახლა,
 აღარ ელავდა ბროლი.
 — „ოჰ, ნუ დამტოვებ, დედა,
 მსურს მარად შენი ცქერა.

უშენოდ მგელი შემქამს
 ანდა, წამილებს ძერა!
 ვინდა მაწოვებს ძუძუს,
 ვინდა დამიწყებს ალერსს,
 ვინ შემიცოდებს ბედკრულს,
 ვინ დამიკოცნის თვალებს?
 წვიმა გულს შემიწუხებს,
 გამიყინდება სისხლი,
 ბუნაგსაც, ვით მივაგნო,
 როს მთას დაჰბურავს ნისლი?!
 ქარო, ავ სუსხით ნუ ჰქრი,
 მარტო ვარ მკერდშიშველი!“
 — ასე სტიროდა ნუკრი,
 როცა კვდებოდა შველი.
 დედა კი, მომაკვდავი
 თავის განიერ თვალით,
 თითქო ნუკრის თავს გვთხოვდა:
 — ნუ მოჰკლავთ, შეიბრალეთ!
 მინდოდა, ნუკრი ჩვილი
 გადამერჩინა მაინც;
 მაგრამ ამაოდ, ცეცხლი
 უკრთოდა მოხუც რაინდს.
 ის, წამს მივარდა ნუკრთან
 ყელს გამოუსვა ყამა
 და თბილი სისხლი ბალახს
 დაესხა დილის ნამად.
 უცებ გათავდა წამი,
 მოკვდა ნუკრიც და შველიც;
 მთის ფერდობზე კი, ისევ
 ჰქროდა ნიავი ნელი.

XIV

დავბრუნდით უკან. გულს აკლდა მოხუცს,
 რომ ცოტა იყო ნანადირევი.
 შველსა და ნუკრზე როგორ შეჩერდეს,

როცა მას სურდა მოკვლა ირემის.
აბა, ეს ერთი შველი რა არი,
როგორ დასჯერდეს ამაზე გული!
ისიც ხომ ჩემი გასროლილ ტყვიით
ყო ღრმად ბეჭე გამოფატრული.
მივდივართ ასე. საღამოს უამი
რუხი მტრედის ფრთის შრიალით მოდის.
ამოდის მთვარე, კამკამებს ღამე,
ტყის გულში სევდით იძახის კოტი.
არე ძვირფასად ნაქანდაკევი
მთვარის. მკრთალ შუქზე სუსტად ეღავდა,
ჩანჩქერები კი, ჰგავდნენ სისწრაფით
ტუსალს, გაქცეულს სახრჩობელადან.
ამღროს, სრულიად მოულოდნელად,
თითქო მთამ ზურგზე მოიხსნა თექა,
და უცებ, ქიმის ერთი კუთხიდან
თოფის ხმამ ძლევით გამოიქეჭა.
მყის მოვიხედე, ჩემი მოხუცი.
ეგდო მიწაზე გადაშხვართული,
ღრმა კრილობისგან მოჩქეფდა სისხლი,
როგორც ანკარა მთის ნაკადული.
მთის ორწოხში კი, მრანაანე თემური
იდგა და ცეცხლის ხმაზე ჰყვიროდა:
— „ხომ ავისრულე ჩემი წადილი,
რაც გულზე მედო წამების ლოდან!“
თურმე მოხუცი და ის თემური
მტრობდენ ერთმანეთს ავმოსისხარად,
და რა იხელთა დრო ავაზაკმა —
მოქიშპის ჯავრი ამოიყარა.
კვდება მოხუცი. ცეცხლის თვალებმა
უცებ დაჰკარგეს მახვილი ცქერა,
და განიერმა მკერდის ბუდემაც
უკლო თანდათან ღონიერ ძგერას.
ბოლოს საბრალომ ტანის ცახცახით
ჩამქიდა ხელი, გადამეხვია:

დამქრალ თვალთაგან ნადენი ცრემლი
იყო მდულარე, მლაშე და მღვრია.

მითხრა: — ოჰ, შვილო! ხომ ხედავ, ვკვდები,
აღარ სცემს გული, ღონეც წამერთო.
კეთილ ხალხისთვის არ მსურდა ცუდი,
ამისი მოწმე შენა ხარ, ღმერთო!

ვკვდები, საცაა ამოვა სული
გემშვიდობები, ჩემო ძვირფასო,
მე იმედი მაქვს, რომ შენი გული
მომაკვდავ გულის მიხვდება პასუხს.
გთხოვ, ნუ შეარჩენ უპირო ჯალათს
ჩემ სისხლს, ჩემ სახელს და ჩემს წახდენას.

გველადაც იქცეს, ნუ შეგაშინებს
იმისი შხამი, იმისი კბენა!
და ჩემს დამლუპველს, დაღვრილი სისხლი
შეანანე და უქციე შხამად.

თუ შეასრულებ ამას, გადიხდი
შენი აღმზრდელის ზრუნვას და ამაგს!

— ჰოი, მოხუცო, ვფიცავ ცის ნათელს,
რომ შენი მკვლელი, სადაც არ შემხვდეს, —
მათხოვრის კონკით თუ მდიდრულ ფარჩით—
თუ ცოცხალი ვარ, — არ გადაეარჩენ,
იყოს თუნდ კარგად, იყოს თუნდ ავად,
იყოს თუნდ ლოცვად ხელაპყრობილი,
წამს მივეარდები, რომ შიშველ მახვილს
იმისი სისხლით დავბანო პირი!

— ოჰ, მჯერა, შვილო... მშვიდობით, ჩემო!..
წინ, ლამპრად გენტოს... ჩვე... ნი... წარ... სუ... ლი...
და ამ სიტყვებზე ღრმა ამოსუნთქვით
მყის განუტევა საბრალომ სული.
დავემხე პირქვე, დიდხანს ვტიროდი,
სახეს ჟღერძნობლად ვისრესდი ქვიშით.
ქარს კი ხევის ყრუ ნაპირებისკენ
მიპქონდა ჩემი მოთქმა და ვიში.

კვლავ ობლად დავრჩი, დიდიხანია
 იგი მოხუცი რაც რომ დავმარხე.
 მაგრამ თემური თითქო დაინთქა,
 არ ჩანდა მისი წყეული სახე.
 ერთხელ, როცა მზე მიმალულიყო
 და წვრილი თქორი სცვიოდა ციდან,
 ჩაფიქრებული და ნაღვლიანი
 ვბრუნდებოდი რა ნადირობიდან,
 შევხვდით ერთმანეთს მე და თემური.
 ცეცხლით აგვენთო ორივეს თვალი.
 მე შეეუძახე: — თუ ვარგხარ, თემურ,
 დამხვდი, ხომ ხედავ მოვდივარ ხმალით!
 მანაც იშიშვლა ელვარე ხმალი
 ისე, რომ თითქოს იძრაო ხევი;
 ვუტევე და მიტევეს, ვიბრძვით ორივე,
 ეს ორი ტლანჭი ბაყბაყი დევი.
 უცებ, ვით რისხვა, მოულოდნელად
 გადატყდა ჩემი მარმარა ხმალი.
 აქ, ბედმა თითქო განგებ მიმუხთლა,
 თითქო დამივსო ორივე თვალი.
 მაგრამ ვიშიშვლე ბასრი ხანჯალი
 პირკურთხეული ხორასნის რკინა,
 თემურს გონია ვკამე სირცხვილი,
 და ახლა უფრო გაბედვით გრგვინავეს.
 ვიბრძვით კვლავ ფიცხად, არცერთის გული
 არ ტყდება ბრძოლით, არ ტყდება დაღლით.
 თემურ ჰყრის დორბლებს ავი ბრაზისგან,
 თითქო ეგ არი, — გაცოფდა ძალლი.
 ბოლოს, ვიმარჯვე, დავეც ხანჯალი,
 გადავსქერ ყელი, ყალამი ისლის,
 ისე, რომ ჩემს მკვრივ ორღესულ მახვილს
 არ მოსცხებია მტარვალის სისხლი.
 ამდღიდან უკვე გავიქერ ტყეში,

როგორც ყაჩაღი, როგორც ფირალი,
 ველარ ვჩნდებოდი სამშობლო ხევში
 და უხეშ ბედზე ვიყავ მტირალი.
 აუტანელი იყო ეს ყოფა,
 მუდამ ნალველი და მარტოობა.
 და ასეთ ყოფის ავი სიმძიმე,
 მიხშობდა გულში ყოველგვარ იმედს.
 შემდეგ, როცა მთას მეც შევეჩვიე
 და არად მიჩნდა ნაპრალის კიდე,
 ნადირობისას გავიცან ფილო,
 მან მეგობრულად, ძმურად მიმინდო,
 მაგრამ ეს ძმობა იყო ხანმოკლე,
 თქვენმა შემთხვევამ ჩვენ დაგვაშორა.
 და დღეს ის მხოლოდ მტერია ჩემი,
 ეცდება გული გამიპოს ორად.
 აქ, ჯიბუ მკვირცხლად წამოხტა ზეზე
 მუდაყანს მკერდზე გადაეხვია
 და მოხუც გულის ტკბალი ალერსი
 ვაქვ ფანტელივით გადაეფრქვია.
 უთხრა: — „გთხოვ, დარჩე ამიერიდან
 ჩვენთან, ჭაბუკო, ვით ღვიძლი შვილი.
 შეწუხებებს კი, არ მოერიდო,
 გაგვინაწილე ჭირი და ლხინი!
 და ამ სიტყვების მტკიცე დასტური
 იყო მოხუცის მხურვალე კოცნა,
 თითქო ცივმა მთამ, მკერდგაყინულმა
 მხურვალე მზის გულს სხივები სტყორცნა!
 მიუახლოვდა მუდაყანს დინჯად
 მზიაც გულში ღრმა ეშხის ჭრილობით,
 ადათისამებრ თმები მოაჭრა,
 აქ ვაქმაც ფიცი დასდო შვილობის.
 დამშვიდდა ჯიბუ, დამშვიდდა მზიაც,
 თითქო ჩადგაო ძლიერი ვნება,
 დრო შუალამეს გადასულიყო,
 ცაზე კვლავ ენთო ვარსკვლავთა კრება.

მზიამ ლოგინი გაშალა სწრაფად,
აქ ყველა მისებრ იყო დაღლილი.
დაწვენენ, წისქვილის დარდიმანდ ხულას
შემოეხვია მთვლემარე ძილი.
სძინავს სუყველას, მაგრამ არ სძინავს
მყვირალა არაგვს აურზაურით.
მას უერთდება ხევის წისქვილი
განუწყვეტელი მქახე ზმაურით.
და ეს არული ღამის წყვედიადში
მიიწევს მთისკენ ნისლის ქულებად,
თითქო იქ არი შვების მწვერვალი
და გულის სატრფოც იქ ეგულება!

XVI

დღენი მიჰკრიან, როგორც ცხენები,
ამათ რა დაღლის ქვეყნების მოვლით!
ზამთარი არის, მთების ფენები
დაბურულია უძრავი თოვლით.
ხოლო, კლდეების პიტალო ქედი
სად თოვლის ფიფქი ოდნავ ვერ შერჩა,
ერთი შეხედვით მგზავრს მოაგონებს
პატარძლის თავზე დახეულ ლეჩაქს.
აი, ამ მთის ძირს მოყვება ვაჟი,
მას ზურგზე ჯიხვი ჰკიდია რქებით.
უდაბნოსაებრ სიჩუმე მთაში,
თოვლის ნამქერში აღარ ჩანს ქვები...
ეტყობა, ვაჟი მონადირეა,
მის გულს არ ხვდება გრგვინვა და ექო;
ცალ ხელში თოფი, ცალით გზას ზვერავს,
რომ კლდის უფსკრულში არ გადიხეზოს.
თუ ქიმზე ფეხი მოუხსნლტა უცებ
კვლავ მეორე ქიმს მოეჭიდება,
თოვს მთაში, ხოლო ცის კაბადონზე
თღვლის ფანტელი ფრინავს ჩიტებად.
ეგ მონადირე მუდაყან არის,
იგი არ უფრახის ნამქერს და ღვარებს.

მიდის წინ დინჯად, ბოლოს მიადგა
 ხევში წისქვილის დარაზულ კარებს.
 — ჰეი, ვინ არი სახლში, არ გესმის?
 — შენ თვით ვინა ხარ, პასუხი გამე!
 — მე ვარ მუდაყან. გამიღე კარი!
 და არც გასულა არც ერთი წამი
 ურდული გვერდზე გადაიწია —
 ვაჟს შეეგება ღიმილით მზია.
 — მუდაყან, ჯიხვიც მოგიტანია!
 — მაშ, უმწვადებოდ დაგტოვებდი, ჩემო ქალაო?!
 — ასეთი ჯიხვი როგორ მოჰკალი?
 — შენთვის თუნდ კოცონს ჩავუქრო ალი!
 — მოდი ცეცხლისკენ, ნუთუ არ გცივა?
 — მე ისიც მათბობს,
 შენ თვალთაგან ღიმი რომ ცვივა!
 — შენი პასუხი გულს მოხვდა მწარედ!
 — ჯერ ის მითხარი, ჯიბუ სად არი?
 — აი, ახლახან ხევის რუს გაჰყვა,
 რომ შეაკეთოს წისქვილის ღარი!
 და ამ სიტყვებზე ქალმაც და ვაჟმაც
 იგრძნეს სიამე სულ სხვანაირი.
 გარეთ ძლიერი ქარბუქი იყო
 და საშინელი ცივი ჰაერი.

XVII

შუა წისქვილში ღადარი. ცეცხლი
 ელავდა ალის ფერადი ღიმიით.
 ღველფში კი წითელ დიდრონ ნაკვერცხლებს
 საბრალო ჯიხვის ნამავდა ცხიმი.
 ჯიბუ ჯერ კიდევ არ მოსულიყო,
 კვამლი წვდებოდა ჩარდანს და დვიროს.
 მზია მუდაყანს მოუჯდა გვერდით,
 რომ ვაჟის გული მოინადიროს.
 ხან კი, გაიხსნის გულის საღილეს,

აქ, მკერდი ბროლად აელვარდება,
ხან კი, სიწითლე მეტი ვნებისგან
ეფრქვევა ლოყებს კოკორ ვარდებად.

მუდაყან თითქო თავს იქერს ახლაც,

მაინც აილო მგზნებარე აღმა,

ძლიერი ვნების გამოსაწვევად

ახლა ვაყს ეშხით მიმართა ქალმა:

— მუდაყან, ხომ გწვავს ჩემი თვალები?

— მწვავს, როცა ჰკრთიან მეტ ელვარებით!

— ჩემი თმა-წარბიცი ხომ გაჯადოებს?.

— გულში სისხლს კუმშავს და ცეცხლს მათოვებს!

— ხომ გიხარია, როცა მზია შენს ახლოს არის?

— მიხარია და ჩემს სიხარულს არ აქვს საზღვარი!

— მე ვჯობივარ თუ ხევის ყველა ქალები ერთად?

— ჩემზე რომ იყოს, მე დაგსვამდი იმათ ქალ-ღმერთად!

— ხომ ძლიერ მოგწონს ჩემი ყელი, ჩემი გულ-მკერდი?

— რა სათქმელია, ხარ უმანკო ღულუნა მტრედი!

— ჩემი მკლავები, ან თვალები, — რას გეუბნება?

— ნუღარ იქერო, აუშვიო მხურვალე ვნება!

— მაშ, გყვარებივარ უსპეტაკეს ნაზ სიყვარულით!

— მიყვარხარ, ჩემო, და ამ გრძნობით სავსეა გული!

— რომ მომიტაცონ, სწორე მითხარ, არ გეწყინება?

— აგრე რომ მოხდეს, გულში სისხლი გაიყინება.

მაგრამ, შენს თავს მე ღვთის რისხვასაც არ დავანებებ,

მსურს ჩემი იყო, გთხოვ მოენდო ისევ ჩემს ვნებებს!

— მაშ, რას უდგეხარ, შენია მზია!

აქ, ქალს ვაყი მძლედ გადაეხვია.

მაგრამ, ჰოი, ავ-საკვირველებავ,

ასე რომ ღვივის, ვით ნაკვერცხალი —

ვისია იგი მზვერავი თვალი?

საიდან გაჩნდა? ან, აქ რა უნდა?

იქნებ, კარზე სურს დააგოს მახე?

იქნებ, ეს არის ავი ზმანება,

ანდა ეშმაკის წყეული სახე!

ეს ჯიბუ არის, საბრალო ჯიბუ.
 თითქო კარს ადევს რკინის ურდულად.
 დგას აქ უძრავად, ამ ავხორცობას
 თვალცრემლიანი უცქერს ქურდულად.
 რა ჰქნას? გაალოს კარი ასეთ დროს,
 შერისხოს ორთავ ქალიც და ვაჟიც,
 თუ სულ გაიჭრეს ამ ყრუ ხევიდან
 და სული სადმე დალიოს მთაში!
 ბოლოს, მოკვეთით გადასჭრა გულმა,
 როს ზედ მრისხანედ მოაწვა ზვავი:
 — „ჯობს, რომ გავშორდე ამ წუთისოფელს
 წისქვილის ღარში დავიხრჩო თავი!“
 და ამ ავ ფიქრის გავლების შემდეგ,
 თვალი მოავლო სამშობლო მხარეს,
 სად ნაგემები ჰქონდა მას ბლომად
 წუთები ტკბილი, წუთები მწარე.
 — „მშვიდობით, ჩემო ძვირფასო ხევო,
 თქვენც, ჩემო მთებო, აზრდილო სვეტად;
 უჩემოდ ალბათ დაგწყდებათ გული,
 თქვენ შემობრალეობთ მეუღლის მეტად!
 ჩემო წისქვილო, შენი მოხუცი —
 აწ, ვერ იხილავს თქვენს სწრაფად ტრიალს,
 მოვარდა მძლავრი გრიგალი უცებ
 და ბედი ძირში გადამიმტვრია.
 მშვიდობით ჩემო, შენი კედლები
 ჩემებრ მოხუცი, თვალებ-ირიბი
 შეინახავენ ტკბილ ხსოვნას ჩემზე,
 მოხუცს, მღუღარედ დამიტირებენ!“
 ამ მწველ სიტყვების შემდეგ მოხუცი
 გადახტა უცებ წისქვილის ღარში.
 და შიგ ჩაინთქა, დოლაბების ხმა
 იყო ამ ავი შემთხვევის მარში.
 ქარი კვლავ ზმუის მშიერ ხარივით,
 არ წყდება ფართო ფანტელთა თოვთა;
 საბრალო ჯიბუ ასეთ ღამეში
 საყვარელ მხარეს გამოეთხოვა.

XVIII

გათენდა დილა. ქარბუქი უცებ
ჩადგა, მზეც დინჯად მოგორავს ცაზე.
მაგრამ დღეუპვა ბედკრულ მოხუცის
არეინ იცოდა ამ ქვეყანაზე.
მზიამ ეგ ხევი სულ მოიარა,
მაგრამ ვერ ჰპოვა მოხუცის გვამი.
და დაეჭვების მწველი იარა
ჰკლავდა წუხანდელ განცდილ სიამეს.
ვაუიცი დაეჭვდა. დაეძებს მოხუცს,
ათვალიერებს ხევს მქრელი თვალით,
ზეგრამ არსად ჩანს საბრალო ჯიბუ,
აღარც მკვდარი და აღარც ცოცხალი.

XIX

გავიდა ზამთრის ავი დღეები,
მან ვაზაფხულიც გადაიყოლა.
ზაფხული არის, მწვერვალი მთების
მარამაშა მზეზე ენთება ბროლად.
წისქვილი ძლევიტ ხმაურობს ისევ,
მზიამ დასტოვა ჯიბუზე გლოვა,
და ბედმა მის გულს სხვა სინალისე
და სხვა იმედი ჩამოათოვა.
აგერ, მუდაყან. მზიაც მის გვერდით.
მათ გადმოჰყურებს ამაყი მუხა.
ჰყვავის მყინვარის ფიქალი მკერდი,
წყალვარდნილებიც საშინლად ჰქუხან.
მთაში კი, დაძრწის ველურად ფიდო,
როგორც დამფრთხალი მამალი ჯიხვი.
იმისი სახე დათვს მოგაგონებს,
და მრისხანე ხმა, — მერანის ჰიხვისს.
მან ბევრი სცადა, მაგრამ ამაოდ.

ვერ შეუტრხია მუდაყანს ბეწვი
და ახლა შურით ძარღვები, სისხლი
ბრაზისგან უფრო სტკივა და ეწვის.
მაგრამ გული კი შხამით აღსავსე
იკვებებოდა იმედით მაინც;
ლონე თუ არ სჭრის, ჯობს ხერხმა გასჭრას,
თორემ რით დასძლევ დევივით რაინდს!
და ჰა, დროც დადგა, — ამაყ მუხის ქვეშ
ხედავს, მუდაყანს, მის გვერდით მზიას,
გული აევსო გესლით და შხამით,
თვალეებს ბურუსი გადაეხვია.
და მყისვე თოფი შემართა ფეხზე,
წამს ამოიღო მიზანში გული,
იჭექა თოფმა, მყისვე მუდაყან
დაეცა პირქვე მკერდგამირული.
ფილო გაიქცა, მზია თმას იგლეჯს,
გულგახეთქილი წავივით წივის;
მაგრამ ამაოდ, ადრინდელივით
აღარ ელავდნენ თვალეები ცივი.

X X

ავ მარტოობამ მოიცივა ხევი,
მზია ნაღველით დარჩა კვლავ მარტო;
მას ხომ სიცოცხლე არ უხარია,
და არც ამ მთების მშვენება ართობს.
მოხუცი აღარ აბოლებს ჩიბუხს,
ვაჟიც დაინთქა ცხოვრების გზაზე,
აღარც მუდაყან და აღარც ჯიბუ,
არც სხვა იმედი ამ ქვეყანაზე!
ფიქრობს და დარდობს, მაგრამ, ოჰ, უცებ,
როს გულს მოაწვა ნაღველის ალი —
ვერ აიტანა და ჯავრისაგან
შეცდა ჰკუაზე საბრალო ქალი.
და ჰა, დღეს იგი თმააჩეჩილი

დახტის ამ ხევში ნაღველალესით,
ხოლო მთები კი ადრინდელივით
ხვდება თბილად და ტკბილი ალერსით:

— ქალო, ასე გულდამწვარი
ნეტავ რაზე სტირი?

— ჰოი, მთებო, დიდი არის
ჩემი გულის ქირი!

— ქალო, ასე ფეხშიშველი
რად დარბიხარ ხევში?

— ჰოი, მთებო, ჩემი გული
გატყდა, როგორც თეფში!

— ქალო, შენი ბროლის სახე
შეიბრალე მაინც!

— ჰოი, მთებო, ველარ ვხედავ
ჩემ საყვარელ რაინდს!

და დღეს ასე ბედგამტყდარი
იცინის, ხან სტირის,

თმადაშლილი, ცეკვით უვლის
ტოტებდახრილ ტირიფს.

X X I

მიწყდა სიცოცხლე, მხოლოდ მყინვარი
დგას ისე, როგორც მანამდე იყო
და მის წვეროდან ამდგარი ღვარი
რწყავს ამ ხეობის თვალუწვდენ რიყეს.

ქედანიც თითქო მიყუჩებულა,
აღარც ნავარდობს მერცხალი ისე.
თითქო ლიბრედი ნისლების ქულა,
ახშობს ამ ხევის ძველ სიხალისეს.
ოდესღაც ცეცხლით აღსავეს ხევი
აღარ ხმაურობს ამთაგორებით,
წისქვილიც თითქო ბედდანახევი
დგას გულმოკლული, დგას დაღონებით.
ხოლო, როცა მზე გადაიხრება

და ხევს აღარ წვავს მცხუნვარე ალი, —
კვნესის ჭოტი ძველ უბედურებას
ეგ, ხევის ერთი ჭირისუფალი.
და ამ კვნესაში, თითქო დასტირის
მკვდართა საფლავებს თვალები მწუხრი.
თერგი კი მთების კალთებში ყვირის:
— ჭოტო, ავ კვნესით ნუ შემაწუხე!
მაგრამ ჭოტს თერგის სულაც არ ესმის,
იგი თავის ჯავრს სტირის და კვნესის.

1926



ა. ს. პუშკინი

ზამთრის საღამო

ცას წყველიადით ქარი ფარავს,
თოვლის ბუქი ყალყზე დგება,
ხან მხეცივით დაიღმუვლებს,
ხან ბავშვივით ატირდება;
ხან კი სახლის სახურავზე
ისლის ჩალას აზუზუნებს,
ხან, ვით მგზავრი, გზას ამცდარი
ფანჯარაზე აკაკუნებს.

ჩვენი ქოხი ძველისძველი,
ბნელია და მწუხრით სავსე,
შენ კი, ჩემო ბებრუცუნავ,
რად მიმდგარხარ ფანჯარაზე?!
ნუთუ ცივად მოაღერსემ
შენ დაგღალა ზამთრის ქარმა,
ან ჩასთვლიმე იმ ხმაურში,
რაც გამოსცა თითისტარმა?

მოდი შევსვათ, დამილოცე
მოშხამული ყრმობა ჩემი,
შევსვათ დარდით, ასწი ჭიქა,
დე, აივსოს გული შვებით!
სთქვი, თუ როგორ უცხო ჩიტი
შორს, ზღვის გაღმა ცხოვრობს წყნარად,
ანდა, როგორ მიდის დილით
გოგო წყალის მოსატანად!

ქარი ქრის და ცას ჰფენს ღრუბელს,
თოვლის ბუქი ყალყზე დგება;
ხან მხეცივით დაიღმუვლებს,
ხან ბავშვივით ატირდება,
მოდი შევსვათ, ჩემო კარგო,
გაახარე ყრმობა ჩემი,
შევსვათ დარდით: ასწი ჭიქა,
დე, აივსოს გული შვებით!..

ნუ მღერი ჩემთან, ჩემო ლამაზო.

ნუ მღერი ჩემთან, ჩემო ლამაზო,
შენ საქართველოს ჰანგებს მწუხარეს,
ახლა ისინი მე მაგონებენ

სხვა ცხოვრებას და შორეულ მხარეს.
როცა შენ მღერი კვლავ ცოცხლდებიან
ლამე, მთვარე და ვრცელი ტრამალი
და მთვარის შუქზე წარმომიდგება
სახე შორეულ საბრალო ქალის.

მე ამ ჩვენებას საბედისწეროს
შენ რომ შეგხედავ, ვივიწყებ მყისვე,
მაგრამ შენ მღერი, და ჩემს წინაშე
იმისი სახე ცოცხლდება ისევ!

ნუ მღერი ჩემთან, ჩემო ლამაზო,
შენ საქართველოს ჰანგებს მწუხარეს,
ახლა ისინი მე მაგონებენ
სხვა ცხოვრებას და შორეულ მხარეს!..

ა. ვ. კერნისაძე

მე მახსოვს იგი ძვირფასი წამი:
წმინდა გენიის მშვენების გვარად,
ვით წუთიერი რამ მოჩვენება,
შენ ჩემს წინაშე .იდექი წყნარად!

უიმედობის დაღლილ წუთებში,
როცა ამაოდ დიოდნენ დღენი—
დიდხანს მხიბლავდა ხმა მოალერსე
და საოცარი ხატება შენი!

წავიდნენ წლები... ბობოქარ ქარმა
გაჭფანტა ყველა ფიქრები ჩემი,
მეც დაევიწიე შენი ხმა ტკბილი
და სახე ციურ მშვენების მჩენი.

მივიწყებული, სადღაც შორს, ბნელში,
ქრებოდა ჩემი დღეთა კრებული,
ულვთაებოდ და უშთაგონებოდ
სიყვარულს, ლხინს და ცრემლს მოკლებული.

მაგრამ დაიწყო გამოცოცხლება,
და როგორც წინათ, იმგვარად ისევ,
ვით წუთიერი რამ მოჩვენება,
შენ ჩემს წინაშე დადექი მყისვე!

და ახლა გული კვლავ გახალისდა,
მისთვის გაცოცხლდა ის სიხარული,
სად ღმერთიც არის და შთაგონებაც,
ცრემლი, სიცოცხლე და სიყვარული!..

მ. ი. დერმონტოვი

სიზმარი

სიცხიან დღეში, დაღესტანის ტრიალ მინდორზე,
მძიმედ დაჭრილი, უმოძრაოდ ვეგდე ეული,
ღრმა ჭრილობიდან თითქოს ბოლი ამოდიოდა
და სისხლისაგან იცლებოდა ჩემი სხეული.

ვეგდე უძრავად, ყრუ ტრამალის სილაზე ობლად
და კლდეთა ზღუდე მერტყა ირგვლივ ვიწრო და გრილი,
მზე რუხ მწვერვალებს უღმობელი სხივებით წვადა
და მეც მწვადა ის, თუმც მემძინა მთვლემარე ძილით.

და ვნახე ძილში, რომ შორს ჩემგან, მშობელ მხარეში
იყო ნადიმი მხიარული თვითეულ ჯერზე;
და ყმაწვილქალებს — ყვავილებით დამშვენებულებს
ჰქონდათ ბაასი გამართული საამოდ ჩემზე.

მაგრამ მათ შორის მხოლოდ ერთი არ იყო იმდროს,
სად შვება-ლხენას ეძლეოდა ქალთა კრებული,
იჯდა ობლად და სულით შვებას არ ეძლეოდა,
და, ღმერთმა იცის, თუ რად იყო ჩაფიქრებული!

მაგრამ ეზმანა, მას, რომ სადღაც, დაღესტნის ველად,
ეგდო უძრავად და უსიტყვოდ ნაცნობი გვამი,
ღრმა ჭრილობიდან თითქოს ბოლი ამოდიოდა
და იღვრებოდა ცივი სისხლის მჩქეფარე ღვარი...

ი. ვ. გოეთე

• •
•

ზვიად მთების ირგვლივ
დუმილია წყნარი,
ტყეში ფოთოლს ოდნავ
არც კი არხევს ქარი...

არ იძვრიან ხენი,
არც ჩიტები სტვენენ,
დაიცადე ცოტა
და შენც დაისვენებ!..

>

პ. ბ. შედი

სიკვდილი

სიკვდილი მუდამ ჩვენი ახლო თანამგზავრია,
სიცოცხლეს ყველგან დარაჯობს იგი
და, რაც არსებობს, არ ივიწყებს, მონახავს ბოლოს.
რომ მოაგონოს თავისი რიგი.

ჯერ ხალისს მოკლავს, შემდეგ იმედს—ჯერ გაუფურჩქნელს,
და ამის შემდეგ რას-ღა აქვს ფასი,
და, ბოლოს, თვითონ, ვით ყორანი, შემოფრინდება —
დასცალოს ჩვენი სიცოცხლის თასი.

და იღუპება ასე უღვთოდ, რაც გულს უყვარდა —
დაუსრულებელ სიკვდილის ქარში,
მაგრამ რაც გვიყვარს, ის რომ ქვეყნად არა კვდებოდეს,
თვით სიყვარული მოკვდება მაშინ!..

ჰეინრიხ ჰეინე

ფ ი ზ ვ ი

შორს, ჩრდილოეთში, ფრანსო კლდეზე
დგას ერთი ფიქვი განმარტობით,
მთვლემარე ფიქრით და თოვლის ფიფქით.
შემოსილია მისი რტოები.

და ეჩვენება შორს, უდაბნოში,
მას ერთი პალმა მზიური მხარის,
უხმოდ რომ გლოვობს თავის ობლობას —
მხურვალე კლდეზე მოწყენით მდგარი.

—

ანრი ღე-რენიე

ზღვის პირად

დაწექ ნაპირზე და აიღე ხელში სულ მცირე
ერთი პატარა მუჭი სილა მზისგან რომ ელავს
და მიეც ნება თითებიდან იდინოს ჩემად,
შენ კი უცქირე ცის ლაყვარდს და ზღვის გულმშვიდ ღელვას.

შემდეგ დახუჭე თვალი ოდნავ და იგრძნობ მალე,
რომ თითებს შორის ის სიმძიმე გაქრა სრულიად.
ჩვენი სიცოცხლეს, როგორც სილა დროებით ასე
მარადისობის ნაპირიდან აღებულა!

მოგაკვდავი დედა

ფრანგულიდან

რაო! მოკვდა, თუ ცოცხალია? იქნებ მას სძინავს?
იქნება, შესძლო დაამება საბრალომ წყლულთა?
ვიღაც კი ჩუმად გაიძახის: ბავშვი მოჰკვარეთ,
ო, ჩქარა ბავშვი მოუყვანეთ საბრალოს გულთან!

და იმ ადგილას, სადაც წინათ ფეთქავდა გული —
ბავშვმა დედის მკერდს მიაშურა ხარბად, ვნებურად.
ოი, ახლაც თუ, ახლაც იგი ვერ გაიღვიძებს, —
ჩანს აღარ არის, სამუდამოდ გაცივებულა!..

ს ა რ ჩ ი შ ი

o გაკელის პოეზია — წინასიტყვაობა კ. ბობოხიძისა 3
1921 — 1956

სიცოცხლის პიშნი	11
კოლხეთის მთვარე	12
გურული სიმღერები	13
გზიდან	16
გულის სიმღერა	18
ლექსი შრომაზე	25
ალაზნის ველებს	21
ბელითონეების სიმღერა	22
ოქტომბრის რევოლუცია	23
სამშობლო	24
ლექსი აღმშენებლობაზე	25
პოეტი	29
ცხოვრების მდინარე	31
უცხოელი ფიქრების სიმღერა	33
ჩვენ მქედლები ვართ	35
ბოლნისის გზაზე	37
სამქედლოში	39
ლიახვი	40
ლექსი მეგობრებისადმი	43
ნანა	54
ფიქრები თბილისზე	56
ახალი კოლხეთი	50
ჩემო კარგო მეგობარო	61
ყრმას	63
გასწი, ჩემო მეეტლევ!	54
მერცხალი	67
მესხური ლაშქრული	68
უთონაა მთა და ბარი	67
შენ რომ გულით გძულებოდე!	70
ცაცხვი	71
ძალაროს პრელუდიები	73
ვით ნიავის ნაზი ფრთები	76
პარიზის კომუნა	77
იმედი	79
მოდო, ტურფავ!	80
შოთა რუსთაველს	81
შადრევანთან	83
გახსოვდეს, სამშობლოვ	84
სალამო	85
ქეთევან ირემამეს	87
მზე	98
წერილი ახალგაზრდობისადმი	89
შენ თუ გგონია	92
შუადღე ქარხანაში	93
აკაკი	95
მეზარე	97

პერ დაგივიწყებ	92
ფიჭრი თანამედროვეობაზე	95
ჩემს სოფელს	101
საქართველო	102
გახატებულ-	104
წვიმა	105
სიამე მყუდრო მარტოობაში	105
რიცა	107
ფანტასტიური პაემანი	108
სალამო პახმაროში	109
ტირიფი სოხუმის ბაღში	110
სიკაბუკის დღეებო	111
წერილი დედას	112
სალამო ჩემს სოფელში	113
ჩემს ფანჯარასთან	114
ზაპესი	115

1919 — 1920

თუ განგებამ ინება	120
ნალელიანია სული ჩემი	121
ბედი ცბიერი	122
ნეტავ ბეწვი იყო	123
გუშინ ისე მიხაროდა	125
ყარაჩოხელი	126
ბელურები	129
ლურჯი ფრინველი	130
მთაწმინდის მთიდან	132
ტუსალი	133
არძოლის ტალღებში	135

ბ ა ლ ა დ ე ბ ი

სიყვარულის ბალადა	136
ლაქე სიმინდის სარჩევში	138
გამოთხოვების სამძიჟარი	142
სოფლის ბალადა	147
მეფე და პოეტი	152

პ ო ე მ ე ბ ი

შირაქიანი	158
ზელიმხანი	185
არსენა ჯორჯიძისევილი	197
მეწისქვილი	226

თ ა რ გ მ ა ნ ე ბ ი

ჩამთრის სალამო (ა. ს. პუშკინი)	258
ნუ მღერი ჩემთან, ჩემო ლამაზო (ა. ს. პუშკინი)	270
ა. პ. კერენისადმი ა. ს. პუშკინი	271
სიზმარი (მ. ი. ლერმონტოვი)	272
* * * (ი. ვ. გოეთე)	273
სიკვდილი (შელი)	274
ფიქვი (პეინე)	275
ზღვის პირად (ანრი დე-რენიე)	276
მოშაკვდავი დედა (ფრანგულიდან)	277

Иона Луквич Вакели
Стихи и поэмы —
Избранное
(На грузинском языке)

Государственное издательство
«Сабчота Сакартвело»
Тбилиси
1958

რედაქტორი კალე ზოზოხიძე
მხატვრები დ. და ვლ. ქუთათელაძეები
მხატვრული რედაქტორი ჯ. ყავლაშვილი
ტექნიკური რედაქტორი ან. დვინიაშვილი
კორექტორები } ლ. არეშიძე
 } პ. ლელუაშვილი

გადაეცა წარმოებას 7/VII-57 წ. ხელმოწერილია დასაბუქდად 25/V-58 წ. ქაღალდის ზომა 84×108¹/₂. ნაბეჭდი თაბახი 14.3. სააღრ.-საგამომც. თაბახი 11.02. სააგროთ. თაბახი 10.23. უფ 00378. ტირაჟი 2.000. შეკვ. № 464.
ფასი 7 მან. 50. კპ.

საქართველოს სსრ კულტურის სამინისტროს
მთავარბოლიგრაფიკამომცემლობის ბეჭდვითი სიტყვის
კომბინატი. თბილისი, მარჯანიშვილის ქ. 5.

*

Принат печати Главполиграфиздата
Министерства культуры Грузинской ССР.
Тбилиси, ул. Марджанишвили, 5.

